

地 340.203

42

部三

鍾



山縣

志

中華民國廿二年八月

王翰題



中華民國二十二年八月

鍾山縣志



王翰題



鍾山縣修志人名錄

前修志主任

盧秀芹

纂修

潘寶疆 盧世標

總編輯

盧鈔標

編輯

鍾賓鴻 王瀚 岑祖彭 董鎮白

區採訪

董含綦 徐世榮 岑祖彭 潘寶謙 董含香 廖可榮 韋乃民

廖榮昌 陳憲仁

團探訪

鍾信亮 程志高 楊沛沂 盧錦標 羅永貞 潘斯洋 盧得春

鍾先鈔 梁宗鴻 楊茂亭 何效忠 鄒廷梧 馮克彰 何定陞

鍾培元 鍾毓良 鍾國翰 黃榜登 曾五樓 馮東方 陳憲義

楊克標 陳初昌 蔡明良 莫憲文


校對

楊席珍 陳憲仁

鍾山縣志

序一


昔稱富水今號鍾山棋局紛更輿圖難辨等夏殷之遞嬗歎文獻之無徵賸有遺編都付祖龍之劫鑽來故紙又成帝虎之譌縱教數典籍談亦當忘祖即有記言左史徒苦抄胥然歐陽子能讀書應成一志惟劉知幾嘗論史務要三長故蠹簡相符或可畫葫蘆舊樣而鴻文無範究難翻杼柚新機此鍾山志之不易修而亦不可不修者也蓋有志則沿革更番可以從頭歷紀有志則折磨萬狀猶堪回首當年憶新邑之經營諸多旁午而前途之阻碍無限艱辛川原盡屬萑苻天地都成荆棘江村擾擾還鄉之李涉幾危郡縣迢迢降盜之耿純安在謝惠連竟爲山賊驚駭多人杜審言雖有衙官遠踰百里天邊邑令來援則氣少鷹鷂日下營兵隔絕則風同牛馬父母難歌孔邇頹憫魴魚人民未定攸居哀如鴻雁慨生民之轉徙任暴客以虔劉得



不載咏鴟鴞歎室家之未有務要亟除狐鼠俾城社以相安既遇顛連遂圖振奮欲
捍災而禦患須同病以相憐爰偕十萬戶同人共謀立縣并合二五都舊侶衆志成
城庶幾惴惴羣生因此脫離苦海或冀熙熙萬物大家同上春臺然而時在權輿事
仍枘鑿內訌交鬩喧闐眞似蜩螗外鬻頻生爭競幾如蠻觸笑郭郎之舞袖勞鮑老
以登筵是誰暗用機心動搖傀儡使我非常棘手顛倒裳衣二議員身寄邕寧况瘁
幾經歲月諸君子神疲鍾鎭奔馳無間星霜或鼠掘或雀羅罄貲財而轉運或蟻拖
或鰲負隨氣力以支撐綢繆而土徹桑根前皆荼苦紹復而祥徵木蘖今始薺甘冰
凜韓嬰心裏之金城稍固酒澆阮籍胸中之塊壘全消瞻雉堞之廻環覩蜂衙之高
矗肇造萬間廣廈士盡歡顏頻通四境高軒人皆喜色市廛輻輳盤龍騰德政之聲
闐闐紛囂璞鼠有居奇之貨加以元戎鎮攝威掃狼氛長吏循良政無虎猛秋肅剪
當途之棘陽和栽滿縣之花民情都已權臚邑志差堪貂續矣特慮才非李守素人
物志亦難成學異張茂先地理圖不易畫况雪添兩鬢態方笑其龍鍾而秋洗雙眸

書詎窺夫鴻寶事蹟多則紛紜頭緒參稽或失其真紀錄忙則搖蕩心旌聞見難徵
其實所以蠻頭襲謬夔足承譌濫竽貽南郭之羞通印摘東坡之誤揮毫饒舌總覺
皇皇納手捫心常呼負負笑賣驢之作契耻祭獺以成篇不傍古人直道願同杜老
踏着實地坦懷願效溫公儻來許邵閒評定有口中月日還冀褚裒卓識常留皮裏
春秋

中華民國九年秋月盧秀芹英甫氏序



序二

治鍾難志鍾亦不易志即史也政教禮法之紀載損益因革鑑馬麟經遷史尙已故曰前事不忘後事之師明治志相因之道斯得所以志鍾者矣鍾山古富水縣治也昔明洪武間遷治富川萬曆時復析地隸昭平是邦之民情禁勢格明清遞嬗嘗設通判理苗亦外之也洎乎清末盜匪紛擾去治彌遠民國紀元百廢待興望治益切鍾之士夫遂倡設治之議舉潘寶疆黃尙中兩君爲省議士請於當道幾經波折又集衆志以圖之越五年夏始奉

大總統黎核准設治是秋省委北流馮汝翼君籌建縣署六年六月湖南徐世鐸君奉命來宰鍾山於是數百年廢置分析之縣治始獲還其舊都漸臻上理其圖治之難若此又安可不志耶方鍾山未設治以前數百年政教文物舊志蓋多闕疑邦人君子喜縣治之新立怵文獻之無徵乃推名宿數輩修志先君英甫公實主任之九

年設局編輯十年因政變擱筆十五年世標奉命權鍾篆輒集諸搢紳謀續修志籌編輯印刷之資兩載始備不圖湘軍涉境事致中輟十九年邑令潘寶疆復延家兄鈔標暨王瀚鍾賓鴻董鎮白岑祖彭諸君繼續編輯以世標愚陋亦濫竽其間更於公務鞅掌之餘得奉先君遺稿弁諸編次幸何如也自修志伊始迄今十有一年綱目始具豈茂陵詞藻工於淹滯耶抑棊局紛更志之不易耳夫古今之變滄桑改易嘗登萌渚之巔覺思勲富水之流馮乘龍平之墟懷漢武唐宗之威烈撫丁隆張祐陳曷虞諸公之經營而今邈矣鍾山之剝而復者何哉雖然鍾之設縣爲圖治也縣之修志爲補治也後之作者以志求治審因革之宜行富教之政鍾山其庶幾乎

中華民國二十年辛未仲春盧世標序

鍾山縣志

目錄

插圖

鍾山縣全圖

鍾山縣城圖

卷之一 地理志……………一——四八

經緯度 疆域 輿圖 形勢 山脈 河流 鄉村 墟市

風景 古蹟 橋渡 水利

卷之二 歷史志……………四九——五二

沿革

卷之三 風土志……………五三——五六

風俗 氣候

卷之四 戶口志……………五七一六〇

城區 中區 東區 南區 西區 北區

卷之五 田賦志……………六一一六四

田賦

卷之六 物產志……………六五一六八

動物 植物 礦物

卷之七 建設志……………六九一七二

城池 黨部 公署 局所 公路

卷之八 教育志……………七三一八四

教育局 縣立中學校 縣立一小校 各區小學校 閱報社

圖書館 公共體育場

卷之九 公款志……………八五—一〇〇

縣財務局收管公項 教育局收管公項

卷之十 實業志……………一〇一—一〇四

農 工 商 鑛

卷之十一 政績志……………一〇五—一〇八

勞績 循良

卷之十二 職官志……………一〇九—一一式

文職 武職

卷之十三 人物志……………一二三—一九六

科舉 選舉 畢業生 出仕 鄉賢 列女 耆壽

卷之十四 列傳志……………一九七—二二八

列傳

卷之十五 文藝志……………二二九—二五八

文 詩 雜著

卷之十六 雜記志……………二五九—二九二

災祥 搖撞 寇變 附殉難 靖難 軼事

圖




全

縣

山


鍾

●	〓	〓	△	▲	○	●	⊙	〓	〓	〓	〓	〓	〓	〓	〓	〓	〓	〓	〓
區公所	要隘	公路	平樂屬村庄	富川屬村庄	村庄	城市	縣治	小河	河流	山脈	新區界	舊區界	縣界	縣界	縣界	縣界	縣界	縣界	縣界



仁憲陳華惜 人作著圖本
名原珍席楊 人訂校

鍾山縣城街市圖



鍾山縣志

卷之一

地理

經緯度 疆域 輿圖 形勢 山脈 河流 鄉村 墟市
風景 古蹟 橋渡 水利

經列東西緯分南北步通豎亥郵達夷庚伯翳山海之經張騫河源之溯可稽諸掌儼列如眉所以王母新圖蕭何舊籍既有犬牙交錯須防蝸角相爭鍾山新立縣城必固吾圉十九團自富川析入二五都由昭邑歸來若者爲唇齒之區交相保護若者爲咽喉之地必慎防維雖大道爲公四境無分畛域而防微杜漸兩界必判山河拓百里提封作萬家樂土欲勘鱗壤亟劃鴻溝也志地理

經緯度

西經五度 北緯二十三度強

疆域

全屬疆域縱仄而橫廣自東至西凡百四十里自南至北凡九十里北起大統山經

枒杖嶺黃牛頭牛軛嶺界富川東北依萌渚嶺脊界湖南之江華東起五拱水經西灣鞏門嶺分水嶺界賀縣南起掛壁山經地爐嶺冷水嶺六搖冲雷電山界昭平西起沙江溶水嶺經南蛇嶺雙龍嶺大酋山界平樂西北依雞母嶺界恭城縣治踞富江西岸距桂林四百五十里因地制宜分城中東南西北六區

按縣屬舊分城中東南西北六區民國二十一年實行訓政劃分七區計第一區以城團守望大耀安寧安吉安和安平望高穿岩昇平太平等團屬之第二區以羊頭龍門栗頭西灣等團屬之第三區以鳳翔石龍迴龍等團屬之第四區以大橋鳳尾東鳳尾西鳳尾公安等團屬之第五區以均安同古義安大良公安等團屬之第六區以燕塘山口玉坡六寨英家貢口龍伏黃嶺五將三和桔芬啓善三聯等團屬之第七區以紅花安樂保安三江等團屬之

形勢

鍾山僻在嶺南介富昭之間應翼軫分野東鄰臨賀西接昭州北枕枒杖南懸掛壁

萌渚巍嶢於東北大曾邈迤於西南大阜崇陵佈滿境內易爲奸究逋逃藪古稱山國難治信然在隋唐之世號爲巖疆明清以還設爲重鎮今則平梧路線橫貫中心西起木林東達西灣化險爲夷交通便利新文化之輸入日異月新舊汚俗之蕩滌颺馳電掃此又談形勢者不在山谿之險而在設施之適當也

山脈

縣屬四境多山嶺因富江貫注東部山脈遂分爲二其在江東岸者爲萌渚山脈在西岸者爲大統山脈

大統山發脈於富川之西屏山紆徐南來至與富恭兩屬毗連之西北角入境崛然而起高峯插天凡縣境中西兩部諸山嶺山脈皆起點於此入山處有石門兩峯對峙中夾小溪爲思慙江水源之一迤東行曰塘上山塘下山楓木均枒杈嶺止於富江西岸隔江接黃牛頭直趨大塘山牛軛嶺迴峯疊嶂如屏蔽然是爲富鍾天然界嶺本支則自楊梅冲趨入蜿蜒南行於紅花昇平間蟠結而爲東嶺嶺之東麓有白

馬山合掌石即在山下自東嶺南經土巷坳突然雙峯名西山嶺頂有龍湫不涸不溢城區在其東中區在其西即縣治之祖山東南行於城南兩區間曰龍岐嶺統嶺班嶺紆曲迤邐狀若游龍草木葱蘢附近居民樵蘇多麇集於此由班嶺東折爲斜嶺直趨入賀境西折行於賀鍾間則有石脈嶺分水嶺嶺之北麓有小溪流入南區濁水江亦爲思勳江水源之一再西行曰松廣嶺層巒環矗綿亘凡二十餘里萌蘆嶺適當其北蓋南區之最高峯也西有掛壁山爲賀鍾昭三縣界嶺更西行有摩天嶺牛仔凹地爐嶺旂嶺十八山接米嶺直趨入西區之萬丈山鳳凰嶺止於思勳江東岸此皆縣境中部之山系也

其自大統山西南迤行於鍾恭界嶺間至北區之三江圍境突起峻峯名雞母頂以上有石形如雞卵卵得名登其巔則富鍾平恭等地歷歷可繪東南有花山盛產材木樹林蔭翳風景絕佳更東南行崛起而爲西嶺嶺之南麓龍平廢縣遺址在焉由雞母頂南經山羊頭牛牯嶺白帽嶺等高峯西望沙江依然在目再南經山口嶺南

蛇嶺以迄於西南部之大酋山折而東趨爲大冲嶺隔白土河對岸而與茅嶺相接雷電山石脈嶺即在其東止於思勳江西岸此皆縣境西部之山系也

萌渚嶺爲五嶺之一俗名姑婆山由富川白沙烏羊嶺入境聳峙於縣之東北隅高數百仞氣象磅礴西麓有邊蓬山竹均嶺平頭山獅子嶺七星山白岩山大廟山延袤三十餘里富有鑛質產錫尤甚附近居民多賴淘洗錫沙爲生活由竹均嶺東南行經望高大岩山過沙子均復東南行於城區東區間有龍岐山石門嶺白坭嶺經下馬頭逕達西灣止於富江東岸此爲縣境東部之山系也

要而論之鍾山環境土地以十計之平原約居其四山居其一嶺居其五人民多依嶺而居日事耕作祇顧農田之利而罔計十年樹木之益坐視重疊崇陵荒廢資百獸蟲蛇之穴居不知地道資生材不勝用果能盡力墾種或松杉或桐茶四野荒陬都成利藪人民生計莫大於是是在都人士之善自爲謀耳

附載 山嶺

鍾山在縣城北門內石峯峭立形如鼎峙上刻有狀元峯三字旁刻大明嘉靖七年富川知事徐參書

祿貴山在縣城南門外明義士周眞墓在焉

望高山在縣城南門外與祿貴山對峙中隔南門江山之南有周濂溪祠

碧雲岩縣南一里其中寬廠深邃奇異萬狀有宋石刻高處有廣陽島三字載古蹟見富川縣志

穿岩山縣南一里山底空洞東西有岩貫通其西岩口有塘塘內有井泉水由岩口流入山底復由東岩口流出繞龍江村經塔山而入富江惜所灌田畝爲數無多不克盡此水利

龍岩山縣南四里平原突起怪石嶙峋煙樹蒼鬱山麓有洞曰龍岩幽靜朗廠登臨其間居然仙境遊人多有題咏

雞山縣南五里巔有巨石屹立如雞故名石約數萬觔以手撼之微動亦奇異也

馬鹿嶺縣南六里嶺巔有塘週年不涸

尖山縣南七里峭拔如玉筍直聳雲霄不亞榕城獨秀峯

塔山縣東南二里其頂舊有塔今基址猶存

照壁山縣東南五里山巔有岩岩裏石痕宛如足跡好事者相驚訝爲仙人蹟云

筆架山縣東對河四里三峯排列酷似筆架

三台山縣東九里山腰有岩如門前人題有風門雲洞四字內有大坪上有仙掌游士多有題咏

帽元山即茅源山縣東十二里山麓有大石寬丈餘屹立路旁頂平寬尺許深不可測週年有水味甘可供多數人汲飲

錦鯉山縣東北十里以狀如鯉魚得名下岩村人傍山聚族而居咸豐時猥匪亂數來撲村該村人及附近土人皆據此山禦之

瑠璃山縣東二十里在羊頭團境四周平壤崛然峙立上有古廟旁有一岩深不可

測

尖峯嶺縣東三十里在羊頭團境蕉冲之主峯也高數十仞氣象軒昂北麓有牛岩嘉樹扶蘇松杉蒼翠民紀前十五年鄉耆盧秀蘭築廬於此今遺址猶存

朝天龍縣東南二十里在羊頭團境天矯蜿蜒綿亘數里昂首朝天酷似吹風蛇人過其地心輒慄慄

平山岩在羊頭團境距縣二十五里山頂平如一字故名半山有岩深邃寬廠清咸豐時匪勢猖獗近地民衆多避岩內被燠斃者千餘命光緒甲辰紳耆盧秀芹董紹綱黃序功等不忍岩內骨骸暴露聯合地方善士捐金瘞之名其墓曰平山岩老少男女白骨之墳並以餘資建祠岩內別置產爲每年重陽日設祭追悼之費

大岩山在羊頭之南距縣四十五里峭壁懸崖高數十仞半山有岩咸豐初獵匪亂居民匿岩內避難被火攻燠斃數十人

鐘鼓石在羊頭西南二里許岩內景緻殊佳左有懸石如鐘右有凸石如鼓以挺擊

之音頗似鐘鼓故名鐘鼓石

寶山縣東南五十五里在城區龍門團境形如寶蓋橫截富江下流據形家言爲全縣鎖水口樞紐距山數百武有數石橫列江中俗呼爲龍過水

穿岩山距望高九里山由萌渚嶺來脉一山壁立中空一洞如城門然高寬約五六丈溪水中流由岩而進地勢坦平別有洞天夏日陰涼可避暑冬月朔風從岩口吹出勢甚猛烈

龍巖山在南區鳳翔團境山下有巨洞濁水江由此而過洞壁四周皆鱗爪痕相傳古昔有龍潛此山即因之得名洞口有石鞏橋橋上千尋峭壁下有深淵曰牛皮窩水深無際每當春潦洪波噴折亦壯觀也

蘇石山在鳳翔墟之北相距約一里矗然挺立如擎天一柱四周平疇濁水江沿其南而下大有桂垣獨秀山之概鍾姓人環山麓而居名蘇石寨

石岩嶺在鳳翔之東高數十仞其最高峯曰紅花頂上有盤石縱橫畝餘石下間產

人參相傳與葫蘆嶺同時有霧必雨課者屢驗

大井岩在鳳翔之南距東山脚村半里入數武忽開朗寬有數畝壁間多題詠燐燈再進深數里相傳有路可通賀屬之公會山岩游者不敢再窮其境此間岩石肖魚鱉虎豹者不一更有天台一所台爲平石所成坐片時如登清虛府故以天台名之馬馱鑼或稱馬拖螺在鳳翔團南境首部山石突起作駿馬昂頭勢下有岩曰馬口中部山半有黑石一帶由腰至鬣曰馬腹鬣鬣上一石形如圓鑼山下諸石馬蹄痕宛然故曰馬馱鑼距山南數十武爲涼傘山石紋旋轉斜上肖田螺倒置亦名螺山因將二山合稱曰馬拖螺云

獅子山在馬馱鑼之南高二十餘丈濁水江繞其前橫如襟帶山半有岩中有石乳下垂如牙齒然故名牙齒岩

統嶺在南區石龍團東境半嶺有甘泉道光間源頭村鍾含章鍾含光兄弟釀金建亭於其上名甘泉亭歲久亭廢光緒間章孫鍾杰光孫鍾濂復聯里中善士重修葺

之壁間題詠頗多民國初年爲土匪所焚今廢墻尙存

葫蘆嶺在南區二五都潘家寨南其西南諸山層巒疊嶂皆從此嶺發脉高數百仞其頂有霧必雨舊有銅佛六尊土人歲祭之祈禱立應後失去好事者易以石像相沿至今迷信者仍多祀之

蓮花山在葫蘆嶺下中峯石尖峭如蓮瓣層出環麓有水四時不涸又名出水蓮花鳳凰山在石龍團潘家莊之西高可二十餘丈聳然獨立於南區中部頗肖昂頭欲飛之鳳故名

將山在南區迴龍團之西高峯插天群山羅列左右無有高出其上者有一將登台群峯聽命之概故名

羊角山在將山東南相距約半里雙峯挺出形如羊角山麓有岩盛夏時風從岩出居民多到此乘涼

黃山在將山東北由山北上百餘級內有一塘曰黃山塘四圍皆山寬可百餘畝中

有一岩消水相傳咸豐時忽有水如潮由岩湧出亦異事也

騎龍營嶺在廻龍團境爲騎龍營村後山萬曆二十六年黎天龍作亂官軍駐此征剿之

鎖頭山在中南兩區交界處屹立于濁水江畔宛爲南區鎖鑰故名

浮雲嶺即白雲山在中區鳳尾團西境相傳產甲乙艾丙丁薑得之可醫百病旁有丹竈山爲漢張道陵煉丹之所

鯉魚山在中區鳳尾團西境即鯉魚寨後山也山麓有石橋爲二巨石相疊而成中有二石擊之音韻鏗然俗名之爲石鑼石鼓又有石立如人簪髻儼然名媳婦石

交馳馬山在中區大橋團境二山狀極肖馬一首北向一首南向

獅山在中區大橋團境梁屋山之後山也山形肖獅頭尾耳目俱備前有圓小山狀如球俗名之獅子滾球

白帽嶺在西區燕塘團北境高數百仞其巔微有陰霧三日內必雨居民課雨占晴

歷試屢驗

玉屏山在西區玉坡團境高數十丈形展如屏上有岩岩內有石如壽星石乳下垂撞其聲如鼓如磬又有石盈丈色白如玉雖大霧不能掩其白故名

雷峯山在玉坡團境高逾百丈上有池水四時不涸

月影石在玉坡玉屏山麓大如箕中有白石痕酷似粉書月字

中和山距玉屏山約五里平中一突形似獅子山平衍若棋盤里中有期會悉至其地聽鄉約排解

筆架山在西區英家之北高近百丈三峯秀列狀如筆架

梓木山在筆架山後卓立端秀下有村莊名梓木山背

龍山在英家之西相距一里許高百餘丈形如鷹鳥斜飛左翼上展右翼下垂中部突起小山如側首作東向狀

龜山接連龍山高數十丈上成一大橢圓形儼似龜背肩際有峯突起如首形家名

爲仰天龜

獨擎山在英家之南旁無倚附挺然傑出遙望之若樹表然

銅鼓嶺在英家東北高數十丈嶺頂圓平皆土質頂下有石一線環繞儼如鼓狀
觀音岩在英家之觀音閣旁中有潭水深莫測相傳有隧道由山底經螺山街下通
至五將山而出長約一里云

一洞天岩在英家觀音閣左側前臨河濱寬敞明亮游人到此別有洞天

東坡岩距英家五里岩內石色潔白大小石窟天然結構酷似佛龕並有五六石柱
長可逾丈別有一石屹立大可合抱高八九尺狀極肖塔層次勻整紋痕精細桂林
月牙七星諸岩無此奇觀

文相山即萬丈山在西區桔芬團境高數百仞附近之十八山涼傘山仙人嶺六搖
冲嶺鳳凰嶺皆此山支脉

雙龍嶺在西區三和團境山內旋繞蘊蓄寬濶廣大林樹菁葱極其秀麗

雷電山在西區清塘墟之南高百仞山皆土質盛產材木有特色茶樹葉味甘美尤能解暑療疾爲不可多得之珍品名雷電山茶

古搖山距清塘墟里許從白帽嶺發脉迢遞數十里重巒疊嶂至是崛起山高約千八百尺居民畜牧採樵多取給於此

麒麟山爲古搖山南出之一支山皆石質若麒麟之昂藏其首而蹲伏其身者昔人以其狀似貓又名貓兒山

風岩在西區楓木村後山麓風從岩出冬溫夏涼盛暑時行人經此往往息肩休憩披襟頃刻清爽異常

清龍岩在西區老姚村背之螺山距英家五里俯臨思勤江畔山麓僅一小徑將至岩懸崖無路土人於其中建樓始可通行岩內有石如田形亦有類牛狀者燭之星光閃目清貢士曾思睿有句題壁上見文藝

象鼻山在西區五將團境即石脈嶺之極東端也形如巨象鼻端勾曲伸入仙姑潭

山當濁水江入思勳江水口之下游又名合水口嶺

石牛嶺在西區啓善團境勢高聳嶺腰一平坡中有青巨石長五六丈高二丈許仰觀酷肖青牛眠狀故名

龍潭山在西區啓善團境由高煥山發脉蜿蜒而下至山麓突起小岡頂有二石屹立如龍角前有潭秋間水清澈見潭底一長黃石橫貫潭心猶潛龍然

石人岐在啓善團境歧中小坪有石頭面手足俱備儼如人狀

白馬山在北區昇平團境距縣二十五里山旁有合掌石刻隋安樂縣君蔣氏神道碑文

文筆山在白馬山南兩峯尖聳如雙筆然

穿石山在北區昇平團境距縣十五里半山有岩相傳爽朗道人莫公居此省志作穿光山

獅子頭在北區昇平團境距縣十里逆踞江流儼然形似

河流

縣境群山錯列衆水分流其可通舟楫源較長而流稍大者首推富江次則思懃江富江發源於富川之橘母新田由石龍而下皆平沙淺瀨流經古城始可行舟至黃牛頭峽口入境西合長溪江水奔騰澎湃勢漸汪洋東西流過太平抵縣治南門溪自西來滙再流至水口洲洪水江自東來滙蕩漾而南直趨羊頭下西灣岩口江自東來滙流行八十餘里濱江居民多塞壩激水造車架筒運江水灌溉田疇頗稱便利自西灣以下流入賀境曰賀江

思懃江以思懃廢縣得名上游曰西鄉江源出於縣境西北隅之大統山東南流出紅花繞西嶺東麓抵鳳凰材西合花山諸水勢漸大流經白霞滾滾南下山口溪自北來滙西南流歷英家直趨榕木雙龍水自西來滙折而東流至合水口濁水江自東來滙西南流下昭平注入灘

附載溪水

南門溪發源於軍冲東北流合榕木寨大井水經縣治南郭東注富江

洪水江源出富川之搖山由白沙而下至富屬之鯉魚洲入境西南流經通平橋至

水口洲注於富江

岩口江由望高大岩發源南流經栗頭下西灣注入富江

花山水在北區三江團境曰三叉江四里江平布江統稱花山水三叉江源出勝洞

坳四里江源出寶洞平布江源出周家腦東南流至毛段三江始合流而南抵鳳凰

村入西鄉江

山口溪源出斗爐窰東南流合白帽及觀山諸水經梓木山背出小良南注西鄉江

雙龍水發源雙龍嶺東南流至榕木東注思慙江

濁水江由與賀縣界分水嶺之棋枰石發源西北流經鳳翔石龍廻龍逕達大橋折

向南流至鳳岩東合銅鼓溪水順流南下十八水自東來會西南流至桔芬入思慙

江

銅鼓溪源出掛壁山西北流經義安出銅鼓直趨大洞西注濁水江

十八水源出十八山麓西流至山口注入濁水江

蕉冲溪源出沙睦寨之春頭井紆曲流行十餘里西注富江

白土河在西區啓善團境由金雞嶺麓發源東南流出廻龍過石粉南折至秧地西

合古營溪水流入昭平境曰思庇河

鄉村

城區八團

一城團

福壽坊 富文坊 桂華坊 富華坊 永清坊 德政街 新舖街 鍾山

墟 朝東寨 三角嘴 黃竹山 木枝塘 金樓村 南蛇肚 甌山肚

高山面 琵琶山 馬鞍營 朝南廠 茸草坪 自坪肚 楊橋腦 螺塘

寨 魚仔塘 周家廠 大塘肚 犀牛仔 松蘭村 馬頭寨 蓮嶺寨

禎祥村 新橋寨 豺狗山 馬山寨 田莊村 興隆村 竹根廠 葫蘆
塘 鍾山莊 金龍村 架規冲 尖山島 螺山寨 社山脚 山背廠
大山角 大岩口 茶亭廠

二守望團

長布洞 大石村 盤龍村 廻龍村 朝陽村 榕木寨 獨石山 龍灣
村 坐位冲 大山脚 龍江村 新安村 十八工嶺 老樹立塘 上馬
嶺 石橋仔 華南寨 猪母壘 蛟龍地 修達嶺 丹車墘 橫嶺廠
狗仔嶺

三大耀團

芋苗塘 朝東塘 矮嶺脚 梅子橋 新廠仔 大廠 五馬槽 馬鞍山
廠 馬路頭 盤古村 面前廠 社背廠 大島廠 牛岩村 獨石廠
平石村 四棍地 花香坪 石柱脚 蝦井村 大島肚 桐油冲

四安寧團

龍團村 下岩塘 新里廠 汝灘村 入人岩 道地洲 大清塘 清塘
仔 白虎頭 大壩頭 石屋埠

五安和團

程屋埠 羅家洞 獨柳村

六安吉團

清塘村 榕木洲 何家村 松木寨 魚骨洲 土地塘

七羊頭團

羊頭街 柿木園 木元寨 羊頭新寨 羊頭島 將家洲 仙人鞏 腊
木脚 朝天龍 黃牛山 菜塋 八桂山 龍門村 旗頭山 白屋寨
黃塘村 貓兒山 平山岩 波羅塘 鑷刀灣廠 新安村 新立寨 金
竹廠 馬鬃岩 牛兒塘 猪母嶺 長冲岐 大嶺頭 羅屋寨 沙角

獨田腦 圍龍寨 老住洲 萬熬寨 松木脚 婆壩 板壩 黃石村
壘田村 洞心村 沙睦寨 石頭塘 蕉冲新寨 老村 橫嶺寨 石人
嶺 魚笏壩 溪頭嶺 鵝頸嶺 面前嶺 水口洲 上東車 下東車

八龍門團

金竹窩 嶺尾寨 雞母洲 平安寨 下宋 黃室 大岩寨 龍泉村
澁井寨 柘木寨 中柱山 出水地 蝦公鬚 黃塘岐 石山仔 螞蝗
冲

中區五團

一大橋團

大橋墟 梁屋村 鄧塘村 土塘村 大面山 山仔脚 牛眠山 田龍
村 高村 大竹冲 廖屋村 白水塘 栗園村 背風塘 將山村 寶
塘山 珍洞村 雙樹村 鳳口村 桂嶺脚 木橋村

二鳳尾東團

鳳尾墟 大田寨 螺壳岩 西山脚 馬鞍山 黃屋寨 野里岩 李家村 九普嶺 螺田寨 雞田寨 蓮花村 茱豆冲

三鳳尾西團

鯉魚寨 太平寨 平安寨 塘背寨 江頭寨 錫富山 江塘村 大嶺寨 荷塘 桔塘村 賴塘 興隆村 灣島山 水寨 白霞 注祿岩 界牌村 大南門 小南門 盧屋 鳳凰村

四均安團

扳橋車 烏木樑 新村 瓦屋地 白飯寨 油欄冲 大洞 嶺脚寨 鳴母塘 車田寨 鳳岩 木旂山 面前嶺

五同古團

同古墟 中寨 松柏寨 塘尾村 底寨 田冲 土龍村 興隆寨 太

平寨 白竹村 賜祥堡 賜祥壩 下寨 上蒲 金鵝 富竹村 頂高
營 鴨公營

東區五團

一安平團

羅溪 古里冲 光頭山 潘家村 新杏村 大壩頭 秀元山 望西邊
寨 魚骨洲

二望高團

望高街 上松岩 下松岩 望東邊寨 了髻山 絢馬嶺 十八澗 天
馬山 樟木凹 廖仙岩 班魚塘

三穿巖團

上鳥仔井 下鳥仔井 夾棍冲 鉄屎坪 金竹冲 茶坪園 八仙冲
鬼仔坪 毛合洞

四栗頭團

石梯 下馬嶺 五拱水 上排 下排 凹背 白岩 萬里 竹元 平
嶺寨 賓安寨 水岩壩 上洲 下洲 楓木村 牛洞塘 岩口 同樂
嶺 銅錢坑 七星山 清水拱 木林頭 萬塘 水聲肚 寨脚塘 三
十村 沙子村 栗頭源 大蓮塘 廻龍村 石牛塘 八都寨

五西灣團

西灣街 觀音岩 嶺脚村 田廠 竹園

南區五團

一石龍團

大地 馬鞍嶺 牛橋村 源頭鞏 嶺脚洞 高樓仔 源頭村 神墳
金盤寨 牛尾嶺 白獅村 和睦村 蘿葡崗 大巷口 桅杆脚 鞏門
口 獅子頭 黃坭窩 叢桂寨 新寨 新寨仔頭 老虎尾 念正山

念恩寨 尖寨 木魚寨 梁家壩 茅栗坪 金岩口 新興村 東寨仔
頭 西寨仔頭 文諫山 燕子村 龍溪村 黃坭壩 大苞 溫橋寨
黎屋寨 塘坪壩 新田寨 竹兜寨 六田寨 中央寨 那學寨 唐月
寨 新廠 藍石坪 山仔脚 鳳尾村 水圳口 石龍墟

二鳳翔團

寬頭寨 牛舞龍 天柱冲 江凹寨 鳳凰島 蘇石寨 鳳陽村 老石
角 東山脚 珊瑚 金武坪 大田 新寨 上栗 冲蘆 矮山 蓮塘
村 石壩 沙洲 樟村 龍岩 蓮花村 東林 新立 栗頭爆 銅鑼
壩 銅鼓壩 校枝 地蒙 浮萍村 老村 桑木下 鳳翔墟

三廻龍團

鶴崗 田心苞 石街頭 圍仔肚 上泉溪 矮嶺寨 泉龍寨 上洞
下泉溪 松林塘 新竹塘 大圍村 洞心寨 寨肚 大苞 杰子苞

順龍村 騎龍營 花子村 大洞 松木仔 有福冲 虎岩山 馬肚
廻龍村 鍾地村 蔣家冲 金雞嶺 水口圳 羊角山 西江橋 月朗
塘 花門樓 掛榜山 川岩 橋背 萬安寨 塘台村 橋亭 大島
岑塘山 廖公島 劉家 楊家寨 唐福冲 陶屋 楊家仔 梅嶺口
板壩 烏塘 龍塘村 龍眼洲 朝東寨 村尾 鳳嶺村 三台村 東
寨 茶溪 高樓脚 鳳凰山 階源村 新塘爆 星子洞 龍道 腊井
村 東井寨 來龍村 茅栗崗 灣福村 廻龍墟

四義安團

義安墟 板寨 湓田 源頭腦 佛子背 平坡 大廟背 地蘆
五公安團

鳳律洞 下洞兩村 立寺村 下舖村 六蓋村 管營村 廖家冲口
波寨 金殿村 東羌村 六樓村 塘頭村 板兜 羅望洞 桐油村

六鄉村 華周村 栗洞村 銅鼓嶺

西區十四團

一英家團

英家街 白沙井 黎家洞 雞婆寨 塘廠 官塘 竹圍 大圳背 尖
山廠 興隆村 赤馬 田墩 油榨洞

二貢口團

貢口 桐油坪 大田廠 新寨 公山岩 龍檬冲 木窩 蓮塘 門樓
冲 里村 塘冲 竹冲 沙梨園

三龍伏團

龍伏村 老姚村 盤龍寨

四黃嶺團

黃嶺 小良 溪心洞 鄧村 泮村

五大良團

大良村 竹山村 福船村 蕉葉冲 上平村 大洞

六燕塘團

燕塘墟 燕塘寨 梓木山背 月小 明家 大宅 地廠 張屋 松子

島 十里山 公豪 大嶺島

七山口團

黃寶村 老舖 大木根 山口仔 羅圍寨 永定 石馬嶺 白帽 斗

爐窰 板羌寨 螺靨冲 馬規冲 馬頭寨

八玉坡團

玉屏村 老寨 六通巷 中和村 新寨 新寨灣 岩口井 東閣塘

地島 雲洞 鯉魚頭 朝陽村 高樓巷 屋頭圍 雷峯山 朝山脚

黃連木根 秧地寨 深井 楓木林

九六寨團

高岩村 龍田村 容嶺村 高田村 大埠村 天馬村 螺山村 華山村
龍山村 五圍嶺 新寨 周家 佛子岩 山根村 山合村 妙冲
村 長塘村 龍六村 龍頭村 富螺村 圍肚村 公立村 平安村
紅岩村 鳴髻村 灣肚村

十五將團

撥壩村 楓木寨 黃屋村 洞心村 虎頭寨 龍洲村 高車村 打銀
新寨 社兒寨 圳口寨 田村 萬福村 大冲村 妙六村 公要村
陸家寨 老虎冲 李家寨

十一三和團

大灣村 板牆村 亞東村 岩口村 橋埔村 楓木村 永慶村 馬曹
村 澁村 木林村 石田村 玉山村 苟累村 觀音村 蓬頭源 王

趕村

十二桔芬團

魚梁尾 公瑞坪 新英村 山口村 鯉魚村 六搖冲 江和村 六旦
村 大冲村 四哨村 大營村 劉家宅

十三啓善團

明村 廻龍村 茅嶺 石粉村 六朗村 大洞村 覃家村 白土村
歐家村 馮家村 秧地村

十四三聯團

清塘墟 卯山 水東村 陶唐村 良村 雞社 里壩 新村 忠寨
木山島 蔗山

北區六團

一 紅花團

麥嶺村 銅盆村 田洞寨 古樓村 橋頭寨 杉木寨 鳴鸞寨 蓮花
村 陶家村 北曹 洞心 大竹坪 茶園村 楊梅沖 大營村 燕子
寨 龍塘村 西柳村 黃羌村 木園村 肥魚村 蟠龍村 鵝鸞村
長村 螺寨 鰲嶺 灘頭 永安村 鍾屋 大庄 車田寨 大丈塘
天塘肚 秧地沖 湯水 銀瓶村 獅子嶺 鳳凰嘴 北淵沖 花生坪
燒灰島 馬槽沖 洞心廠 龜岩口 洋屎沖 紅花墟

二 安樂團

栗頭 龍窩 平江 小岷 赤嶺 大江頭 黃竹 茅獐地 兩安街

三 保安團

漕確源 小埠源 沙坪 新寨 岩口 廻龍 橫嶺 沙溪源 大岷
白石脚 大統山 扎排頭 下嶺脚 沙坪山 明溪源

四 三江團

榜冠村 橋頭村 板丹 板社 中洞 涼傘村 納塘 高鼎村 鹿角
村 石船村 龍潭村 丹竹村 屏利冲 大柳根 新寨 龍灣寨 大
和村 茅坪 雞湯坪 梓里村 毛段村 平埠 大灣 鹿洞 周家
大江邊 大田叉 白面田 周家腦 白帽源 橫冲 老屋冲 納富
人頭田 玫瑰冲 蟠龍村 寶洞 狗蟠

五 昇平團

菜地冲 白馬 大洞腦 上烏石寨 下烏石寨 黃牛角 大嶺脚 護
塘 石橋肚 馬頭寨 朗古 老虎冲 朝陽村 大錫坪 新築塘 永
寧廠 冷水廠 新田村 大田寨 老村 木蔭 龜石 朝東村 新立
村 龍井 平安村 松柏塘 歇塘 太平村 大屋甌 交椅山 昇平
街 新安寨 笋塘

六 太平團

太平墟 桂子塘

墟市

鍾山墟在城南門外原名鎮安墟

羊頭街踞富江西岸離城三十里以上城區墟市

大橋墟在濁水江北岸離城三十里

鳳尾墟前臨鍾平路離城三十里

銅鼓墟離城五十里以上中區墟市

望高街當平梧路及賀富路之要衝離城三十里

立頭街卽栗頭源在平梧路東離城四十五里

西灣街在富江東岸由驛路離城六十里由公路離城七十里以上東區墟市

鳳翔墟在濁水江上游離城五十里

石龍墟在濁水江西岸離城三十五里

廻龍墟一名大檬墟在濁水江東岸離城二十五里

義安墟在銅鼓水上游離城七十五里以上南區墟市

燕塘墟離城六十里

英家街在西鄉江西岸離城七十里

清塘墟離城八十里

桔芬墟當濁水江入思歡江口離城九十里以上西區墟市

昇平街在富江西岸離城十五里

太平墟在富江西岸離城二十里

紅花墟在西鄉江西岸離城四十里

兩安街在西鄉江上游離城五十五里以上北區墟市

風景

中樓 樓在縣城北門內鍾山上民國十六年邑宰盧世標籌款建築以爲中校學

生休課時游眺之所窗開四闢環城山水皆可覽勝有記刻石見文藝

大廟山 在東區栗頭團東隅山由萌渚來脈形肖下山虎勢頗雄壯半山有岩寬

平朗廠土人立廟其上祀七寶神模範鑛即在山下每當斜暉晚照爽氣西來游客登臨俯察仰觀饒有逸興

獅子庵 在南區迴龍團之南庵在山中歷階百餘級始達其地禪房雅靜山徑幽深庵外古樹參天怪石拔地身臨其境恍如別有洞天方之粵中羅浮風景依稀相似也山中產赭石游人常往採取

神石廟 在南區田心爆村前於平原中突起小山衆石嶙峋起者伏者蹲者臥者不一其狀廟在山下村落棋布一望田疇古樹翳陰羣山送翠當晴陰時往游其境殊覺心曠神怡亦塵囂中之勝景也

飛龍岩 在石龍團寨仔頭村後有石級二百餘步曲折而登岩室幽邃非束火不能深入洞口有石乳下垂其下復起一石柱一俯一仰狀如虬龍鬥舞氣候

冬溫夏涼盛暑時入其內清爽異常壁間刻有昔人題詠字跡斑蝕平野田疇一望無際濁水江橫繞其前登臨環眺恍游榕城風洞岩歸來也

觀音閣

在英家鳳凰山之東距天然石窟數十武閣在山之淺洞洞口有巨長浮

石正中插立左右空隙若二門然壁上題詠頗多以字蹟日久斑蝕難辨閣外有石砌坪前臨江干河水澄清游魚可數坪右板橋橫鎖叢篁半遮左則古樹蔦蘿濃陰翳蔭前岸峰巒層疊山翠可挹河濱一巨石突出逆抵江流昔人曾建釣臺其上並有百蠻遵道四字鐫在壁間游客登臨輒爲之流連不置

花山

縣西北五十里周圍峻嶺遍地松杉枝葉交加經秋彌翠洞內溪流交錯飛泉噴薄四處泉音怡人神志村落均沿水而居每屆芳春柳綠桃紅爭妍鬥紫處處別有洞天劍南所謂山窮水盡疑無路柳暗花明又一村不啻爲花山寫照也

按富川縣志載花山縣西九十里堆藍罨翠勁柏蒼松交枝銜綠密蔓爭妍爲一邑之名勝

古蹟

碧雲巖 在縣城南俗名官岩洞中石壁題云白霞山碧雲洞皆富川佳處而碧雲去縣南里許中有數盤石擊之隆隆然俗傳爲天師石鼓其岩室深邃非束火不能造其奧信神仙之遺跡也予遇暇常與男耘耔泊宜山羅功著鉅野程翰叔來遊因以鄙詞記之靖康元年上巳日仙鄉山蔣燮題又一石題云古趙汴善政養民罷權臨賀郡丞趨八桂以乾道己丑二月十一日止富川十三日拉邑宰共山張重起伯振丞南城李紳元章警開封石土強宗周簿舒城阮翰北海自披雲亭過碧雲巖伯振命酒少酌欸曲論情是日也風柔日暖木秀花明頗得一時之勝拂石紀行以爲後日之省汝奇汝川駒兒侍行云云至民國九年邑宰永明唐南杰正齋飭警督工整理亂石掃除苔蘚

就岩石之形肖獅象者施以雕刻公事餘閒與士紳賭酒賦詩勒石以紀其事宋蔣燮有詩題壁載文藝

廣陽島 即碧雲岩上其石自然成此三字遠望則分明近視如擘絮狀見富川縣

志

烈女潭 在縣城西門口有碑立城外上刻奉巡按廣西監察御史陳爲烈女鍾姑於崇禎十一年正月二十有二日流賊數百黎民衝鎮時鎮男女老幼各自逃生希全性命有鍾姑者係本鎮鍾太旻女也年紀十八未嫁見賊勢迫越城而下值城下有一池突被數賊追獲姑念必爲所辱自思身死何取形生偷生不如立節憤力投池以死謝賊乃保其污於戲此誠扶輿之間氣當於古烈女求之矣時值指陳公臨鎮親閱被賊情形通學具呈公舉蒙按臺批云搖蕩雜處之區有此慷慨之女亦是問氣仰該縣動支官銀勒碑一道篆其事實旁列本院官銜爲烈女潭碑正中書烈寒潭月四大字以旌之是以

仰遵憲諭豎立碑記篆其事實以旌其烈永誌不朽云巡按廣西監察御史陳爲烈女鍾姑立富川縣丙子科舉人汪自任撰通學公舉芳名貢生鍾元會左之率廩生周鴻漸鍾兆率鍾之戢盧應助周士熾周士元鍾姑兄生員

鍾兆璣鍾兆璋

古龍平縣 舊址在今北區灘頭村對河之西嶺尾已無遺蹟但攷該處土田尙有名城墻脚者距縣治五十里按富川志載龍平縣在一六都牛廟寨後明嘉靖間里民鍾秉釜握地得龍平縣印送府貯庫梁之靜州及龍平郡唐之富川皆治此並記之以俟考

古思勳縣 故址在今西區陶唐村後一說在清塘墟背之古縣塘塘寔場字之訛云均無遺蹟可攷距縣治相去七十里

丹竈山 縣西五十里在白霞浮雲山旁相傳漢張道陵煉丹於此下有丹霞觀俗名天師觀丹灶藥臼勝蹟猶存附近有竈溪即煉丹取水處宋范純仁謫賀

州東坡與書云丹霞張道陵遺蹟果有良藥異事乎蓋自昔傳之矣

按廣輿記作張陵在丹灶山煉丹修道晉永和九年九月九日登白霞山飛

昇云見富川縣志

合掌石 縣北二十五里在昇平團白馬山旁兩石相合如掌內刻隋安樂縣君蔣

氏神道碑文爲唐許國公蘇頲撰

出水雲頭 縣西三十五里在中區錫富山後石壁中有孔水由孔流出蒼苔滿壁

上刻山高水長四字里人傳其字隨時變易清光緒間變爲山明水秀民國

初則爲富水長流云

天然靈窟 四字大可一尺鐫在英家觀音岩右石窟上爲清順治間昭平縣令陳

定國題並鐫有詩載文藝志

百蠻遵道 四字鐫在英家觀音閣前巨石旁有年號及土司姓名惟剝蝕模糊不

可辨認

白霞古渡 為鍾平舊時通衢明置巡檢司於此兼理民情清道光十三年移駐昭

平樟木林巡署舊址至今猶存

橋渡

縣境通衢橋梁數凡七十八道附城區者為平政橋縣南門外道光三十年重修馬驢橋縣東南

羊頭中橋縣東南二里高聳橋縣東南四十里在龍門團黃室附近魚背冲橋 龍溪橋縣北門外二里

經此相公橋由縣西北五里跨龍溪上游龍團石鞏橋縣東北八里大壩橋縣東十里在壩頭村附近

通平橋距大壩橋半里舊名通平渡為民國十六年修築公路始改渡為橋百富頭板橋跨洪水上游縣東二十里蕉冲

石壩橋縣東南三十里為盧以顏創建笏島壩板橋跨蕉冲水兩岸為由蕉冲往新壩橋十里東南三

村附近

其在東區者為西灣石鞏橋在鑛局左側五拱水石橋賀鍾二縣由此分界望高松岩木橋跨岩口

新杏村木橋跨縣東二十八里

在南區者為石龍橋為三鞏形之長橋高三丈許兩旁石欄雕刻精巧工程堅固楊橋許一鞏石橋在石龍墟西里

新橋亦由一羣石橋往義安必經此橋積讓橋亦一羣石橋積讓建故西北五梁家壩橋面四
 度石板橋在新橋之北半里七步橋在石龍墟北半里龍頸橋在石龍墟北門首普
 民國十七年里人集資建築
 德橋石龍墟西南亦一羣石樓鳳橋在鳳翔墟東民國十七年春始中橋朝陽橋
 扶龍橋石角板橋龍岩橋狗公橋採茶橋鹿鳴橋大橋頭以上九橋
 團中龍橋在迴龍墟旁長新塘橋亦名積讓橋三鞏橋迴龍團雷公島村附近長六
 橫嶺鞏橋在虎岩黃山新橋董董儒清建相公橋新塘樑村迴龍橋黃坭璋村側康
 大成謝文彌建
 在中區者為福壽橋大橋望星橋在木橋附近仙人橋
 在西區者為太平橋即十二車橋道光二十四年曾德祥捐資修復後又崩去至民國三年被春
 開築公路始修復原狀加英家渡船橋跨思勤江兩岸舊為英家渡原有田租三千
 寬橋而兩旁護以橋欄焉
 廣濟橋為三大鞏石橋長二十六丈寬一丈八尺高三丈六尺清道光十陶唐太平
 橋在陶塘龍海橋近覆船嶺下英家太平橋在豬頭山下益壽橋英家鷄母山下

黃牛橋在龍伏洞 杉木橋在龍伏洞 曾德接龍橋在龍伏洞 白沙橋在井白 竹阜橋田墩村 龍

潭橋油榨洞附近 赤馬龍潭橋在赤馬村邊 梓木橋龍眼窩附近 龍門橋山口村附近 石

標昌雙龍橋燕塘墟附近

在北區者為烏石冲石橋 龜石冲木橋 太平石鞏橋 上獅子木橋 冷水木

橋 浪古石橋 菜地冲石鞏橋 大營崇德橋 洞心關鎖橋 麥嶺會洋橋

鵝鸞村馬山橋 西鄉平政橋 陶家渡水橋 銅盤石鞏橋 古樓石鞏橋

至河面較寬水流又深者則置渡船通往來其在富江流域為龜石渡縣北三十里 龍井

渡縣北十二里 昇平渡縣北十五里 大田渡縣北十里 汝灘渡縣北六里 東江渡縣東門外 石牛渡

縣東南 福壽山馬渡縣東南十五里 因城渡縣東南二十里 壘田渡縣東南二十里 羊

頭之老住洲渡舊名江萬濟衆渡 鷄母洲渡舊名慈航普渡 縣東南五十里 西灣渡

要津 縣東六十里

其在濁水江流域為黃泥渡在中區牛眠山附近 東江渡在中區西觀音渡 中區螺壳新村

渡中區板橋 潮汐渡在西區桔 在西鄉江流域則爲白霞渡在中區白 官潭渡雲山下

水利

境內水利富江爲大城區所屬各鄉村多濱江而居自太平以下沿江之田皆築壩架車汲水灌溉故數千畝農田收穫恆豐次則榕木寨大井泉湧出如趵突復北受軍冲之水會流而爲南門江灌田亦數千畝其發源於蛟螭塘煖水坪二處水長溢會合流出者曰北門溪農民堰壩灌田約有三百餘畝龍團村北之大井源遠流長灌養數千畝腴田水利甚稱饒足長布洞前之大壩井水源亦大流至塔山入富江灌田亦千餘畝下岩塘有鑼鉞岩洞深數十丈水由山底流出岩口塘亦可灌田數百畝至羊頭境內之水冲龍門井新壩溪蕉冲水皆混混長流灌溉田疇利賴亦爲不尠此城區水利之大概也

東區水利大半仰給於洪水江及岩口江望高立頭西灣皆岩口江灌養安平團一帶皆洪水江灌養羅溪古里冲等處另由山搖井發源一遇乾旱涸可立待土質雖

膏腴水利恒不足洪水江沿岸近因淘汰錫砂與岩口江同受污泥之害利鑛病農終非長久之計也

南區地勢東南高而西北低濁水江直貫中心沿江兩岸均相水勢較高處築壩激水引漑田疇鳳翔周圍均有山溪流泉爲境內水源之區水利饒足雖遇亢旱尙無大害石龍一帶則以一壩在唐月寨東半里及潘家壩在六田村前半里一名江背洞壩灌田爲最多然以地面高燥江水低流一遇旱災水小不能上壩不旬日即立呈苗稿廻龍居江下游水利稍減所資以灌溉農田者則交壩泥墳石圍塘水而已

西區地勢西北高而東南低在英家境內有豆腐江水源出于龍坪及小水至豆腐山會合因以名江其流經馬山脚石澗橋等處至龍伏洞會思慙江灌養田疇約千畝其由白帽嶺麓發源者曰大嶺泉流經驢馬洞月小村白沙井等處至獅子嶺頭會思慙江灌田亦千餘畝別有東坡泉即東坡岩凡栗木坪上岩下岩諸水皆由岩內紆回流經龍潭赤馬明田等處而會思慙江灌田亦約有千畝三台泉在玉坡

對峙之山麓附近田疇均賴灌溉雙龍泉在楓木村之雙龍嶺四季長流泉水澄清
溉田約數百畝三和團境之岩口村前有一井口可方丈夏秋兩季時見噴泉尤以
亢旱時爲大當泉將噴水必先低落尺許移時井底汨汨有聲水波頻興井泉四溢
附近田疇多資灌溉思勤江灘多水淺兩岸均係糧田居民裝置水車五十餘座汲
引灌溉每值商船上下舟子往往拆毀堰壩致起糾紛桔芬團境則全恃鳳立流來
之十八江水灌溉山口村蓮花村等處水田五百餘畝以水利言當亦首屈一指也
北區水利在花山紅花一帶皆仰給於平布江四里江三叉江及西鄉江西鄉江沿
岸田土膏腴水旱無憂爲全縣之冠惟氣候稍寒宜晚稻不宜早穀花山氣候溫和
水利亦足晚稻早穀皆宜太平昇平近居富江多製水車無亢旱憂浪古烏石一帶
別有井泉亦沾優渥氣候復與花山一樣

中區地面平坦清水江一名白藁澗卽西鄉江之下游貫注於西北濁水江貫注於東南二水分流

農民築壩灌田水利饒足加以寶塘村境有鞏岩泉四季長流東注入濁水江灌田

千餘畝高村境之大竹冲及大木冲水源甚長亦灌田數百畝大田寨境內之犀牛岩泉水長流歷冬不涸灌田亦數百畝鯉魚寨之岩頭泉灌養附近田疇尤有利賴他如同古團境之富竹井及岩口泉皆水源不竭不惟可供居民汲飲數百畝膏腴農田且可灌注於無窮也

鍾山縣志

卷之二

歷史沿革

搜前後之漢史肇造堪稽覽新舊之唐書變遷叠見陳隋之廢興靡定宋明亦移徙連番有清猶屬鎮區民國方成縣治此鍾山之歷史宜握筆以直書也蓋竟委窮源曩昔曾留陳蹟而分門別類當今應有新編雖挾冊亡羊吾輩恐多貽誤而按圖索驥先賢儘可觀型翻來鉅製鴻章數千年瞭如指掌恍到石渠虎觀廿一史約畧經心踵成例以據詞一貂可續仿遺規而紀事三豕無訛志歷史

沿革

鍾山在周秦以上爲禹貢荊州界古百粵地也縣之東北城中四區舊隸富川西南二區舊隸昭平自漢元鼎六年定越地始置富川縣隸蒼梧郡治設鍾山三國屬吳隸臨賀郡晉及南朝并因之隋大業時屬始安郡唐武德初改屬賀州貞觀十四年

析入馮乘地升爲富州思勳馬江龍平三縣皆屬之德宗時改名富水縣尋復名富川并屬賀州宋開寶四年隸廣南東路大觀二年改隸廣南西路元因之明洪武二
年屬賀州十年改屬潯州府後屬平樂府二十九年徙縣治于今富川城始名之曰
鍾山鎮別設通判治理之清末地方自治成立通判裁

昭平舊名龍平漢晉時臨賀地南朝梁析臨賀太平嶺地置南郡附郭爲龍平今北
區之西嶺山麓即龍平縣治舊址也隋屬始安郡唐屬富州宋開寶時省入昭州熙
寧中改屬梧州元豐間復屬昭州宣和時改名昭平縣淳熙六年復名龍平縣元初
省入平樂縣明萬曆四年設建昭平縣屬平樂府并撥富川之二五都地今南區石
龍迴龍二


團入之

縣之東北城中四區隸富川時故合爲一區曰鍾山鎮區西區隸昭平時曰防字區
南區隸昭平時曰樂字區當清之末世民治萌芽三區人士因同一風俗習慣之關
係以各距縣治窳遠於教育行政之實施鞭長莫及議併三區設一縣較便治理民

國六年呈奉

廣西督軍兼省長陳核准轉奉

大總統黎批准設立并定名曰鍾山縣隸桂林道



世界日報

1991

鍾山縣志

卷之三

風土

風俗 氣候

攷歲時諸記讀月令一篇可知陳詩觀風足備輜軒問俗竊嘗訪鍾山習尙當稗史流傳則有桑柘影斜社猶未散荏苒燄醮尙紛囂祆廟奔波喜效蘇公說鬼爆場放浪肯教鄴令投巫此習慣之難更亦昏迷之莫醒未能免俗奚必深求別有居廉讓之間慕清高之趣未爲仁里亦屬清門交游不尙奢華供養惟甘淡薄依棲菜圃恍如鍾阜清風絃誦草堂疑是盧鴻故土是又古風之渾樸可稱樂土以徜徉者也

志風土

風俗

鍾山處萌渚之陽人烟稠密民俗醇樸雖因地設施分區治理而積習相沿盡歸一致固無此疆彼界趨向各殊好惡紛歧自成風氣茲就地方習慣之同軌而馳者畧

舉數端分誌於下以見風俗之一斑也

一婚嫁之禮 凡男女在未成年時祇憑媒妁之介紹男家尊親屬先以檳榔爲禮致送女家謂之請庚如取得女家親屬同意則以紅色紙書女子之生年月日封送男家以爲許婚之鐵證婚姻既有成約則行納采之禮謂之合好迨男女各成人諏日具書預報婚期於女家則有納幣之禮婚期既屆則有納徵之禮女子將行嫁即不出戶庭謂之坐嫁嫁日以布蒙面哭謂之哭嫁男不親迎惟以名帖代之男家聘金女家嫁奩皆稱家之有無多寡不等

二喪葬之制 人子遇父母喪先停屍在床出汲取水浴屍殮以衣衾訃親屬族黨設靈致奠遵禮成服越日入木蓋棺訃戚友開弔作佛事三日出殯沿途哀哭將臨壙哭聲始止既葬築土成墳墳頭徧插藜杖爲標誌

三祭祀之文 祭分家祭廟祭野祭三類家祭無定時凡遇祖先誕辰或家有特別喜事必備酒肉祭于庭廟祭於春秋二季行之野祭則逢清明扶老携幼相

與祭于墓前謂之掛紙即古踏青之意凡祭必有鷄豚祭畢讌飲備極歡娛

四交際之節 縣民號稱十萬星羅碁布大都聚族而居喜有慶凶有弔出入相友疾病相扶持在平日鄉里往來關於敬老慈幼之節恒以豕肉麵食糖果餅餌之屬爲普通餽遺之物品至有時戚友慶弔投報亦不向多儀蓋俗崇儉約人戒奢華振古於茲已成慣例即此習俗之流遺皆足備輜軒之採擇也

綜上觀察人民之於衣食崇尚樸素猶有古風惟生產不豐經濟既窘故於教育尙未注意而迷信亦隨之不破然則改良農村風俗增進農民生產普及義務教育實地方目前之根本問題也

氣候

鍾山各區地面溫涼合度寒暑適宜四時氣候皆與平樂賀縣畧相似立春後東風微動凍氣驟解農家播種多在春分入夏大雨時行土潤溽暑草木欣榮薰風南來熱度猶盛秋深殘暑退涼風生霜露夜降木葉黃落天氣已涼蟄蟲咸俯惟花山一

隅地勢較高猶晝熱夜寒稍與各地異迨交冬令北風怒號地氣始凍幸有冬日尙可禦寒若陰雨連綿則高山積雪恒數日不消

鍾山縣志

卷之四

戶口

城區 中區 東區 南區 西區 北區

考諸會典家謂之戶人謂之口藉以核賦稅之多寡亦以知國運之盛衰司徒掌土地人民蕭相收國家圖籍孔子式負版鄭俠敬呈圖戶口之重尙矣鍾山舊名爲鎮生齒實繁子女呼群旣熙來而攘往丁男逐隊亦轂擊而肩摩此戶旣有餘糧此口惟知飲酒終身安樂食指頻增迨咸同之間竟困屯忽至連遭赤馬劫受紅羊或詠黍離或歌麥秀民生憔悴元氣凋殘今幸成聚成邑地廣人稠有幹有年家給人足附郭則百堵皆作在野則千耦其耘民數堪稽輿圖足繪矣志戶口

城區

據最近戶口調查城區之附城守望大耀安寧安吉安和羊頭龍門等八團凡一百八十三村計五千八百一十戶二萬五千八百一十口就中男性爲一萬三千九百

九十七人女性爲一萬一千八百一十三人年在六十以上者 百 十 人學童
四千零三十五人能識字者二千九百七十六人農居百分之九十二商居百分之
六工居百分之一

中區

大橋鳳尾均安同古等團爲中區凡八十七村計五千七百戶二萬五千三百六十
五口就中男性爲一萬三千三百九十七人女性爲一萬一千九百六十八人年在
六十以上者 百 十 人學童三千九百六十人能識字者二千九百九十八人
農居百分之九十六商居百分之四工居百分之一

東區

安平穿巖望高栗頭西灣等團爲東區凡六十五村計一千二百一十戶五千三百
四十 口就中男性爲二千九百零五人女性爲二千四百三十五人年在六十以
上者 百 十 人學童八百三十四人能識字者六百三十九人農居百分之九

十商居百分之一工居百分之八

南區

鳳翔石龍廻龍義安四團爲南區凡一百六十七村九千九百九十戶三萬五千六百口就中男性爲一萬九千三百六十六人女性爲一萬六千二百三十四人年在六十以上者 百 十 人學童五千五百二十一人能識字者四千二百二十八人農居百分之九十二商居百分之五工居百分之二

西區

英家貢口龍伏黃嶺大良燕塘山口玉坡六寨五將三和桔芬啓善三聯等團爲西區凡一百六十六村計五千六百戶二萬四千九百二十口就中男性爲一萬三千五百五十六人女性爲一萬一千三百六十四人年在六十以上者 百 十 人學童二千九百零五人能識字者二千九百六十六人農居百分之八十八商居百分之九工居百分之一

北區

紅花安樂保安三江昇平太平六團爲北區凡一百四十三村計五千四百九十戶
二萬四千四百七十五口就中男性爲一萬三千零七十六人女性爲一萬一千三百九十九人年在六十以上者 百 十 人學童三千八百二十五人能識字者
二千八百九十八人農居百分之九十四商居百分之一工居百分之四

(附最近調查戶口總表)

鍾山縣戶口總表

往他		疾廢		壯丁	字識		業職無		業職有		數童學		數人		戶數	別區
女	男	女	男		女	男	女	男	女	男	女	男	女	男		
1	43	85	194	3696	190	3022	181	196	6418	8051	1412	2465	11255	13372	5551	區一第
2	126	40	107	2737	90	2702	24	38	4783	5892	1046	1769	8124	9809	3709	區二第
3	59	32	106	4963	229	4050	16	41	9078	10619	2412	3694	15991	18793	7919	區三第
2	39	27	94	2747	59	1748	51	87	4662	5609	1039	1501	8234	9556	3842	區四第
	49	25	91	1461	26	1054	12	26	2595	3426	639	938	4762	5600	273	區五第
4	83	32	133	2943	51	1730	30	71	4920	5993	1087	1897	9226	11278	4321	區六第
3	26	87	70	3064	155	2021	48	117	4746	6340	1093	1476	8238	10007	4218	區七第
15	425	268	795		800	16327	362	576	37202	45930	8728	13740	65830	78415		計合
440		1063		21611	17127		938		83132		22468		144245		31833	

鍾山縣志

卷之五

田賦

田糧

周有貢助徹之名唐有租庸調之法知賦稅之不容緩而亦不可太苛也古之賢宰官仲舒減燕樂之需代償民賦錢徽除飲宴之費預備農耕今此下民何敢望此求如唐劉昫之免舊欠徐知誥之俟豐年願已足矣所慮者錢鏐苛逋戶之笞劉鋹作無名之稅鬻苗誰憫貨穗堪憐耳鍾山近日之民生既苦於水旱頻仍復苦於萑苻劫掠因流離而立縣爲建築而加征或養團丁或聯保甲凋殘元氣竭盡脂膏古詩云醫得眼前瘡剗卻心頭肉憔悴已極腴剝仍來孰肯如兒寬之負租爲陽城之署考哀我墳寡勉爲其難而已志田賦

田糧

縣屬田糧向有民糧犗糧之別民糧內有畝稅丁稅在富川方面畝稅分中下二則

凡中則民田地山塘稅每畝徵銀九厘科糧五升三合五勺徵本色米三升五合六勺六六五徵折色米一升七合八勺三三五每石折銀五錢二分 下則民田地山塘稅每畝徵銀九厘科糧四升二合八勺徵本色米二升八合五勺三三四徵折色米一升四合二勺六六六每石折銀五錢二分其在昭平方面則分上中下三則凡上則民田地塘稅每畝徵銀九厘科糧五升三合五勺徵本色米三升三合五勺徵折色米一升四合五勺零每石折銀五錢 中則民田地塘稅每畝徵銀九厘科糧三升二合一勺徵本色米二升二合三勺零徵折色米九合七勺零每石折銀五錢 下則民田地塘稅每畝徵銀九厘科糧二升二合二勺五徵本色米一升五合五勺徵折色米六合七勺零每石折銀五錢

丁稅每丁編里甲均徭驛傳兵款四差凡鄉官舉貢生監止編里甲一在富川方面差優免均徭驛傳兵款三差 每丁編四差銀四錢五分昭平則每丁編四差銀四錢一分至清雍正五年將丁稅派入地畝丁隨糧納每糧一石富川徵編丁銀七錢三分七厘五毫昭平徵編丁銀

六錢七分零一毫此民糧之大致也

徭獐賦而不役故獐糧有畝稅無丁稅在富川方面仍分中下二則凡中則獐田地塘稅每畝徵銀九厘科糧五升三合五勺徵本色米三升五合六勺六六五徵折色米一升七合八勺三三五每石折銀五錢二分 下則獐田地塘稅每畝徵銀九厘科糧四升二合八勺徵本色米二升八合五勺三三四徵折色米一升四合二勺六六六每石折銀五錢二分 在昭平方面仍分上中下三則凡上則獐田稅每畝徵銀九厘不徵本色米徵折色米三升三合五勺每石徵公費四錢折銀三錢五分 中則獐田稅每畝徵銀九厘不徵本色米徵折色米三升二合一勺每石徵公費銀四錢折銀三錢五分 下則獐田稅每畝徵銀九厘不徵本色米徵折色米二升二合一勺每石徵公費銀四錢折銀三錢五分此獐糧之大致也

清末辦學養警需款孔殷富屬有學費三成之附加即編折銀每錢附加徵銀三分昭屬有警費一成五之附加即正賦每銀壹錢附加徵銀一分五厘至民國三年清

賦并不實際調查混將糧賦加多一倍而地方學費三成及警費一成五之附加概括入正賦項內冊報六年鍾山立縣核實共應徵正賦銀三萬一千一百五十六元二角六分五厘并核准將地方附加以七厘計算由正賦內扣除二千二百二十二元九角六分八厘撥充地方養練之費實解省糧額二萬八千九百三十三元二角九分七厘

鍾山縣志

卷之六

物產

動物 植物 鑛產

昔周彥倫歸隱鍾山王儉問其食物曰春韭秋菘綠葵紅苧可知鍾山之英草堂之靈雖尋常物產亦覺別饒風味也况生生化化統川原林麓之區色色形形毓動植飛潛之品物惟其旨產仍有恒乎今之鍾山地方墾闢田野膏腴穀每祈辛糧無呼癸砍樹人先樹木林業將興既採錫又採煤鑛工方盛推之菊稱壽客梅號曹公瓜擬故侯竹誇慈姥並及艾名甲乙薑喚丙丁東菑則炊黍蒸梨南畝猶瞻蒲望杏地不愛寶土無藏珍造物多育奇材異產無如嘉穀也志物產

動物

一羽族畜於家者不載 雉 鷓鴣 斑鳩 烏鴉 翡翠 杜鵑 鵲 瓦雀 黃鶯 畫眉 竹鷄 伯勞 鷹 百舌 鸚鵡 山麻雀 紅頂鶴 白頭翁

二毛族畜于家者不載 虎 豹 鹿 驪 麀 山豬 熊 狐 狸 兔 野貓 獺

箭豬 竹鼠 野狗 蝙蝠

三鱗族 鯉 鯽 鰱 斑魚 草魚 鱧 鮎 鮓 鱖

四介族 龜 鼈 蟹 蝦 蚌 螺 穿山甲

五蟲族 蠶 蟬 螢 蜜蜂 蜘蛛 蜻蜓 螳螂 蝴蝶 蟋蟀 蜈蚣

蝦蟆 蛙 蛇 蚯蚓 蠅 蚊 蝗 蟻 蛤蚧

植物

一穀品 粳 糯 粘 麥 粳 粟 豆 芋 薯 芝麻

二蔬品 筍 芥 韭 莧 蒜 葱 薑 白菜 苦蕒 春菜 菠菜 同蒿

王瓜 苦瓜 南瓜 冬瓜 絲瓜 茄瓜 芥藍 葫蘆 蓮藕 芹菜 蘿

葡 茨菇 辣椒 芫荽 豌豆 線豆 香菌 木耳 芋苗

三果品 梅 李 桃 梨 栗 柚 柑 橘 棗 柿 山楂 石榴 葡萄

枇杷 楊梅 黃皮果 香椽 荸薺

四木品 松 杉 柏 椿 樟 楓 桑 榕 梧桐 楊柳 烏柏 棕櫚
槐 桂 栗 苦楝

五竹品 苦竹 筋竹 方竹 貓竹 斑竹 大頭竹 水竹 紫竹 單竹
刺竹

六草品 龍鬚草 香草 鞭草 荒草 菖蒲 草蘭 茸草

七藥品 桔梗 山梔 車前 黃精 柴胡 紫蘇 金銀花 地榆 荊芥


木通 首烏 麥冬 百合 蘼艾 常山 牛七 薄荷 香薷 大黃 五

加皮 鬼羽箭 山豆根 天花粉 鬆筋藤 馬鞭草

八貨品 棉 葛 苧 桐 茶 花生 靛 瓜子 茶葉 布

鑛產

煤 錫 銻 鎢 鐵 砒 水晶 雲母石



鍾山縣志

卷之七

建設 城池 公署 黨部 局所 公路 電話

子皮爲鄆之棟叔孫爲魯之墻檀道濟爲長城寇萊公爲鎖鑰祇宜自慎作韓嬰之金城何必多勞固韓非之鐵室况城有狐而煩避忌門進狼而費防維有室而鬼魅瞰窺有墻而兄弟鬩門晉平作宮而致怪齊桓築城而興妖建築且以招殃豈徒無益然設官守土必須衙舍恢閎重道崇儒更欲宮墻壯麗仔肩雖重有志竟成鍾山城肇自前明修於清季非常駿烈別泐鴻名惟公廨新成訟庭改創造流甘之棠舍開廣蔭之松廳加之公路康莊馳驅便利且喜公園寬廠游眺流連部署既賴同心城成尤資衆志志建設

城池

今城爲古富水縣城明洪武二十八年徙縣治并守禦千戶所于富川別名爲鎮城

歲久傾頽寇至莫禦正德二年兵憲丁隆始築土爲垣關二門以通出入惟土性易頽不久復圯十三年預章張祐備兵於城乃易以磚石週圍二百九十丈高一丈二尺濶如之爲門四門各有樓外鑿濠塹崇禎十一年直指陳昂虞糧捕門應召曾美增修清康熙二年富川縣令駱驢重修嗣後迭遭兵燹凌夷殆盡至光緒十七年通判趙光第率城紳鍾國治周純仁及城內外居民捐資修復民國六年奉大總統黎批准鍾山立縣并以原有城池爲縣治

公署

縣行政署在城東北隅民國六年省委馮汝翼監督就舊通判署遺址改造頭門一座左右通報室二間候訊室二間大堂一座兩旁科員室四間禮堂一座左爲書記室一間右爲辦公室一間大堂下兩廊警隊長室一間警兵室四間典獄室一間看役室一間聽差室一間頭門大堂及兩廊上各有樓房東邊花廳一座旁房四間司法室三間西邊上下廚房二間監獄二間羈押所一間東邊女監一間周圍墻垣

百一丈建築費純由地方捐集共用銀一萬三千二百元有奇

黨部及局所


縣城範圍褊小向少公地自立縣以來凡地方辦事機關均因無地建築權借用民間家祠以爲辦公處所民國十四年冬成立縣黨部初設於黎氏宗祠十七年改組獨立區黨部乃遷設於董氏宗祠二十年冬從新建築於鎮安墟

教育局成立於民國十三年初附設於團務總局十五年始遷設於黎氏宗祠團務總局及財務局初并設於二帝宮民國十年縣自治會成立同時均裁去十五年自治停頓又同時恢復局所并設於董氏宗祠

公路

縣境公路東起西灣西達木林橫貫凡百三十里自西灣至縣城對河一段於民國十六年西灣鑛務處長莫劍衡撥款修築自縣城北門至清塘木林均一段則爲鍾平公路局長盧世標於民國十五年就地方糧賦附加路款修築至十六年秋奉建

設廳令移交平橋公路局接辦



鍾山縣志

卷之八

教育

禮記曰春秋教以詩書冬夏教以禮樂又曰成童入大學而學經史幼童入小學而學篇章謹釋奠於先師敬出書而召士所以孔孟之教及於匈奴朱程之書讀於韃靼何武爲刺史先見諸生辛昂入學堂必相歡宴誠重視乎學校而教育乎英才也鍾山縣治新成士林蔚起其師長則瓊林表度庚拜陳經其生徒則玉筍聯班寅恭有禮若再多才造就或上達京師大學或研求外國文明魯侯之泮水藻芹芳騰學舍潘令之河陽桃李盡在公門矣志教育

教育局

民國十三年奉

省長公署令飭遵照

部定編制組織設立設局長一縣視學二專司地方教育行政職責自教育局成立
舊勸學所裁撤

局長

董鎮白 民國十三年任

蘇文光 民國十五年任

楊振華 民國十六年任

廖鴻昌 民國十七年任

李煥文 民國二十一年任

縣立初級中學校

校址在城北門內民國十四年縣知事黃尙中任內開辦并由教育局長董鎮白
會同地方各法團組織初中籌辦委員會經理建築校舍十五年二月成立十六
年十二月由縣知事盧世標呈請核准立案計禮堂一教室四儲藏室一儀器室

一圖書閱報室一校員室十一學生寢室二十三學生應接室一校役室三廚房
一膳室一運動場一游息亭臺三校池一浴所廁所俱備

縣立第一小學校

校址在城內東門巷民國十六年由第一小學籌辦委員會將城一區高小及城
團初小校址校款收歸合併而立并將縣款增築校舍五間計禮堂一高級教室
二初級教室四

望高兩級小學校

校址在望高街西南隅民國十五年由團總周國珍劉漢年等就地籌款建築校
舍

立頭兩級小學校

校址在立頭街尾清宣統末年開辦借用該處廟宇爲校舍至民國二十一年始
從事修築

羊頭高級小學校

校址在羊頭街東南隅據富江西岸清宣統二年開辦民國十四年團總徐世榮
盧錦標等就地籌款修築

大橋高級小學校

校址在大橋墟民十四建築校舍民十五開辦

廻龍高級小學校

校址在廻龍墟爲石龍廻龍兩團合建民國十四年成立

尙志兩級小學校

校址在珊瑚村北觀山麓清光緒三十四年開辦

英家兩級小學校

校址在英家市民國十五年成立

清塘兩級小學校

校址在清塘墟民國三年成立

玉成兩級小學校

校址在玉坡村民國十六年成立

紅花兩級小學校

校址在紅花墟初借用該處廟宇爲校舍民國十三年由團總楊南山梁紹鴻等就地籌款修築

三江兩級小學校

校址在榜冠村民國三年開辦民十四更由陳憲仁陳祖徽等就地籌款將以前陳家佐私人所建學舍修築爲校舍

長布洞初級小學校

程屋埠初級小學校

下岩塘初級小學校

蛟龍地初級小學校

龍團村初級小學校

大清塘初級小學校

榕木洲初級小學校

昇平初級小學校

汝灘初級小學校

太平初級小學校

白馬初級小學校

烏石初級小學校

菜地冲初級小學校

羅舊初級小學校

羅溪初級小學校

新杏洲初級小學校

松木寨初級小學校

松岩初級小學校

岩口初級小學校

朝山初級小學校

石梯初級小學校

西灣初級小學校

蕉冲洞心初級小學校

蕉冲新寨初級小學校

蕉冲老村初級小學校

石頭塘初級小學校

松木脚初級小學校

板壩初級小學校

老住洲初級小學校

羅屋寨初級小學校

金竹窩初級小學校

黃室初級小學校

木元寨初級小學校

珊瑚三育初級小學校

冲蘆矮山初級小學校

石角初級小學校

六田初級小學校

石龍初級小學校

潘家治安初級小學校

唐月寨初級小學校

尖山初級小學校

新安初級小學校

下宋初級小學校

萬鰲寨初級小學校

大岩初級小學校

將家洲初級小學校

珊瑚獅山初級小學校

上栗初級小學校

鍾家初級小學校

新田初級小學校

源頭初級小學校

大地初級小學校

虞村初級小學校

鳳尾村初級小學校

廻隆初級小學校

田心爆初級小學校

泉龍初級小學校

腊井初級小學校

劉家初級小學校

西江橋初級小學校

烏塘初級小學校

龍道初級小學校

維新初級小學校

楓木初級小學校

亞東初級小學校

澁村初級小學校

與隆初級小學校

松林初級小學校

磁灣初級小學校

茶溪初級小學校

鶴崗初級小學校

楊家初級小學校

虎岩山初級小學校

朝東初級小學校

大洞初級小學校

泉溪初級小學校

水東初級小學校

陶唐初級小學校

高岩初級小學校

牛圍肚初級小學校

田村初級小學校

劉家初級小學校

四哨初級小學校

白土初級小學校

龍伏初級小學校

山口初級小學校

蓮花初級小學校

陶家初級小學校

田洞初級小學校

麥嶺初級小學校

石田初級小學校

紅岩初級小學校

妙村初級小學校

撥壩初級小學校

新英初級小學校

蟠龍初級小學校

廻龍初級小學校

黃趕村初級小學校

燕塘初級小學校

赤馬初級小學校

橋杉鳴初級小學校

洞心初級小學校

長鵝蟠初級小學校

大庄公掛初級小學校

龍塘初級小學校

新寨初級小學校

栗頭初級小學校

梓里初級小學校

平布初級小學校

大田寨初級小學校

高村初級小學校

廖屋初級小學校

塘貝初級小學校

鳳凰村初級小學校

銅盆初級小學校

燕子寨初級小學校

沙坪初級小學校

龍窩初級小學校

茅黃初級小學校

毛段初級小學校

公安初級小學校

栗園珍洞初級小學校

梁屋初級小學校


鯉魚寨初級小學校

水寨初級小學校

大嶺寨初級小學校

馬鞍山初級小學校
黃屋寨初級小學校
荷塘初級小學校
江頭寨初級小學校
福田初級小學校
義安團初級小學校
鳳律初級小學校

平安寨初級小學校
板橋車初級小學校
螺壳岩初級小學校
銅鼓初級小學校
奉政團初級小學校
均安初級小學校
羅望初級小學校



道

道

鍾山縣志

卷之九

公欸

縣財務局收管公項

教育局收管公項

以地方公有之財歸地方公益之用此人之所共許亦理之有固然也鍾山六區分治百廢待興公帑既告空虛欸項彌形支絀阮郎差澁難應急需蘇季拮据因無貯蓄欲具理財之識須讀致富之書雖計盡錙銖雜稅多立名目恐窮于羅掘苛捐終竭民脂安得鄧氏銅山記封黃榜盡是董家金塢堆積朱堤將預算度支恒足財用於以謀公衆之利益促教育之進行庶績咸熙可立而待自不致如韋莊之數米而炊矣志公欸

縣財務局收管公項

一錢糧附加七厘警餉

此項經于民國六年徐知事任內呈准將前清賦時併入正賦之地方附加每年

就實徵解省錢糧項下扣還七厘撥充警費年約收二千二百二十二元九角六分八厘附錄廣西財政廳指令一件以資考證

廣西財政廳指令 第五二七號

令鍾山縣知事徐世鐸

呈一件據解繳六年分徵收新賦錢糧銀元收單由

呈單均悉該縣自六年十月下旬開徵起至七年二月十日止徵完新賦糧銀二萬五千零三十八元四角照案先除七厘附加捐銀一千七百五十二元陸角八分八厘實徵銀二萬三千二百八十五元七角一分二厘照案准支八厘徵費銀一千八百六十二元八角五分七厘實應解銀二萬一千四百二十二元八角五分五厘既據交由駐平收支處驗收並將收單呈繳前來應予照數列收惟查該縣歷月徵收錢糧串票等款未據列表報告殊屬違背定章有礙稽核仰即查明歷月徵收糧串數目分別列具妥表呈廳以憑核辦毋稍延誤切切單存此令

中華民國七年三月三十日

廳長崔肇琳

二契稅附加

此項附加向爲攤繳平樂九屬中學校款自民國十六年該校收歸省立經奉准教育廳電令停止解繳撥回地方收管

三地方屠捐

四東江漁稅

教育局收管公項

一田租

甲八仙冲田一份計何姓屋右邊上田一段十工 屋左邊隔冲田一大段二十工 屋右邊下段田十五工 屋脚下土名禾坪岡田一段十工
曾屋門前左角田一段二工 石子田一冲十二工 水口田一段四工

社右邊田一段八工 社左邊田一段十工 曾屋前一段六工 曾屋前一段四工 曾屋前右田一段十二工 曾屋背田一段八工 曾屋右背田一段二工

以上田業并無插花又八仙冲周圍嶺以朝回分水爲界內有茶山每年約產茶子五六千斤係公產

乙南區高基塘田（又名草魚壩）一份東以塘背水圳爲界南以圓塘仔水圳爲界西以鵝障上坵橫田基爲界北以塘背之水圳流下水圳仔爲界該處田共一百二十四坵約一百三十工

丙西區高岩村田一份計村面前田二坵約二工 村左側田二坵約二工 上卯山石街邊田一坵約四工

又流源西甲田并山嶺一大段東南約十里西北約十里所有嶺田不計坵數概係公產 附流源西甲嶺田圖

丁大宅對面江田一份計東管塹邊田一連三坵約四工三又塹田一連四坵七
工 三界廟前田一坵半工 青龍廟前田二坵約一工

戊鯉魚頭田一份計大路面田大小共十五坵約九工 田邊地二坵舊塘村前
田二處共四坵約三工

己石馬嶺田一份計洞口田五坵約一工半 永定村前一坵約一工 馬安塹

田一坵水路田一坵約二工 担水冲田九坵約四工 石馬村前田二坵約

二工 黃泥嶺脚田三坵約二工半 黃泥嶺背田五坵二工 黃泥嶺前江

邊田七坵約三工半 又江邊田二坵約二工 歇困坪脚田三坵約一工

桐山脚田六坵約二工 水碓邊田一坵半工 茶山脚田三坵一工 過崗

冲邊田二坵半工 石街底田四坵六工 馬安塹尾田一坵二工 澁田一

連十二坵六工又四坵約二工 永定上邊上岔冲口田二坵約半工 下岔

冲內田七坵二工 龍珠廟背田三坵約半工 龍珠廟左田四坵約半工

洞口田六坵約六工

庚燕塘寨前田一份計雙樹口田一坵一工 澗田一坵一工 廟背後田一坵
二工 勾背大田一連三坵約八工 下龍灣田一坵一工半 上龍灣田一
坵二工

辛北區大嶺脚村書院田土名列後

田罈田大小四坵 大秧地田一坵 秧地底田瘦一坵 圳底田仔一坵
上寨主面前圳底田一坵 塘基脚三角田一坵 狗脹田一坵 秧地田仔
一坵 尖嘴田仔一坵 牛角田二坵 冬田一段大小二十四坵 正冲田
大小共二十坵 白水冲田大小二十七坵 大岩冲仔田大小共十四坵
以上田共九十九坵面積約二十二工
又昇平市秤鍾山脚地一段 茅栗墜地一段 馬胖田大小共十七坵八工
又烏石村岩口社田九坵約二工 窰頭馬胖田八坵約八工 雞仔嶺脚及

岩口社書院田現係蒙喜悅耕租谷式千斤坵數若干尙未勘明應向蒙喜悅
追出 紅樹嶺脚式坵五工 石人冲大小三十坵共十五工 廻龍廟大小
九坵五工 鵝骨田大小四坵五工 大象洞田大小六坵共十八工 大圳
口田大小九坵共七工 白馬村石擺田大小六坵共七工 龍井八份田上
四坵下六坵大小十坵共十四工 龜石寨對河黃泥淵車馬田大小十四坵
共十三工 岩仔塘車田斗邊田約十六工
又馬頭村野鬼塘五香田大小十坵 水車社田大小五坵 大燈底田大小
四坵 以上三柱共十九坵約四工
又浪古村良工田大小二十一坵約五工
紅花境內公產土名列后

大橋頭德廣冲田二處每年納租穀五百觔

大橋頭鐵爐冲口田二處每年納租穀三百觔

佛簣冲百子面前田二處每年納租穀六百六十觔

黃牛壘田一處每年納租穀三百觔

曲尺冲田一洞每年納租穀三百觔

大丈塘田一處每年納租穀一百六十觔

黃竹冲田一處每年納租穀三百觔

黃竹冲山每年納租錢二千六百文

以上係楊志通所管揚秀楨戶內田租山場因人亡戶絕楊偉文霸爲己有經縣清出將此租撥爲書院膏火其絕戶每年應完編銀二錢九分折銀九分五釐本米一斗一升八合七勺歸於書院完納知縣顧國誥於光緒十三年 月 日具詳奉 府憲趙批如詳立案飭遵原詳可查卷附錄

請將冒佔絕戶田業充公詳稿

富川縣爲詳請立案事案據卑職縣民人楊偉文具控莫英才楊福彩等謀佔

減糧旋據莫英才楊福彩等亦以楊偉文冒戶索佔各等情控到縣當經卑職傳集兩造訊明緣有楊秀楨戶原係楊家村之楊志通所管與楊偉文無干因楊志通人亡戶絕有田十處共租二千六百觔又黃竹山租錢二千六百文楊偉文遂冒爲己業收租向不完糧猶復過爭莫英才楊福彩之業及經堂訊莫英才等供指該絕戶所遺山場田地土名及批耕佃戶姓字應納租息若干皆爲楊偉文霸收而置錢糧於不問質之楊偉文俯首無詞查楊偉文冒認絕戶霸收租息瞞納錢糧實屬異常奸狡且查楊志通并無後嗣亦無親房不能再斷歸楊姓以致冒認爭佔錢糧終歸無着自應將該絕戶山場田業撥歸富江書院完納除取二比遵結其楊秀楨戶亦年應完編銀二錢九分折銀九分五五本米一斗一升八合七勺歸於書院完納除取二比遵結附卷呈諭飭書院生董事歐陽獻震周履新等馳往該處會同該團團總梁天培等帶同各該佃丁前往將劉昌所耕之土名大橋頭德廣田二處每年納租穀約五百觔又莫

肇珍所耕之土名大橋頭鐵爐冲口二處每年納租穀三百觔又宋朝祿所耕之土名佛簣冲仙仔面前田二處亦年納租穀約六百六十觔又楊祥萃所耕之土名黃牛壘田一處每年納租穀約三百觔又盧安福所耕之土名曲尺冲田一洞每年納租穀一百六十觔又盧安月所耕之土名黃竹冲田一洞每年納租穀約三百觔又伍稱妹所耕之土名黃竹冲山每年納租錢二千六百文逐一勘明繪圖呈復并諭該團紳梁天培陶士良鍾清美莫斯湛就近招佃批耕納租書院外合將訊斷緣由具文詳請

憲台察核俯准批示立案飭遵實爲 德便

又古樓村土名大淙埔田大小七十九坵週圍三百二十弓兩邊山場田埔口直至埔腦以水爲界又土名大洞田一坵週圍一百零五弓共租禾一千二百觔

太平市內八分地土名地界列后

長嶺藍靛地 此項公產稅地坐落第一區太平墟東邊由泰來荳園路起直至墟尾和昌荳園路牛地止一帶地段東至楚南清明地界碑爲界南至大羅筭基爲界西至各舖尾爲界北至郭姓祖墓後路爲界並年終與桂子塘均收太平墟東西兩街地毛及和昌油榨荳園并莫旭清郭富源菜園地每年八股佔一 另墟頭同興荳園地半邊界限分明以孔誠合舖尾路中間豎立界碑爲界路之東及界之北歸公家管業路之西及界之南歸桂子塘梁黃劉陳八股管業八股之內公家仍佔一股 計開每年所收租項於后羅建發園地租銀壹元木圍牛行地總批租銀貳拾肆元以上租銀公家八股佔一股 另益昌後尾園地租銀伍元安記後尾半邊園地租銀五元曾春妹承批園地租銀伍元以上租銀純係公有

按此項公產係太平墟陳壽連於前清光緒十七年與桂子塘梁壯觀等八姓人涉訟經富川縣正堂左秉壩判斷如上述界限由陳壽連施入富

川三界廟收理管業民國六年鍾山分縣始撥爲鍾山全縣教育經費爰照光緒十七年十月二十七日富川三界廟首事蕭向榮蔣振朝等所立領施帖內載界址列入縣志以垂久遠

一 義務教育經費

甲 錢糧附加年收約六千元由征收錢糧局按照 省令帶征繳交教育局分配各初小學收領其分配法以甲乙丙三級爲標準經費合格額滿三十人內有女生五人以上設備完全教授合法者爲甲級經費合格教授合法設備完全額滿三十人以上者爲乙級經費合格教授合法設備完全額在二十五人以上者爲丙級

乙 屠捐附加年收約八百元

丙 菸酒公賣附加年收約四百元

三水捐

年收約三千餘元內分五成水捐三成水捐兩種五成水捐爲普通教育經費三成水捐則爲補助產砂地各學校經費其分配補助法按高初兩級爲五與二之比每月由教育局向西灣鑛務局請領分發

四縣立初級中學校經費

一糧賦附加一成年收約三千元

一花生捐年收約二千元

一屠牛捐年收約一千六百元

一木排捐年收約五百元

一黃豆捐年收約五百元

上列各捐每年由教育局包商收繳其錢糧一成附加則由征收錢糧局代征

繳局

五縣立第一小學校經費

一鍾山墟牛票捐每年城區財務局提回附加捐銀四十元在內此項爲城一區高小棧原款

一鍾山墟公秤捐每年城團提回銀一百式十元在內以下各項爲城團初小棧原款

一鍾山墟大街北面舖屋一間左鄰盧昌雲屋右鄰德泰店

一鍾山墟當舖後尾地一所現有界碑爲記

一鍾山墟大街北面由鬧門口長興店起至當舖止其榮昌合隆廣棧昌隆鍾上

信等五間後尾公地每年各納租銀一元五角

一西昌店地租銀式元盧昌雲租銀四角德泰店地租銀四角

一獨石山田一份原租穀七百觔

一軍冲田一份原租穀六百觔

一十八工嶺田一份原租穀式百五十觔

一獨石山涼田一份原租穀五百觔

一雷劈山田一份原租穀五百觔

一十八工嶺四里田一份原租穀一千二百觔

上列各田業糧賦由啓智戶年納五元八角八分正

一馬騮橋田一份十工原租穀一千觔

一黃石冲鵝頸插花田一份原租銀一十四元


一修達嶺東西兩岸田一份原租穀一千二百觔

一筆架山脚田一份

上列各田業糧賦由城隍廟戶年納正賦銀三元九角正

一榕木寨牛脚冲田一份原租穀四百五十觔

上項田業糧賦由天龍戶年納正賦銀八角七分正



鍾山縣志

卷之十

實業 農 工 商 鑛

稽課農之書耕耘有術讀考工之記器物宜精計然行商無妨著論王褒知鑛具有明文此富國之良圖亦謀生之善策也鍾山氏諳稼穡物喜新奇多財來善賈之人識卅有洵砂之智既貨財之遍殖亦寶藏之頻興果能兼重農林地無棄利凡齊民要術農桑輯要合農政全書六十卷胥仿其法而先行之然後並及於畜牧備荒各端則民生國計皆有賴矣吾鍾其庶幾乎志實業

農

縣境濱水之地皆宜農田全屬業農之家當在百分之九十五以上就中自耕農約十之三與四半耕農約十之二佃耕農約十之三半佃耕農約十之一與二惟多墨守舊法未知改進若雨澤均勻之歲尙可自給一遇亢旱則備歉無策便告飢荒望

高栗頭一帶近受錫鑛影响佃耕農民多數趨於採砂雖有可耕之地亦因人力有限肥料不足生產日減更有膏腴之田半爲淘砂紅水壅入變爲荒廢此又計目前之益而失百年之大利也

工

縣民競喜守舊故智自封致凡百工業多落人後尙未有進步之可言雖有南區董家之布中區劉家之蒲蓆北區花山之竹器木器頗暢銷於社會抑亦供不給求西灣石工向稱精美然多係僑寓純無土著他如結繩打鐵縫衣理髮等工之散布於各市場者又各自營業並無團結之組織至普通勞工則隨地皆是仍以受環境之支配故每日所得勞資適僅足以自給

商

縣屬凡二十墟市其企業之繁盛以附城之鎮安墟爲最次則羊頭鳳翔石龍廻龍大橋英家清塘燕塘紅花昇平等市各資本家應合時勢潮流競爭營業貿易亦盛

栗頭望高徧居東隅鄉村稀少近因多聚一般砂民供給需要貨物亦較易銷流他如西灣義安銅鼓鳳尾桔芬太平兩安各市場商店寥寥買遷有無或多爲來買擺售則適等于小資本之販賣而已

鑛

萌渚山麓富有鑛質銅鐵錫砒水晶等鑛蘊藏頗豐而西灣之煤望高栗頭水岩壩之錫尤爲著名富川舊志載煤廠開歇無常清光緒十年粵東委員購煤爲製機器用舊廠所存將罄有商人承批上宋村大嶺開辦煤廠每月繳稅銀二十兩經張制軍令將煤稅捐爲富江書院膏火又載明隆慶二年始開白沙洞餉鼓嶺仙姑塘錫鑛萬歷十七年稅監信牌據報大窩塘十八澗等處錫鑛并開出山主盧一見等姓名差參隨鄭子雲到境開採由縣詳委邊蓬司巡檢兼同督理給各山主招夫開採議定鑛餉每年額限一百一十一兩外加火耗羨餘箱槓水脚傾銷加添兌換銀二十九兩五錢有奇云云溯自明清遞嬗煤錫鑛廠開歇無常清末兩廣制軍張鳴

岐委張總辦繼龍購置機器在西灣大嶺鑿井開煤有升降機及輕便鐵軌設置甚備并就近建築局所官鑛局設立從此始民國三年楊總辦寶瑛添築圍牆砲樓兵房而鑛局規模益大其時兼辦煤錫因運輸不便煤鑛滯銷停止辦煤嗣後專辦錫鑛由鑛局派員向地方鑛民收買錫砂提煉運銷惟政府對於錫鑛辦法或包煉或承稅抽出口捐或征鑛稅亦時有變更也查富賀鍾三縣鑛區鍾山佔重要部分約佔十分之七現每月產錫砂約有四萬餘斤惟鑛民開採錫砂向以土法用人力開採往往用力多而成功少十七年政府曾購砂 機器在水岩壩地方設一模範鑛場因辦未得宜仍屬虧拆使一般改善採鑛方法更用新機器以補人力不足更由政府扶植之則鍾山鑛業方興未艾也

鍾山縣志

卷之十一

政績

勞績 循良

行政能計千年考績何須三載邑令而雞廉是尙豈是能員吏胥之虎飽嚴懲始膺上考果伸威信張奐宜受羌金別有權衡田豫何辭狄賂蓋以房謀杜斷勝於蕭規曹隨僅知彈以惠文冠不如照以虛堂鏡嫗爭投牒民懼懷磚也鍾山前隸富昭官民遠隔迨新縣成立賴大令恤刑興學捕賊除奸廉吏才多愛民政洽四官歷任五載銘勛去思則永感兒寬來暮則興懷叔度肺石平于一旦口碑頌及千秋矣志政績

勞績

覃明河字子清中渡縣人治軍嚴明恩威並用深得軍心民國七年當廣西援湘第五軍副司令所到秋毫不犯甚爲湘人愛戴民九移駐鍾山保衛地方尤力平時辭

色靄然無官貴氣有造謁者無論紳民均接見與談地方疾苦在鍾歷殲巨魁臨去尤擒辦多名故鍾民愛之無異湘人

易燾字希吾靈川縣人北京法律學堂畢業民國三年考取知事七年署鍾明幹能任事在任厲行強教迫育倡辦高等小學及國民學校數十所訊判民刑訴訟多起尙稱平允馭下尤嚴不受請託時南區匪氛頗盛籌款養警相機進剿卒賴蕩平士民至今景慕不置


潘毓瑞字汝珍荔浦縣人日本岡田法律大學畢業溫厚機敏民國九年署鍾是年十月中旬有劉統領傳忠率隊千餘到城餉絀不能行瑞默察情勢可危不報上憲遽措銀二千元與之促其出境同時有劉旅長某亦索隊到富川因索餉無着譁變搶劫龍頭墟當舖並掠附城殷商無數相提並論則其保全地方不少

循良

徐世鐸湖南常德人日本岡田法律大學畢業民國六年署鍾性廉慈馭下極嚴約

束警兵寧分私囊不許在外私索曾爲索詐革去通報及看守役數名當時縣署陋
規剷除殆盡初到任有鏡鑒余心祇恐媿處多妍處少碑留衆口還是頌聲假怨聲
眞長聯粘貽堂壁以自警輿論至今翕然

唐南杰字正齋湖南永明人湘省議會議員民國八年署鍾居官廉潔尤熱心實業
公益在任時曾捐廉闢築棉場建立德政街並修碧雲巖



鍾山縣志

卷之十二

職官

文職 武職

願有螃蟹無監州官宜裁去俯屈鸞鳳於邑宰職豈虛懸慈父神君來奚容暮薛孫
賈子迎必爭先蓋保護生民始作分疆之計而剪除盜賊亟須守土之官也鍾山百
里雷封萬家烟火介居富昭兩縣正當楚粵要衝虎穴潛藏狼氛數起苟無循良之
長吏難綏疲敝之編氓今幸新政設施多資部署元戎鎮懾足備干城村無虓吠之
驚野有雉馴之異其政績固當備錄其姓名亦可留傳也志職官

文職

縣知事

徐世鐸湖南常德人日本岡田法律科畢業民國六年任

易 燾廣西靈川人北京法律學堂畢業民國七年任

唐南杰湖南永明人民國八年任

潘毓瑞廣西荔浦人日本岡田法律大學畢業民國九年任

董邦彥本縣人民國十年代

溫大川江西人民國十年代

賴含暉江西人民國十年代

陶甄江蘇人民國十年代

程孝恭江西人民國十年代

韋乃民本縣人廣西法政別科畢業民國十一年任

廖禎榮本縣人民國十一年代

董含香本縣人民國十四年代

廖鴻昌本縣人廣西優級師範畢業民國十四年代

黃尙中本縣人廣西優級師範畢業民國十四年任

盧世標本縣人廣西優級師範畢業民國十五年任

唐 恒湖南人民國十八年代

廖榮昌本縣人民國十八年代

張日初本縣人上海法政大學畢業民國十八年代

曾松年廣東雲浮人民國十九年代

廖茂廷本縣人民國十九年代

潘寶疆本縣人廣西優級師範畢業民國十九年任

歐越樵廣西宜山人民國二十年任

武職

駐防司令

覃明河廣西中渡人民國九年駐防

民團司令

廖茂廷本縣人民國十九年兼職

潘寶疆本縣人民國十九年兼職

歐越樵廣西宜山人民國二十年兼職

民團副司令

楊春菲本縣人民國十九年任

程樹猷 人民國二十一年任

鍾山縣志

卷之十三

人物

科舉 選舉 畢業生 出仕 鄉賢 列女 耆壽

人擬倉曹材稱肉譜通經識裕博物名揚擅一代之風流樓堪造鳳賦兩間之清淑
海欲搏鵬允宜典重三升無負才雄八斗也鍾山地誇靈秀世產英豪遙溯先朝科
第則蟬聯不斷縱談近代宦途仍驥展堪期今雖攀桂緣慳簪花事杳敲門磚聲名
暫息連城玉價值尤高或出手得盧播聲華於幕府或交口說項標才藻於文壇率
來楊氏生徒尙有文章舊價聚得疇人子弟應通世界新書人是席珍材爲國寶買
絲欲繡載筆堪書志人物

科舉

明舉人

潘 濂 永樂庚子科

盧 淵 永樂庚子科

董維景 泰癸酉科

盧輝 弘治己酉科

鍾敏 萬曆丙子科

廖肅 萬曆丁酉科

周烈武 萬曆丁酉科

鍾麟蛟 崇禎庚午科

陶大鼎

楊開泰 崇禎癸酉科

鍾元輔 崇禎己卯科

清舉人

廖世德 康熙辛卯科

莫世杰 康熙庚子科

廖廷勳 雍正癸卯科

鍾清彥 雍正壬子科

鍾一俊 雍正壬子科

廖當立 乾隆乙酉科

周錫 乾隆乙酉科

廖知新 乾隆己亥科

周鎰 乾隆丙辰科

廖當毅 乾隆戊午科

鍾清模 乾隆甲子科

周鈞 乾隆庚午科

周錫 乾隆壬申科

周克勤 嘉慶庚午科 恩賜舉人

麥先登 咸豐己未科

潘寶疆 宣統己酉由廣西優級師範畢業赴部覆試欽獎舉人

明武舉

廖能炳 萬曆乙未科

篤廖增 萬曆乙巳科

清武舉

周鎮邊 康熙癸巳科

鍾元吉 雍正乙酉科

鍾元錦 雍正癸卯科

韋振倫 雍正癸卯科

廖當信 乾隆戊午科

廖當佐 乾隆辛酉科

閉修來 乾隆丁卯科

莫詒勳 乾隆癸酉科

鍾榮琳 乾隆丙子科

鍾英 乾隆壬子科

宋榮蘭 嘉慶辛酉科

楊景芳 嘉慶庚午科

鍾清亮 嘉慶乙卯科

楊泰然 道光辛巳科

盧家昌 道光戊子科

韋啓昌 同治壬子科

明貢生

楊 靖 正統六年貢

黃 震 成化二十二年拔

鍾伯淵 弘治四年貢

周 英 弘治五年貢

鍾秉鉞 正德七年貢

廖 松 嘉靖十六年拔

鍾廷芳 嘉靖三十三年貢

黃 璋 嘉靖三十六年貢

廖能燦 萬曆元年貢

鍾廷菲 隆慶三年貢

廖能燧 萬曆九年貢

周 環 萬曆五年貢

盧東周 萬曆二十八年貢

盧遵路 萬曆二十年貢

虞世運 萬曆貢

虞世選 萬曆三十五年優

周邦炳 天啓貢

虞世治 萬曆貢

楊瑞生 崇禎七年貢

董鴻儒

左之皋 崇禎貢

周士熾 崇禎貢

鍾元會 崇禎貢

周 墀 崇禎貢

鍾子弘

鍾兆熊 崇禎貢

董子蓮 拔

董觀禹 拔

潘出圖

楊啓瑞

清貢生

鍾際景 順治歲貢

鍾際昌 康熙二十年恩貢

鍾良弼 康熙二十年優

鍾文魁 康熙三十四年貢

鍾 英 康熙壬午副榜

周維杰 康熙貢

周命新 康熙四十六年貢

鍾 相 康熙四十九年拔

周維邦 康熙貢

曹際元 康熙乙酉副榜

周嗣蕃 康熙五十三年貢

周嗣英 康熙五十一年貢

周家祚 康熙貢

周八凱 康熙五十五年貢

鍾上聘 康熙廩貢

鍾兆皋 康熙貢

鍾上庚 康熙廩貢

潘學英

鍾上國 康熙廩貢

鍾述祖 康熙廩貢

鍾上宇 康熙廩貢

鍾上典 康熙廩貢

鍾璣 雍正二年貢

楊純善 雍正元年貢

鍾一傑 雍正六年貢

廖繩孔 雍正六年貢

董時躍 雍正貢

鍾文淵 雍正八年貢

鍾鈺 雍正貢

廖繩禹 雍正貢

鍾文邵 乾隆六年貢

董元尙 乾隆元年恩

鍾六列 乾隆十一年貢

廖知英 乾隆七年貢

虞展章 乾隆十五年恩

周鈺 乾隆十二年貢

董謨延 乾隆十六年貢

周 鏞 乾隆十八年貢

鍾宏輔 乾隆二十二年貢

廖禔德 乾隆二十一年貢

鍾清哲 乾隆三十二年貢

廖當輔 乾隆三十年貢

鍾星熾 乾隆三十七年貢

鍾清範 乾隆三十三年貢

莫詒璋 乾隆貢

周 鋼 乾隆貢

盧冠世 乾隆三十九年貢

周嗣濂 乾隆三十九年貢

董振舒 乾隆四十二年貢

潘三級 乾隆丁酉拔

周淑意 乾隆四十九年貢

董 醇

周克顯 乾隆五十三年貢

李知春 乾隆五十五年貢

莫詒坦 乾隆恩

盧燦然 慶嘉元年貢

周克頤 嘉慶三年貢

周克勤 嘉慶九年貢

盧丕承 嘉慶九年貢

周豐球 嘉慶十七年貢

周世華 嘉慶三十二年貢

周咨哲 嘉慶二十四年貢

鍾永芳 嘉慶二十五年恩貢

鍾道襄 道光二年府貢

潘首先

鍾舒 道光拔

麥先登 道光己酉拔

鍾蓮 道光拔

鍾紹昌 道光貢

廖象鵬 道光貢

鍾覆 道光貢

鍾臨 道光貢

莫本立 道光貢

潘成玉

潘安智

潘嗣智 恩

莫詒威

潘繼昌

莫守先

潘繡揚

潘汾

莫詒楷

潘德驗

莫廷謀

潘玉林 拔

莫光漢

董紹舒

董重義

陶文煥

陶繼英

董夢舒

陶家幹 咸豐元年恩

鍾有謨 咸豐二年恩

潘之蓮 廩貢

鍾昌祖 同治元年貢

蔡卜昌 同治三年貢

盧祥陞 同治四年貢

李之績 同治十年貢

鍾崑瑾 同治十二年貢

黃秉亨

周地鈞 光緒二年恩

陶際唐 光緒二年貢

盧秀菲 光緒廩貢

鍾 濂 廩貢

黃旭光 光緒七年恩

董佩楠 光緒廩貢

陶士純 光緒十二年貢

蒙恩湛 光緒十二年貢

麥繪圖 光緒廩貢

麥咸登 光緒十六年貢

盧秀芹 光緒十六年恩

麥慶圖 光緒廩貢

潘斯濬 光緒十九年恩

廖永漢 光緒十八年貢

黃澄清 光緒廩貢

廖永亮 廩貢

潘斯涵 光緒貢

麥瑞圖 光緒二十六年恩

盧作舟 光緒三十年貢

蔡卜慶 光緒廩貢

何以寬 宣統二年恩

楊蔭春 宣統二年貢

黃燦文 宣統二年貢

黃鵬

黃繡

黃銘安

李士剛

王瀚 宣統元年拔

選舉

省議員

盧瑞春

黃尙中

潘寶疆

陶鎔德

縣議員

董鎮白

盧鈔標

董含香

盧世標

蘇文光

鍾賓鴻

潘斯涵

梁紹鴻

盧瑞春

陶鎔德

左維高

楊繼震

楊興榮

盧秀川

鍾斯美

梁宗鴻

詹冠鴻

張義懋

黃有定

楊席珍

周深仁

黃應中

廖可榮

潘斯演

周繼棠

黎培霖

廖國維

鍾國楨

董欽齋

廖鴻昌

陶肇堯

陳佐周

曾廣模

陸達崑

楊克標

周士達

陳纘徽

董含芳

楊沛灑

鍾先鈔

董含舒

岑祖彭

周憲謨

虞步陶

韋仲剛

廖體仁

鄒庭梧

董承霖

畢業生

潘寶疆 廣西優級師範

黃尙中 廣西優級師範

周 彬 廣西優級師範

廖鴻昌 廣西優級師範

盧世標 廣西優級師範

藍存孝 廣西優級師範

張日初 上海法政大學

陳劍侯 上海法政大學

周寬愛 上海新民大學

廖其柱 上海大夏大學

董慶祥 上海持志大學

潘宗斌 上海持志大學

黃治平 北平國民大學

冼紹麟 北平國民大學

黎汝霖 廣西法政別科

梁鴻舉 廣西法政別科

韋乃民 廣西法政別科

廖孟安 廣西法政別科

潘斯洋 廣西法政別科

潘斯漪 廣西法政法律本科

陳憲仁 廣西法政法律本科

鍾賓鴻 桂林法政別科

鍾國楨 廣西法政別科

虞建寅 桂林法政

黃秉良 廣西法政別科

黃 卷 廣西法政別科

陳舜徽 廣西法政法律預科

楊錫蘭 廣西村治學院

李俊良 廣西村治學院

楊遠蔭 廣西村治學院

李 郁 廣西村治學院

何效蕃 廣西村治學院

鍾毓崗 廣西村治學院

李健夫 廣西村治學院

盧英傑 廣西村治學院

韋白情 廣西村治學院

董安舒 廣西村治學院

盧芳洲 廣西村治學院

董邦鴻 廣西村治學院

粟秀英 廣西第一師範

徐世榮 廣西第一師範

盧紹高 廣西第二師範

潘少仙 廣西第一師範

沈有章 廣西第二師範

曾昭熊 廣西第一師範

董耀德 廣西第二師範

陶學魁 廣西第二師範

董其茂 廣西第二師範

董舒才 廣西第二師範

董和卿 廣西第二師範

閉若晦 廣西第三師範

張義懋 廈門集美師範

韋代珍 北京鐵路學校法文專科

張明聲 上海同文書院

盧錦標 廣西甲種農業

黎進變 廣西甲種工業

黃應中 廣西甲種工業

廖允傑 廣西甲種工業

曾五棲 廣西蠶業學校

廖允應 廣西軍事政治分校

張義貴 廣西軍事政治分校

蔣炳隆 廣西軍事政治分校

楊愈秦 廣西軍事政治分校

楊援時 廣西軍事政治分校

黃奮武 廣西軍事政治分校

陶紹飛 廣西軍事政治分校

黃應華 廣西軍事政治分校

董重威 廣西軍事政治分校

盧挺標 廣東陸軍團講習

潘寶讓 廣東黃埔軍校

楊振時 平樂中學

董邦本 平樂中學

董煥文 平樂中學

黎德光 平樂中學

陳樹德 平樂九屬中學

楊冠林 平樂中學

黎保華 廣西省立第三中學

董良英 廣西省立第三中學

董邦冠 桂山中學

董發祥 桂山中學

董其英 桂山中學

董邦翰 鍾山中學

董邦傑 鍾山中學

董元良 鍾山中學

劉毅卿 平樂九屬中學

董容光

韋仲剛 平樂九屬中學

韋其錚 平樂九屬中學

梁宗鴻 平樂九屬中學

潘斯演 平樂九屬中學

楊席珍 平樂九屬中學

潘訓謀 平樂九屬中學

陳憲義 平樂九屬中學

譚榮賢 平樂九屬中學

蘇文光 桂林中學

楊沛灑 平樂九屬中學

冼漢章 平樂九屬中學

陳明克 平樂九屬中學

程志高 平樂九屬中學

周顯德 平樂九屬中學

嚴炳章 平樂九屬中學

王達賢 廈門集美中學

王文蔚 廣州國立中山大學附中

曾繁仁 桂林中學

曾繁林 北平民國大學體育專科

曾顯魁 桂林中學

曾昭陽 桂林中學

謝玉山 桂林中學

李煥文 廣西教育行政人員養成所

廖錫昌 桂林中學

廖邦昌 桂林中學

廖禎宜 桂林中學

潘寶森 桂山中學

廖景榮 桂山中學

廖禎光 桂山中學

潘斯浚 桂山中學

潘寶光 桂山中學

楊豐年 中山大學農科

鍾斯文 桂林國民中學

廖禎熙 桂林國民中學

蘇代茂 廣西省立第三中學

陳寶文 中山大學農科

廖禎高 廣西省立第三中學

岑兆麟 廣西省立第三中學

盧氣華 廣西大學

董英儒 廣西省立專科師範

董永舒 廣西省立第三中學

羅永綱 廣西省立第三中學

鍾培元 賀縣中學

李彰秀 賀縣中學

廖其樑 賀縣中學

蔣聯英 賀縣中學

廖紹權 省立三高中

楊樹德 賀縣中學

鍾國柱 賀縣中學

黎進金 廣西省立第十中學

莫遠賢 廣西省立第十中學

何超向 廣西省立第十中學

廖循規 廣西省立第十中學

丘維高 廣西省立第十中學

盧鑑冰 廣西省立第十中學

廖進程 廣西省立第十中學

蔣萬章 廣西省立第十中學

廖允暹 廣西省立第十中學

盧光宇 廣西省立第十中學

楊世清 廣西省立第十中學

盧育偉 廣西省立第十中學

李秦飛 廣西省立第十中學

周裕仁 廣西省立第十中學

周啓文 上海中國公學

董永忠 廣西省立第十中學

董永青 廣西省立第十中學

鍾成喜 鍾山縣立中學

鍾成憲 鍾山縣立中學

楊錫澗 鍾山縣立中學

程安世 鍾山縣立中學

黃炳仁 鍾山縣立中學

周紹昌 鍾山縣立中學

盧廷邦 鍾山縣立中學

黃震坤 鍾山縣立中學

盧政練 鍾山縣立中學

盧育瑞 鍾山縣立中學

盧玉 鍾山縣立中學

盧琦 鍾山縣立中學

盧家增 鍾山縣立中學

盧育傑 鍾山縣立中學

盧世榮 鍾山縣立中學

黃榜登 鍾山縣立中學

廖言昌 鍾山縣立中學

冼富鶴 鍾山縣立中學

唐興富 鍾山縣立中學

廖禎賢 鍾山縣立中學

廖禎敏 鍾山縣立中學

唐冠華 鍾山縣立中學

蔣煌隆 鍾山縣立中學

廖禎錦 鍾山縣立中學

廖祥開 鍾山縣立中學

黃贊猷 鍾山縣立中學

黃振猷 鍾山縣立中學

韋編三 鍾山縣立中學

董念添 鍾山縣立中學

韋編修 鍾山縣立中學

梁澤川 鍾山縣立中學

黃德高 鍾山縣立中學

莫如遠 鍾山縣立中學

莫念珩 鍾山縣立中學

董文邦 鍾山縣立中學

蒙始偉 鍾山縣立中學

蒙始著 鍾山縣立中學

馮 驥 鍾山縣立中學

陶融南 鍾山縣立中學

楊愈森 鍾山縣立中學

楊愈堅 鍾山縣立中學

楊萬芳 鍾山縣立中學

楊萬楨 鍾山縣立中學

周啓宇 鍾山縣立中學

楊榮聲 鍾山縣立中學

岑德孚 鍾山縣立中學

楊家珍 鍾山縣立中學

曾 雋 廣西省立第十中學

朱維燊 桂山中學

陳炳謀 廣西省立第十中學

王家紀 廣西省立第三中學

陳健民 鍾山縣立中學

廖真溫 鍾山縣立中學

出仕

文職

廖敏珍 明任江南義倉太史

廖鎮 明授龍平縣知事

盧朝顯 明任富水縣教諭

潘濂 明永樂庚子科舉人任江南江寧府同知

楊靖 明正統六年歲貢歷任河南汲縣縣丞西平縣知縣

黃震 明成化二十年拔貢任廣東高明縣知縣

周英 明弘治五年歲貢任浙江瑞安縣丞

盧輝 明弘治己酉科舉人任廣東澄邁縣知縣

廖松 明嘉靖十六年拔貢任湖南鄧縣知縣

黃璋 明嘉靖三十六年歲貢任貴縣訓導

廖能燦 明萬曆元年歲貢授藩司通使

周環 明萬曆五年歲貢任灌陽訓導

鍾敏 明萬曆丙子科舉人任湖南來陽知縣

廖肅 明萬曆丁酉科舉人歷任四川灌縣知縣雲南臨安府通判

虞世治 明萬曆三十年歲貢歷任慶遠梧州學正廣東三水知縣

周烈武 明萬曆丁酉科舉人任貴州石阡府推官

董子蓮 明拔貢授廣東南海縣丞

盧東周 明萬曆二十八年歲貢任廣東信宜縣教諭

董觀禹 明拔貢授廣東三水縣丞

何朝松 明署浙江定復縣倉太史

鍾麟蛟 明崇禎庚午科舉人任廣東感恩知縣兼攝崖州知州

楊冲斗 清庠生順治十七年從戎有功擢用廣東曲江縣知縣

鍾繩祖 清康熙廩貢興業縣訓導後任河南光山縣知事

鍾上庚 清康熙廩貢任思恩府經歷

鍾際昌 清康熙二十年恩貢任羅城教諭桂林府教授

鍾上聘 清康熙廩貢任陝西平涼府經歷委署清寧州

廖世德 清康熙辛卯科舉人任河南光山縣知事

莫世杰 清康熙庚子科舉人任寧明州教諭

周嗣蕃 清康熙五十三年歲貢署潯州府教授

周八愷 清康熙五十五年歲貢任懷集縣訓導

楊純善 清雍正元年歲貢任思恩府教授

廖廷勳 清雍正癸卯科舉人授全州教諭

鍾清彥 清雍正壬子科舉人任廣東陸豐知縣

廖玉德 清雍正時任柳城儒學

鍾一俊 清雍正壬子科舉人授蒼梧縣教諭

鍾文淵 清雍正八年歲貢署融縣訓導

廖純孔 清雍正六年歲貢任桂林府訓導

周 鎰 清乾隆丙辰科舉人雲南白石井鹽大使

廖當毅 清乾隆戊午科舉人任靈川縣教諭

莫詒璋 清乾隆貢任來賓縣教諭

盧 傳 清任懷集訓導

周 鈞 清乾隆庚午科舉人任河南封邱知縣

鍾文邵 清乾隆六年歲貢任太平府訓導

虞展章 清乾隆十五年恩貢任柳城教諭

周 鉉 清乾隆十八年歲貢署永淳訓導

莫延謨 清乾隆十六年歲貢署永寧州訓導

盧燦然 清嘉慶元年歲貢任柳城縣教諭

鍾舒 清道光拔貢署左州學正

鍾濂 清廩貢歷任雒容岑溪訓導

麥先登 清道光己酉拔貢咸豐補行壬子己未兩科舉人任遷江教諭

陶文煥 清貢生授灌陽訓導

潘毓瑾 清庠生保舉署雒容訓導

潘之蓮 清廩貢任雒容訓導

盧秀菲 清光緒元年廩貢歷任南寧西隆訓導

周金銘 清光緒時委用廣東茂名平山分司

黎汝霖 民國元年廣西法政別科畢業歷任黑龍江湖南常德福建廈門地方法

院推事現任黑龍江海倫縣第一分院推事

董邦彥 清庠生民國十年代理鍾山縣知事

韋乃民 廣西法政專門學校畢業民國十一年委署鍾山縣知事

廖禎榮 清廩生民國十二年代理鍾山縣知事

董含香 清廩生民國十四年委代鍾山縣知事

廖榮昌 清庠生民國十三年委代龍勝縣知事十八年代鍾山縣政府主席

廖鴻昌 廣西優級師範選科畢業民國十四年委署鍾山縣知事十七年任鍾山

教育局長

黃尙中 廣西優級師範選科畢業民國十四年委任鍾山縣知事十六年署平南

縣知事十九年署平樂縣縣長

潘寶疆 清宣統二年師範科舉人民國十四年任昭平縣知事十九年署鍾山縣

縣長

盧世標 廣西優級師範選科畢業民國十五年委署鍾山縣知事十九年任富賀

鍾鑛務處長兼桂林區財務整理處副處長

楊振時 警察學校畢業民國十五年署南寧第三區警察長十七年署果德縣縣長十九年署柳城縣縣長

程繡章 廣西地方行政人員講習所畢業民國十八年署萬承縣縣長

張日初 上海法政大學畢業民國十八年代理鍾山縣縣長

廖茂廷 原名松昌民國十九年署鍾山縣縣長

董鎮白 原名壓元清庠生桂林簡易師範畢業民國十三年任鍾山縣教育局長

蘇文光 平樂九屬中學畢業民國十五年委鍾山縣教育局長

楊席珍 原名振華平樂九屬中學畢業民國十六年委鍾山縣教育局長

李煥文 桂山中學及廣西地方教育行政人員養成所畢業民國十七年委任融

縣教育局長二十一年委任鍾山縣教育局長

廖孟安 原名禎邦清庠生廣西法政專門學校畢業民國二十年委任鍾山縣財

務局長

岑祖彭 清庠生廣西法政專門學校畢業民國二十一年委任鍾山縣財務局長

武職

黃文甫 明正統總制

黃舉禎 明成化武英殿校尉

黃舉祥 明成化百戶

鍾太鎔 明授太平府參將

鍾太寵 明任平樂府千總

鍾道佑 明授千戶侯

廖篤增 明任梧州府總兵

廖篤堅 明任梧州府副總兵

廖篤璽 明任梧州府參戎

廖存忠 明任梧州府守府

廖伯通 明任遼東都督大總兵

廖知德 明任慶遠府參將

廖崇德 清康熙平樂協右營恭城縣城守

葉占春 清咸豐時歷署德慶封川悅城汛務

廖茂廷 民國十九年鍾山縣民團司令

潘寶疆 民國十九年鍾山縣民團司令

楊春菲 民國十九年鍾山縣民團副司令

鄉賢

周真 邑庠生嘉靖元年西鄉賊馮道任作亂熾甚真白諸當道率民兵賈勇勦

撲賊因潰西鄉居民得復其田疇廬舍皆真力也祀鄉賢見富川縣志

潘積讓 明土龍司有雄畧時五指山聚賊萬餘屢征不平讓與把總王銅定計擒

其巨魁解散脅從後建議留兵設守文化里於是得以安枕尤慷慨好施萬曆十三年歲大荒捐禾十三萬把賑饑其部兵賴活甚衆明封義士入祀鄉賢祠見昭平舊志

潘文案

明嘉靖時人有膽畧嫺刀馬常單騎衝入賊陣莫有能當其鋒者曾在陣中生擒賊首藍在乾周林相等歸又復勦平上四屯賊黎福莊等斬首百餘級名震猺夷惜功未竟爲仇所害人祀鄉賢祠見昭平舊志

周士元

邑廩生石阡守烈武子也明崇禎十七年捐貲助國授富賀監軍道後流賊掠境元與子煜歧率鄉兵拒戰力不及父子俱卒於難見富川志

周八元

府學增生性純篤克勤儉家業淡薄食指甚蕃父臨危訣曰一門老幼惟爾長是賴元承命百計周旋事繼母及庶母曲盡孝養教同母弟一異母弟三皆成名婚娶歲饑升米百錢元以舌耕所得分給諸弟內外無間稱孝友云見富川志

廖 肅 應湖子出爲應河後河夫婦早卒祖母龍旣盲復病足肅旦暮侍側龍雖

係巾國幼嘗習經書背誦訓肅母孫二人更相爲師生登萬曆丁酉科鄉薦選知四川灌縣有治行陞雲南臨安府別駕時龍年已八十餘矣老病不能迎養遂乞終養歸抵家年餘祖母終哀毀幾絕結廬墓旁服闋人勸之官曰親已死矣更出何爲先世遺業兄弟或請半分之曰吾俸金尙以瞻族戚敢貪祖業哉乃與所自出之兄弟列爲八股而分其一其孝義如此

鍾麟郊

天性孝友誠心積行家貧好學殫力色養夙夜無懈任廣東感恩縣知縣坦夷而介有致餼而匿金於瓶者曰余性不飲可持去亦竟不以語人也數決疑獄廉平之聲聞於上題陞崖州牧

廖篤堅

字羅石喜讀孫吳司馬及三式諸書有韜畧吳作逆亂大將軍傅宏烈帶領隨征有功匾其門曰黃石青箱授平樂協副總戎職銜未補而卒

廖世德

字榮先號棗村少孤事祖母以孝聞登康熙辛卯鄉薦授河南光山令甫下車詢疾苦編保甲汰冗役時中州治尙嚴峻世德獨以寬濟得士民心有鄰邑商城宣氏家傭姆不睦傭縊死外家羅氏不至及殯於外已三日羅突至控縣令開棺檢屍已斷一足大守某以羅戕尸圖詐疊夾成招已二年矣後奉駁查檄世德會審世德虛公確審密訪嚴究乃宣氏世仇某開棺斷屍足以陷宣也羅得出而疑獄盡釋然自是爲太守側目會賑濟河北饑民流寓者多世德議頗詳動輒掣肘遂引老歸宦囊無一物然家世勤儉舊有田園足以自娛儲書數千卷朝夕手不停披爲人喜怒不形鄰里有不平者輒爲排解尤樂善好施燕塘溪水病涉者衆獨創子謨橋以利行人康熙癸巳及辛丑歲大饑斗米五百錢減價平糶鄉人甚德之

莫世杰

字爾英少孤能自樹立志學爲儒丰神軒舉浩氣常伸若壁立萬仞望之起敬聰資明敏日誦千言登康熙庚子科鄉薦任太平府寧明州學正此

州前係土司不知文教憲臺特創書院延世杰爲師倡明正學士之遊其門者咸脫穎而出人皆謂寧明向學實世杰創始云

麥先登

字夏圃聰穎純孝由拔貢登賢書歷署容縣來賓遷江三邑學正自後家居講學門下極一時之盛父立揚有長者風家教甚嚴夏圃事之終身無稍懈尤能秉父訓令子孫奮讀長子瑞圖成恩貢次繪圖廩貢三獻圖廩生四永圖附貢五慶圖優廩孫培芳增生子婦則令種蔬菜每餐以次進課其勤惰上下肅然性尤高潔從未履公門預外事鄉里重其德行至今稱道不衰

鍾英

字哲臣邑庠生昭平沈令以辦團廉幹保舉訓導幼時父作槓被仇家構陷徙夔中芒鞋護行數千里涉洞庭過巫峽艱辛備歷後復每年夏去秋回省視會母在家病故父在夔續娶邵氏厥後父終於夔扶襯歸葬並迎邵氏歸事之一如生母自是家居養母不問世事當道重其賢咸委以辦

團而鄉里亦以其廉直一有輻輳輒投訴其門英屢辭不獲然既爲義所迫惟遇事悉心勸處不辭勞頓間有因案求爲緩頰及事後餽以金者皆婉却謝絕至今父老傳言綜英生平其爲辦團及公益慈善事業曾賣去五十七工田其急公好義有如此者子景期孫振鴻孟鴻俱游庠易簣時忽諭其家人爲之沐浴易冠服並諭其孫振鴻孟鴻昇之輿上一瞥而逝時昭平李令到石龍聞之深爲歎息輓以福壽全歸四字鄉人多以爲榮

字夏池性孝友聰穎篤學弱冠輒以冠軍游庠食餼遵父命以廩貢報捐司鐸雒江父歿歷委東蘭興安學正皆不就家居講學提携後進並聯同里名宿倡辦培英文社每歲秋召集鄉鄰學子在石龍分甲乙級考試一次擇其尤者給以獎品地方文化由是日進居恒終日危坐披閱羣書耄年不輟和靄之色時形面目雖桀敖者見之莫不肅然生敬尤精醫科光緒壬寅夏疫症流行多製送丸藥治活者衆歷任昭平縣令重其品學遇

潘之蓮

有關於地方疑難事多向咨詢而地方亦賴維持垂數十年其爲文古奧不趨時尤嗜吟詠著有琢玉齋文集詩集藏于家

潘斯濬

字雲川恩貢生廉直急公善承父志總辦區團二十年平日剖析是非雖至親不少庇民初土匪猖獗石龍一帶幾無一片乾淨土先後督練擒獲巨魁數十名平息匪禍民三米騰貴人心恐慌復首捐百金並募巨款赴梧購米數萬斛平糶其慷慨好義卓有父風鄉里咸重之性喜吟咏著有師竹齋詩集藏於家


盧秀芹

字英圃恩貢生年七歲值清咸豐丙辰匪亂被拉亂平得其母偕其親屬尋回縱之讀聰敏努力不數年舉茂才食廩餼嗣以母老病多不求仕進鄉居設教十九年循善誘樂育有方鄉縉紳多嘯出門下館罷督工種松植桐題有課植七律一首訓後爲人天性醇厚喜怒不形尤熱心慈善公益嘗醵金在羊頭建回生所方便旅客養病又聯同地方士紳揀埋平山

巖被匪燻斃枯骨復建祠置田每年九日到岩致祭追悼幽魂光緒壬寅歲大疫傳方施藥全活者衆平生戒爭訟息糾紛完骨肉諸善舉不一而足其爲文吐囑典雅無衰颯氣詩酷好隨園著有香裏集藏于家子六人次世標少年騰達詩才雋逸蓋由有家學淵源云

黃勉之

字敬齋廩膳生少聰穎文思甚捷設帳授徒歲恒三四十人每改課藝必彙集于一晝夜竟之生平服用簡樸舉止莊重性嚴正與鄉里解紛無所徇事父孝凡事必稟命當洪楊變起地方多故團練侵官權有司倚畀和輯諸團無不奉命惟謹時大橋市有匪類魚肉鄉民乃於其村外土坪設買賣場聽鄉人互相貿易悉力護之今遂成市咸豐九年捻匪陳金剛掠境所至蹂躪因建擊賊之議聯富昭兩屬附近各團立總團于大田寨名曰義和是年十二月十三日出奇計率丁壯親冒矢石擊走大冒駐賊鄰村如約四出響應連破賊壘五六起地方賴以保全同治六年因公赴縣



壽星高照
長壽無疆

150

烈女

賢媛

蔣氏南北朝時人鍾士雄士畧母也士雄仕陳爲伏波將軍陳主以士雄嶺南酋師慮其反覆留蔣氏于都下及晉王平江南以士雄在嶺表欲以恩義致之遣蔣氏歸臨賀旣而虞子茂作亂舉兵掠城遣同寇鍾文華召士雄士雄將應之蔣氏謂士雄曰若背德忘義我將自戕於爾前士雄遂止蔣氏復作書與子茂喻以禍福子茂不從卒爲官兵所敗上聞蔣氏甚異之封爲安樂縣君有神道碑誌刻合掌石

王氏廖世德祖母也二十二歲夫故及子年二十餘又天遺二孫俱幼氏冰霜愈勵茹苦飲蘖五十餘年教孫世德領鄉薦彰德入邑庠昭平縣令旌其門曰貞節發祥

虞氏莫世鏞妻孝事舅姑撫前妻子成先如己出義方教訓與所出之子讓先讓賢

俱遊庠孫曾林立悉補弟子員年八十九歲卒

陶氏榜冠例貢陳世猷妻即憲仁祖母也憲仁幼失怙恃賴氏含飴教誨更遣入桂林法政學校畢業氏現年七十餘猶強健

董氏潘廣文之蓮妻自歸夫家琴瑟甚篤及之蓮任雜容訓導翁姑年已老凡奉養高堂經紀家政教訓兒女皆氏一身獨任翁素好施暮年尤甚氏復順承意旨多儲米供給所需姑又患風痺食息需人者幾一載氏尤護侍周至鄉里咸稱其賢子斯濬斯涵皆貢生人以爲慈蔭所遺云

陶氏處士陶維漢之女幼歸同里源頭村鍾永彩家貧無怨言事姑曲盡婦道撫子賓鴻縱之讀嘗誡之曰教爾讀望爾奮勉爲人也顧吾家世守耕讀爾能讀固好否則耕亦能養活如不讀不耕將何以爲人又何以對宗祖語慈而嚴居恒寡言笑有向之言是非者輒默然不置一詞處妯娌間性極和靄歿時聞者咸爲涕下

楊氏恩貢生盧秀芹妻賢孝耐勞尤有卓識年十六歸夫家適值咸豐亂後家赤貧姑又患水癥症氏晨夕侍湯藥親井臼并積銖鎰助夫膏火芹由是得游庠食餼尋膺歲薦嗣講學授徒年獲館穀益以氏歷年蓄積家迺小康性尤好施與平昔周恤貧乏不少咨民國四年其子世標游幕羊城振武上將軍龍濟光聞其賢因以德堪列傳四字題贈之

黃氏鄉耆盧秀蘭妻性恬淡淑善簡默寡言于歸時姑已逝世氏恨不得逮養每遇姑生忌辰輒飲泣拜奠盡禮如生平昔教育子女言準乎禮嘗曰病從口入禍從口出毋多言汝曹識之子庠生清標煜標廩生鈔標皆知敦品立名遵母訓也卒年八十二歲龍振武題女中君子四字額表其閭

張氏英家丘仕望妻隨夫奉姑自潮州遷徙甫抵英家姑忽染瘡疾輾轉床褥二年餘瘡破血流腥穢難聞氏日夕相伴煎藥洗敷始終不怠中年夫故守節撫孤氏知醫猶精生產科全活多人年屆古稀尙能操勞卒時九十四歲清學使趙

以爛以苦節可嘉四字旌之

羅氏周天富妻性貞靜孝事孀姑夫嗜博常婉言進勸及夫死家產蕩然鄰里有富者慕其賢託媒致意欲聘爲繼室氏曰姑年邁奉養需人且自知命薄無享安樂福何敢生此非望媒再三勸之終不爲動日與人傭工以所得值養姑十餘年姑歿竟以守節終壽至七十六歲

董氏明經潘斯濬妻廩生董成修長女幼嫻女教識大體年十九賦于歸治家睦族無婦女態尤以孝聞時翁之蓮司鐸維容夫斯濬講學賀邑蘆江太公崑山年八十餘老態龍鍾舉動不便以家尙儉樸不僱僕役董氏料理家務教育子女外以孫婦代子職日奉甘旨無時或缺至朔風凜烈早晚躬親熏煖衣服被褥然後請老人興寢其孝行誠不可多得者生子二長寶疇幼童游庠旋夭折氏哭之幾以身殉次寶疆以獨子不忍遠遊氏誠之曰男兒當以揚名顯親爲職志汝欲長依膝下終老耶旋寶疆得畢業于廣西簡易師範及優級師範晉京

覆試列最優等獎師範科舉人論者皆謂氏能識大體有古賢母風云

楊氏庠生盧得標妻性淑善年十八于歸事翁姑曲盡孝養姑陳氏晚年不能步履飲食起臥調護需人氏晨昏奉事惟謹每夜必起爲姑轉側數次或至十餘次如是十餘年無間寒暑並無懈意姑歿後氏亦因積勞成疾不起卒年五十二今鄉里猶稱道之

鍾氏楊茂靖妻靖少貧不能娶氏父逼改婚約氏矢志不渝且曰窮通得喪命也夫復何言于歸後甘守清貧卒能相夫起家子一女一均能教養成立至今人稱賢母云

官氏清廩生陳鴻猷妻性勤儉家務無鉅細恒先操勞不與娣姒較衣食不圖華美惟尙清潔分爨後稍有積蓄每遇無告孤嫠輒周恤之子宗舜廩生耀舜祖舜俱邑庠孫其琨亦早游泮人咸謂氏能積善有以啓之卒年八十八歲

盧氏清補用巡檢王錫綸妻拔貢生瀚之母也謹順奉老勤儉相夫舉三子三女皆

成立生長子之年適值建築廬舍數月方落成土木之工日計數十始終惟氏任中饋而堂上菽水承歡如常甚得阿姑愛年三十九而孀諸孤皆苦心教養胞侄道德彰幼喪母而撫之若己出侄孫家福幼失怙恃孤苦無依惻然攜之歸且資之讀居恒耐操勞年屆古稀尙督理家政紡績不輟民國二年值歲歉米日騰貴紳商議赴梧運米平糶氏與叔綜綸商捐助穀三千觔救饑生平自奉淡薄而待人惟恐不厚桑梓咸稱道之歿年七十九歲

羅氏英家周木生妻善事姑深得姑憐愛周嗜賭成癖氏每規諫之終不聽以是家日貧時欲鬻氏而利其值氏誓死不從寧日傭工採樵負米贍養老姑迨姑以耄年逝世又移其事姑之心事夫卒諧白首夫婦俱屆古稀殂謝後里黨迭相傳頌焉

廖氏清廩生盧紹先之妻年三十九夫故茹苦含辛撫養諸孤皆成立長富春業儒次瑞春廩生三應春附貢四森春邑庠五得春郡庠先世書香承繼不替皆氏

荻教有以致之現年八十四目覩四代猶康健焉

韓氏周祥光妻廩生深仁母也于歸時姑盲家貧助夫奉養盡孝教子成名知事唐南杰贈匾旌之

潘氏董隴文妻性溫柔心慈善事夫盡禮至老不懈常周人急人甚德之年七十餘猶操作不輟其子含綦請勿過勞苦則曰吾少聞塾師言昔鄭善果之母子爲刺史猶紡績至夜分我何人斯敢自逸耶卒勞瘁如常

楊氏清增生董世琦妻廩生含菲母也于歸時家貧氏勤紡績助膏火琦由是得勵志于學蜚聲庠序臨終時復囑其子勿營齋醮寧留此款贍貧乏其好慈善又如此

張氏季貞臨賀龍井清武德騎尉張拱宸季女自幼許字盧世標于歸後琴瑟甚篤事舅姑孝尤深得姑意姑歿每當風雨晦明恒孺慕之不置年三十九歲卒病將革與夫訣曰君善視子女我赴馬蹄塘從阿姑去也言訖而歿

節婦 附貞女

莫氏莫若德女明時人歸府庠生廖梗方梗逝時氏年方二十三矢志勵節甘貧茹苦撫孤成立至五十四歲而終

鍾姑鍾太晏女崇禎十一年流賊衝城姑年十八未嫁隨衆逃難見勢逼越城而下遶池走賊追之急姑懼見辱憤力投池死適巡按陳昌虞臨城驗狀題烈寒潭月四字并詩勒石旌之

鍾姑大庄鍾作恩女自幼許聘莫尙信康熙戊午流賊掠境尙信被擄不知所之姑念翁姑無子自歸莫門奉翁姑終身不嫁年五十三卒鄉人嘉其義立像于大庄寺祀之

鍾氏廖存美妻年二十四夫亡矢志白首全貞孝事孀姑教子成立次媳歐氏年二十夫亡無子亦堅志守節乾隆十一年昭邑士紳以雙節萃于一門呈請通詳旌表題準建坊

黃氏盧家珏妻于歸月餘珏病故氏哀同共姜之遇誓守柏舟之節撫養姪鴻爲嗣十八年不出庭門及鴻婚娶連抱四孫鴻亦入庠諸孫懋煥懋彬隨就國學懋勉懋欽俱遊庠序清學院以節孝流芳旌其門

周氏鍾承泰妻二十二歲夫故守節六十一年

廖氏庠生陶安仁妻二十八歲守節撫育長子紹中入郡庠次子紹先就國學及孫煥章遊泮氏猶及見歿時年七十三歲郭學使旌其門曰孝慈可式

鍾氏庠生盧鶴母二十三歲守節清學院給以苦節彌貞額

楊氏國學生盧密妻年二十九夫亡撫姪懋猷爲嗣歿年八十五歲守節五十六年
鍾氏廩生盧紹先母二十二歲守節撫孤成名歿年六十三歲清學院給以淑德延年額

鍾姑蘭秀清武生鍾超鳴女自幼受周知禮之聘年將及笄而知禮夭亡姑臨喪一哭誓不再字奉母以終學院給以抱璞歸貞額

盧氏清國學生鍾先敏母二十六歲守節張學院以古井無波四字旌之卒年八十五歲

廖氏盧永升母二十六歲夫故壽九十歲守節六十四年

潘氏武生楊家昌母年二十夫故矢志孀守事姑撫幼及年五十六子入武庠時氏適病逝苦節三十六年

周氏廖存義母守節撫孤成立卒年九十二歲

勞氏林芝桂母年二十六夫故家貧矢志守節竭力耕織撫孤成人卒年九十三歲
明氏劉顯貴母生二子而寡矢志全節撫育孤幼九十七歲歿

潘氏廣文潘之蓮女年十九歸邑庠鍾浚之子景賢甫四載子僅二歲而景賢亡有勸其改適者輒峻詞拒之孝養翁姑撫育孤子孀守二十年人無間言嗣翁故百般營葬致勞瘁過度成心疾鬱鬱而逝聞者哀之子儀鴻清廩生

鍾氏潘瓊炤妻歸炤數年生一子名之蕃僅二齡炤忽病故炤固乏兄弟父復被兇

戕氏嚙指鳴冤卒伸覆盆然緣是家中落含飢忍餓備歷艱辛上慰老姑下撫獨子不二十年卒復舊業歿年六十四歲時已見其孫斯漢成武生抱子人以爲節孝之報云

虞氏潘秉醇妻年十七歸秉醇生一子名家振週歲醇故仰事俯畜悉惟氏任之嗣家振成立亦能盡孝養有二子五孫氏皆及見之

鍾氏潘廣文毓瑾之妻幼歸瑾事姑曲盡婦道瑾署雜容解職歸適病故時氏年未三十含辛茹苦撫二女守節嗣以從孫盈漳承其後聞者賢之

董氏潘悅泰之妻年二十六悅泰亡遺孤名之勝僅週歲室如懸磬織績自給并能爲子婚娶見二孫

董氏潘如鳳妻年三十二夫亡家貧無子女有富翁聞其賢欲娶爲繼室使人致意氏峻詞拒之卒以孀守食貧終

冼氏潘煥章之妻于歸四年育二女夫亡薄有田產氏以青年寡婦經營遺產內外

井然嗣撫夫姪孫敬德承其後教養視如親生

莫氏廖積卿之妻年二十一夫亡子僅三歲家貧嫂憐其難以自存微以勿守風之

氏堅却不從卒能撫孤成立并目睹長孫國維游庠

莫氏自香年二十而孀有遺腹慮夫血食將斬誓於天地不再適後果生子再傳生

象鵬清道光時成歲貢今其後頗繁衍足見苦節人能邀天眷也

陶氏守貞虞吉祥妻于歸二年祥在外客死數年無耗宣統間祥父雲華又爲仇家

陷害產業蕩然家人四散氏時尙未有子乃歸依母家日以針黹自給誓不再

適自號守貞持長齋以明志孀居二十餘年人無間言歿時四十五歲鄉人嘉

其節以族人子寬俊爲之後

鄧氏清補用州同周樹栗妻年二十九歲守節歿時六十二歲妾張氏二十三歲守

節歿時五十九歲

毛氏庠生周廷璇妻年二十六夫故守節

周氏鍾禎妻年二十四夫故遺腹三月生子名履柯矢志守節撫子成人

鍾氏周書叔母年二十四夫故撫書承繼八十二歲卒學憲唐給以節凜冰霜額

周氏盧峻華妻年二十四夫故子紹祖甫四歲矢志守節撫子成人

伍氏周恒仁妻于歸經年夫死年十八遺孤潤濱矢志守節足不履戶外撫子成人

鍾氏周盛豐妻年十八于歸夫死哭淚成血欲以身殉卒服毒死聞者哀之

盧氏嚴秉章妻年二十夫故遺腹五月生子名啓超矢志守節撫孤成人

陶氏清廩生楊浩春妻年二十五夫死矢志不移義方教子至于成立

趙氏林瓏興妻年二十六夫死守節撫二子成立能創巨產

黃氏毛文松妻年二十六夫死守節撫子成人

黎氏董錦燦妻年二十八夫死守節撫子成人

周氏童孟文妻年三十夫死守節撫遺腹子成立孫繞膝

蔣氏清庠生李永菲之祖母年二十七夫死守節上無翁姑又無伯叔撫孤成立

董氏李春茂之妻年二十六夫故守節撫二子成立六十六歲卒劉學憲給以賢孝

傳家四字

毛氏董家璵妻年二十四夫故守節撫孤成立

陳氏附貢李鴻鈞妻年二十六夫故守節撫孤成立

周氏庠生董紹謙之妻年三十三夫死守節撫二子長壓元次翰元皆成立壓元一

名鎮白清附生

岑氏黃鼎才之妻年二十四守節撫孤成立歿年八十四

白氏黃日光之妻年二十一守節撫子道祥成立

盧氏黃家一之母二十六歲守節八十三歲歿

李氏庠生周至德之妻年二十六夫死矢志守節孝事祖姑撫子寬量成立歿年五

十八歲

盧氏鍾昌亮妻年二十二歲夫故守節撫子成立七十八歲卒

鍾氏周垣之妻年二十四夫死守節家貧撫三子種蔬菜勤紡績奉養周至教子成名其未嫁時父被賊困舉家驚走氏蹈刃救護卒能保身全父亦巾幗中之翹

楚也

楊氏清庠生鍾斯美之母青年守孀教子成名現年六十八歲

楊氏梁作鎮妻年二十三夫死守節適值陳三稅葉天良等在太平倡亂家產蕩然

撫子啓英啓雄啓轉皆成立清學憲給以金石同貞四字

朱氏曾聘臣妻于歸五載舉一子一女而夫歿月餘舉一遺腹子矢志守節及長子

方成童忽夭去繼罹水災遭匪劫氏艱辛備歷冰霜愈勵撫遺腹子五樓成立

現年近古稀猶康健焉

羅氏丘天德妻年三十三守節撫嗣子珍益成立現年八十二歲

韋氏廖禎彪妻年二十夫死家貧無儋石之儲又無承繼之子全節奉姑現年五十

餘族黨咸稱之

馮氏王黼妻年三十守節撫孤家泉成立已抱二孫現年五十一歲

盧氏黃寶先妻二十五歲守節現年七十餘

黃氏楊萬選祖母廩生黃勉之女也二十歲守節目覩四代壽八十三歲媳陶氏二

十一歲守節現年六十餘

陶氏陳大書妻生三子二十三歲守節家貧撫孤現年六十餘

徐氏廖勝院母二十四歲守節現年七十歲

梁氏廖勝品母二十六歲守節現年六十八歲

鍾氏王日記妻二十六歲守節現年五十八歲

甘氏歐永傑妻三十歲夫死守節

楊氏歐仕祥妻二十歲夫死守節

董氏楊春柏妻二十三歲夫死子友芹又夭逝撫孫作幹守節不移

董氏楊賓青妻年十八夫死無嗣撫姪維漢成人

李氏清增生梁耀廷妻庠生棟材之母也青年守節矢志靡他歐陽學院給淑德延年額

楊氏榜冠陳祺芳妻年二十九守節現年八十三歲

韋氏橋頭林經樂妻年二十六夫死矢志撫孤家極貧編草履以供朝夕而嚴守閭

範人無間言

耆壽

鍾文國邑庠生享年八十七歲祁學使給老人星輝額

鍾衡武生享年九十一歲

周上風邑庠生享年八十三歲

鍾祖錫鄉飲介賓享年八十二歲黃學使給望重磻溪四字

鍾健琳鄉飲介賓享年八十五歲夫妻雙壽

周振榮邑庠生享年八十一歲

周憲章武生享年八十一歲

周耀祥享年八十一歲

周文光武生享年八十三歲

周祥光廩生享年八十三歲

嚴沛霖號雨亭享年八十一歲

周意昌現年八十二歲

鍾逢光精醫理享年八十一歲劉學使給老人星輝四字

楊廷陞邑庠生清咸豐間靖匪有功享年八十五歲鮑學使給重游泮水四字

楊文福業醫享年七十九歲夫婦齊眉李學使給齊眉衍慶四字

楊慶雲貢生蔭春父享年八十三歲夫婦齊眉曾孫繞膝黃學使給鶴髮雙輝四字

楊得昌享年九十三歲目覩四代

劉顯文享年七十九歲

楊壽山享年八十歲

楊和生享年八十三歲

毛呈鳳邑庠生享年七十八歲

董隲文享年七十九歲

李安文現年七十九歲日親四代

潘之林倡建大多洞石橋及牛塘肚石橋享年七十八歲

毛明翊現年八十歲

林瑞璋勤儉好施享年八十二歲日親四代

林上麟享年八十三歲

程正身享年八十五歲

陳友琪現年八十四歲

程 丙享年八十六歲某學憲給以德星聚慶四字

莫顯亮性純樸現年八十七歲日覩四代

程名品享年八十二歲妻盧氏八十三歲某憲給鴛鴦茆祿四字

韓文清積善有鄉望享年八十九歲日覩四代

韓文寶現年七十八歲日覩四代

楊立慶居下岩塘現年八十一歲

楊安仲現年八十二歲

楊安淮現年八十歲

楊如春現年八十一歲

黃 陞現年八十一歲妻陳氏現年八十四歲

黃憲福龍門人邑庠黃紹祥之祖父享年八十一歲

盧遇昌柿木園邑庠肇元之父享年八十一歲妻楊氏亦享年八十一歲吳學使給

百年偕老匾額

盧遇泰享年九十歲吳學使給以南山松柏四字額

盧啓傳遇泰子邑庠憲道之父也享年八十歲妻蔣氏亦享年八十歲秦學使給以

榮慶齊眉四字

董佩森號雙峰享年七十八歲

周之達澁壘紹昌之祖父也享年八十歲

楊林梓松木脚清庠生家宋之父平生忠厚樸實享年八十一歲

楊林煜享年八十六歲

楊思任享年八十六歲

楊林保村治學院畢業生遠蔭之祖父爲人純篤勤儉享年八十五歲

楊林根享年九十二歲

楊思珮享年九十三歲

楊景川享年九十二歲

楊景致享年九十一歲

黃鼎坤享年九十三歲

盧秀洋享年八十三歲

盧懷寶享年八十六歲龍振武贈齒德俱尊額

盧子朝享年八十七歲

盧秀睿享年八十二歲

盧明品現年八十四歲

盧孔安現年八十四歲

盧祥龍享年八十二歲

徐應祿享年八十歲

李玉秀享年八十歲

毛上科享年八十歲

毛勝枝享年八十歲

陶純坤世居邑之山仔脚歲貢陶家幹曾祖享年八十四昭平縣令黃給望重鄉邦

四字

陶家榮居西山脚村享年八十二歲昭平趙令贈觀光上國四字匾額

陶儒蘭居西山脚村邑庠陶安仁之父慷慨好施享年八十三歲

陶儒柏居西山脚村享年八十歲

陶士林居西山脚村清庠生陶邦顯之祖享年八十二歲

陶邦顯邑庠生居西山脚村邑庠陶鎔德之父享年七十九歲

陶國益世居西山脚享年八十二歲

陶家幹清道光恩貢生居山仔脚村享年八十歲

陶儒祺享年八十四歲

陶儒信享年八十一歲

陶儒科享年八十二歲

陶儒美享年八十一歲

陶儒瑾享年八十一歲

陶國佑享年八十二歲

陶儒文享年八十三歲

廖念作號善甫居珍洞村現年八十三歲猶健

廖寬遠居寶塘村現年八十二歲

廖壽升居廖屋村現年八十二歲

龔深聚居大橋墟現年八十四歲

梁時健居梁屋村現年八十五歲

梁德球居梁屋村現年八十四歲

梁有章居梁屋村現年七十六歲

陶奇祥高村人享年八十九歲

韋純君居太平村紹彰父年八十五歲

楊桂柳大田寨正裕父年八十八歲

莫裕進中村人軒昌父年八十三歲

陳日亮太平村人現年八十六歲

盧威榮鯉魚寨人現年七十八歲

鍾鳴熙江塘村人現年九十三歲

鍾神喜江塘村人現年七十七歲

張金柏鯉魚村人現年七十七歲

李勝富鳳凰村人年八十三歲

鍾卯新荷塘村人年八十二歲

鍾四考水寨人現年七十七歲

鍾聲隆灣島山人現年八十八歲

王鳳連平安村人現年七十七歲

黃色正黃屋寨人年八十一歲

劉榮俊居望高街冠欽父現年八十四歲

岑啓彩新慶洲人沒年八十歲

岑啓位新慶洲人沒年九十六歲

岑啓通新慶洲人沒年八十歲

岑秀蓬新慶洲人沒年八十歲

岑鳳儀清國學生沒年八十一歲

岑仕林新慶洲人沒年八十七歲

岑啓俊新慶洲人沒年八十歲

黎世昌羅溪村人沒年八十一歲

黎應松羅溪村人現年八十歲

黃禹泰下洲村人沒年八十七歲

黃文芳下洲村人現年八十七歲

黃秀源現年八十歲

黃吉寬現年八十歲

趙文宋現年八十八歲

盧丹美現年九十六歲

歐財章現年八十二歲

趙文書現年八十八歲

程家閩現年七十九歲

莫瑞仲現年八十五歲

鄧代正現年八十歲

羅芳益現年八十歲

陳仲伯現年八十歲

蒙恩沛清增生現年八十歲

蒙啓春現年八十六歲

周仕信庠生尙賢父現年八十一歲

譚廣進現年八十五歲

周勝旺沒年八十五歲

盧佩森享年八十歲

莫瑞禮享年八十六歲

鍾富英享年八十五歲

莫限量享年八十一歲

盧呈祥享年八十四歲

盧佩瑄享年八十五歲

盧佩嵩享年八十歲

鍾德邵享年八十三歲

鍾慶珍享年八十五歲

劉發貴享年八十一歲

劉先剛享年八十四歲

莫限忠享年八十三歲

張世悅享年八十歲

謝鳳鳴享年八十四歲

鍾先用享年八十五歲

鍾家盛享年八十歲

梁意明享年八十五歲

鍾學琴享年八十二歲

鍾學廉享年九十三歲

鍾靈嵩享年八十一歲

楊祥富享年八十六歲

楊明廣享年九十三歲

楊恒俊享年八十一歲

楊祥昌享年九十三歲

楊秉禮享年八十一歲

張昌貴享年八十歲

謝神德享年八十歲

鍾家任享年八十七歲

盧獻瑞享年八十歲

盧繼林享年八十一歲
楊福燦享年八十八歲
楊清泰享年八十四歲
楊奉禮享年八十一歲
楊祥勝享年八十五歲
楊福菁享年八十五歲
楊彥泰享年八十一歲
楊彥昌享年八十歲
鄒毓德享年八十五歲
蘇相同享年八十六歲
張合璽享年八十二歲
謝鳳魁享年八十六歲

鍾先智享年八十一歲

鍾家昌享年八十五歲

盧知慶享年八十六歲

張陳英享年八十歲

張秉廣享年九十六歲

莫念祺享年八十二歲

莫善謀享年八十一歲

莫裕風享年八十一歲

盧品剛享年八十五歲

陶元錦享年八十三歲

陶炳奎享年八十三歲

莫添鍾享年八十三歲

謝瑞龍享年八十歲

謝鳳科享年八十一歲

鍾先貴享年八十歲

鍾家彭享年八十歲

盧繼明享年八十二歲

羅國潞溪波村人享年七十七歲

丘人協英家人誠樸好善尤敬惜字紙現年八十三歲

韋勝隆鄧村人強健耐勞現年九十三歲猶能力役農事

徐文佳英家人嗜閱小說雜著勸人向善享年八十八歲

梁萬述楓木村人現年八十七歲

丘順日圳背村人現年八十八歲

何鐸波明田村人性慈善戒殺放生修理附近橋路現年七十八歲

曾德隆龍伏人享年八十五歲

廖當元玉坡人享年八十四歲

廖知維玉坡人享年八十六歲

廖樹美大宅村人享年九十八歲

石代崙迴龍村人庠生瓚榮父享年八十七歲

韋秀春三和團人享年九十歲

覃治桂三和團人享年九十歲

劉德榮六寨人享年九十六歲

陸恒懷陸家寨人享年九十二歲

潘肇宗叢桂村人享年九十六歲昭平學正請給杖朝耆英四字

潘澤顯黃坭窩村人好施與享年八十三昭平學正請給藝苑蜚聲四字

虞相周虞村人咸豐匪亂迭次率丁壯力禦保衛地方享年八十六歲次子子鈺年

八十四歲季子開中年八十歲父子皆臻上壽

潘林瑾梳桿脚人享年九十一歲

潘之崙茅栗坪人享年九十三歲

潘斯源居寨仔頭村享年八十三歲

洗聖敏竹兜寨人忠厚好施與邑庠玉輝之祖也夫婦八十齊眉某憲給以慶洽齊

眉四字歿年八十七歲

洗上安竹兜寨人享年八十一歲

虞明蘭和睦村人樂善好施享年八十四歲子盛豐年八十二歲

虞立惠虞村人享年九十一歲

虞紹華清增生金盤寨人篤信好學里中俊秀多出其門享年八十歲

虞升揚虞村人善居奇晚歲孫曾林立猶溷跡囂市享年八十三歲

潘昭泰獅子頭人誠樸不欺享年八十五歲

潘連秀獅子頭人良善好潔享年八十四歲

潘若朝寨仔頭人享年九十六歲子秀現壽臻八十六歲

潘球亮黃坭窩村人家貧傭工養母年六十始娶生一子嗣見二孫始歿歲年八十

五歲

潘立應黃坭窩村人享年八十六歲

潘祥坤黃坭窩村人享年八十五歲

黎許潭黃坭璋村人忠厚務農享年八十二歲

虞廷弼虞村人精醫術享年八十二歲子徵庸並臻上壽

虞廷輔虞村人賦性忠直遇事勇爲享年八十四歲子邦瑜年八十歲

虞顯庸字拜颺虞村人咸豐時糧匪入境率丁壯禦於木冲地方又陳金剛匪幫圍

其村亦率族衆力守得以保全享年八十歲

黎亮之黃泥璋人忠厚誠樸享年八十六歲有七子二十二孫福壽兼全爲世罕觀

潘獻瑤獅子頭人性仁厚享年八十二歲

潘唐新大地村人業農善國術有膽畧咸豐時匪入境村人悉避匿山居唐新獨偕

一二丁壯隨時迴巡村舍賴以保全享年八十六歲

潘宗昌叢桂村人業農性忠厚現年八十二歲猶善飲健飯精神矍鑠

潘之芳獅子頭人善技擊現年七十九歲尙能徒手敵十餘人

虞保庸虞村人忠厚好施昭平縣馬令贈以積善延齡四字享年八十四歲

潘啓聲新寨人忠厚務農享年八十七歲

潘富河念正山人享年八十一歲

潘政績梁家壩人享年八十三歲

鍾仕明源頭村人享年八十四歲

鍾永恩源頭村人現年八十四歲

鍾成連栗木枹村人性耿直好排里黨紛人以其辦事公平多德報之尤諳小兒科

遇有貧無力者不取酬資享年八十四歲

陶世林原籍廣東德慶縣自幼從其祖到鳳翔開茂昌店遂家焉爲人忠恕和霽人因是喜與交易享年八十三歲

楊慨英同古壩村人壯時以教讀爲業後隱居不問世事爲人忠厚純樸好行德便現年八十四尙矍鑠

鍾粵首源頭村人享年九十二歲子含章邑庠享年八十二歲

鍾含光源頭村人享年八十四歲孫鍾杰邑庠享年八十四歲鍾濂廣文享年八十一

鍾漢源頭村人享年七十八歲

鍾景期邑庠源頭村人享年八十五歲

覃仕瑞榜冠村人卒年九十一歲

覃良才三江團人卒年八十歲

覃仕玉三江團人卒年九十歲

周道榮三江團人年九十三歲卒趙學院題瑞啓百齡額其門

周秀祿三江團人卒年八十四歲

蒙永智三江團人卒年八十一歲

韋福祥三江團人卒年八十一歲

陳合昌榜冠村人卒年八十二歲

陳世圖榜冠村人常理團務持正不苟現年八十餘猶康健如常

陳世忠榜冠村人現年八十一歲

韋玉敏三江團人現年八十一歲

蔡仕喜三江團人現年八十二歲

畢顯瑞三江團人年八十四歲

何定環石梯村人年八十九歲

何國海石梯村人年八十四歲

何定福石梯村人年八十三歲

何國湖石梯村人年八十三歲

何國學石梯村人年八十三歲

附女壽

李氏穿岩丘玉麟母年九十餘尙能負曾孫健步壽臻百零三歲

龍氏玉坡孝廉廖肅之祖母歿年九十歲

戴氏英家葉梅林妻歿年八十二歲

廖氏縣城董信昌母現年八十一尙能襄理家務

張氏龍伏邑庠曾春波之祖母勤儉好施年八十八歲無疾而終

陸氏尖山廠陳濱元妻歿年八十三歲

李氏圳背村丘相田祖母歿年九十七歲

鄧氏英家王忠秀妻拔貢生王瀚之曾祖母賦性仁慈體恤勞苦歿年八十歲

歐氏英家陳佐周母相夫勤儉年屆八旬

丘氏赤馬何其璋母勤儉性慈年八十一歲

鄧氏英家丘家旺母年九十六歲

陳氏龍伏曾德隆妻歿年八十六歲

丘氏田墩何壽銀母現年八十二歲

貝氏圳背丘相田母現年八十三歲

梁氏大山脚陳鴻盛母生八子年九十五歲

梁氏玉坡廩生廖永超母年九十二歲

歐氏玉坡庠生廖克忠母年九十六歲

馮氏廻龍庠生石瓚榮母年八十五歲

董氏山仔脚貢生陶家幹祖母年九十八歲昭平王縣令贈梅熊趙萬四字匾額

董氏西山脚陶國泰母年八十五歲

董氏西山脚陶 栢母年八十三歲

鍾氏黃屋寨附貢黃鶴鳴母年九十二歲

董氏大田寨邑庠楊迺文母年八十八歲

何氏大田寨楊仁芙母年九十歲

潘氏西山脚邑庠陶邦顯祖母年八十三歲

楊氏西山脚邑庠陶邦顯母年八十一歲

李氏土龍村潘之菊母年八十二歲

吳氏土龍村潘之蔭母年八十五歲

董氏土龍村潘之芬母年八十三歲

廖氏梁屋村梁有典母年八十五歲

陶氏珍洞村廖念作妻現年八十二歲

左氏龍門村庠生黃紹祥祖母年九十六歲

甘氏板壩村邑庠董正元之母年八十四歲

盧氏松木脚楊秀茂之妻現年八十二歲兒齒重生髮白變黃

甘氏老柱洲徐世榮之祖母歿年八十七歲

陳氏洞心村邑庠盧得標之母勤儉好潔歿年八十六歲

陳氏謝鳳魁妻年九十六歲

羅氏莫色恩妻年八十歲

廖氏邑庠梁紹鴻母年八十三歲

盧氏黃秀安妻年八十一歲

盧氏蘇信標母年八十二歲

鍾氏盧景澄母年八十一歲

羅氏黃益任妻年八十一歲

鍾氏盧中瑞母年八十歲

韋氏劉定福母年八十九歲

韋氏劉先剛妻年八十四歲

虞氏莫燦然母年八十二歲

鍾氏莫英才妻年八十三歲

盧氏莫日燦母年八十二歲

楊氏莫宗枝妻年九十二歲

鍾氏莫肇東母年八十四歲

朱氏謝厚龍母年八十五歲
梁氏盧成瑞妻年八十二歲
楊氏莫斯漢母年八十歲
俸氏黎汝霖祖母年八十歲
麥氏左維高母年八十五歲
廖氏劉冠欽母年七十九歲
劉氏謝瑞龍妻年八十一歲
鍾氏張秉修妻年八十五歲
莫氏盧宗彥母年八十二歲
韋氏莫安庸母年八十二歲
張宋氏年八十一歲
黃李氏現八十七歲

盧梁氏現年八十四歲

黃鄧氏現年八十歲

程湯氏現年八十歲

潘氏畢志修妻年八十五歲

廖氏蒙家泰妻年八十七歲

石氏陳登元妻年八十一歲

黃氏林經運母年八十二歲

鍾氏陳纘徽母年八十歲

覃氏劉朝貴妻年八十三歲

謝氏石大隆妻年八十二歲

楊氏陳祺芳妻年八十三歲

盧氏何定璣妻年八十六歲

黎氏何定福妻年八十四歲

鍾山縣志

卷之十四

列傳

昔湘東王於忠孝完全者用金管書之德行精粹者用銀管書之文章瞻逸者用斑管書之此可推美於鄉閭門標棹楔并可稱賢於邦國坊表旌綸若永叔官高稱吳松以前輩山公望重羨子尼爲正人此善善從長者也至於趙普不純張湛詐善雖瑕瑜互見亦里黨交稱附筆墨以表揚俾姓名以久遠衆好之必察未知焉得仁史暫闕文留待後儒論斷賢必責備須學至聖嚴明志列傳

潘耀源先生事畧

潘耀源世居石龍叢桂村賦性慷慨好周急有稱貸者不令署券但簿記之計負欠不下四百金及有疾自知不起盡焚其簿生平雖以勤儉起家里中一切善舉皆倡捐不遺餘力嘗捐貲修其村後迤西馬鞍山石路里許又嘗運貨到粵變賣多置官

板書籍藏於家以餉里中學子不時參閱時方服賈僅一子需理家務百城虛擁咸笑其迂厥後其孫曾之芹之藻之蓮斯沛斯濬斯涵皆以讀書名震殊俗人始歎其器識過人云

陶耀玉先生事畧

陶耀玉字楨臣家世富饒而自奉儉約常以奢侈戒其子孫然遇有義所當爲者輒揮霍無吝色嘗在由廼龍過羊頭之龍岐嶺頂建築涼亭一座名曰甘飲亭並置田數畝贍守亭者令烹茗以供行旅又擬建一亭於沙子冲路次土木材料業已購備因疾作中止易簣時猶諄諄遺囑踵成之古所謂富而好行其德者非耶子陶成陶明孫士瑾士琅俱清邑庠

董成修先生事畧

董成修字竹軒清廩生天姿卓越文氣蓬勃每試必列前茅孫學使登其文於試牘批語嘉許鄉試屢薦不售人咸惜之性復剛直有殺人欲以陷其族者白諸邑宰已

定讞矣適某令至盡翻前案與之抗言銜之拘其族人三名鍛鍊成獄因抑鬱以心疾終

潘毓瑾先生事畧

潘毓瑾字藍田幼聰穎童年遊泮意氣特達以其父靈川從戎累績得注名保舉教職委署雒容訓導適楊學使視學到柳奇其才器之以卓異薦部時年僅二十八也及部文到而身歿未克展其長才人咸惜之

董邦彥先生事畧

董邦彥字虎臣邑庠少孤事母曲盡孝養爲人天性純厚器度豁達見義勇爲不畏強禦民國初土匪如毛騷擾鄉里彥乃主張自衛力倡辦團籌款養練前後擒獲匪類二百餘廻龍一帶賴以安靖居恒以濟傾扶危戡亂救災爲職志林知事廷楨許爲地方保障鍾司令鎮藩譽爲南區長城民十沈鴻英駐賀亦深嘉其辦團得力委代攝鍾山縣篆惜到任七日客軍入境去職未克抒其政策李廣數奇於斯可見

潘昭瑾先生事畧

潘昭瑾字崑山其父耀源富而好行其德艱於嗣四娶生崑山急好義卓有父風事繼母生母尤曲盡孝道平日待人以誠復樂施予遇有貸者艱於償輒焚其券素好勸善文刊有手訂救溺戒淫合編及達生編諸書并附刻神效各方在內送人病將革猶遺囑其子孫增刊廣送其熱誠慈善公益有如此者

潘之萃先生事畧

潘之萃字藝圃少貧販油爲業有粵商陳某在石龍開福盛油店重其誠篤邀與合夥未幾匪亂陳携資去時石龍設有保衛局局中人接有匪耗皆皇遽失措適藝圃到局聞其事爲言防禦之策語觸某紳大受詰責先是陳去時遺有制錢五百千交藝圃保存他人不及知也至是爲某紳言所激遂悉數捐出養練某及在局人見之無不警愧亦相率破囊不數日欸集練成而匪至當匪之至也羣以藝圃爲首捐人請督陣願受指揮而藝圃亦迫於義不獲辭慨然欣往旋與匪相搏於草魚壩地方

血戰竟日卒驅匪出境爲人善交際重然諾營商不二十年資產甲於一里常倡修江背洞大路捐資三百金成之雖以禹筮起家而交游多儒雅士毫無賈豎氣

虞徵庸先生事畧

虞徵庸字賡颺果敢廉直不畏強禦以辦團有成績由附貢保舉訓導咸豐丙辰會匪橫行擇弱而噬是年七月會黨千餘衆圍攻源頭鍾杰鍾英家垂危時賡颺與杰英爲患難交聞之率族衆往援匪燄稍却勢不得逞旋奉縣令合團將匪黨殲滅杰兄弟及地方良善由是始得以安枕越二年己未三月陳金剛股匪入境焚石龍附近鄉村盡歸一炬獨虞村以主持自守獲免匪銜之是年九月舉衆復至圍攻兩月餘幸事前仍決計堅守卒得保全光緒庚子秋羅定人有羅冠周者竄到石龍勾結宵小拜會地方騷然賡颺知之又聯合團體以除匪安良爲己任匪徒始斂迹潛去綜其前後繫地方及其村族安危者垂五十年其平日爲人排難解紛及栽培後進尤美不勝記

虞謨先生事畧

虞謨農家子也廉介有古風乃兄虞請家頗饒夫婦病故遺子績熙紹熙年僅數齡家產無人綜理謨代爲經紀教養婚娶皆隻身肩任嗣績熙讀書成名紹熙亦能自立乃邀集親屬將歷年經管數目清算交回而績熙兄弟以事出倉猝相顧皇遽牽衣泣留則矍然曰爾兄弟今已長大能自立若再延是爲竊據矣何以示人不聽績熙兄弟念其多年勞瘁增置田產較前加倍欲餽之以田亦不受

虞建業先生事畧

虞建業字愷元急公益好慈善石龍墟外有濠深逾丈寬數丈每屆春夏濁水河溢上行者到此皆相歎汪洋卻步其族紳步陶擬建橋苦無資謀及愷元遂慨然捐銀一百五十元爲之倡其族中殷富聞之亦相繼捐助不數月橋成至今往來稱便焉民國十四年地方歉收米騰貴又儲米數千給其族中貧而無告者其所親婚喪無力者亦不時贈贖至周濟貧乏尤不吝

盧秀菲先生事畧

盧秀菲字采山剛直篤友於崇文好學咸豐初遭匪亂室家離散產業蕩然亂平歸里拮据謀生聚勸弟秀蘭力田維持家計已則向讀進展未幾游庠食餼旋以廩貢報捐歷署南甯府及西隆州教職在官十餘年廉潔奉公絕無阿好常未仕時有某令縱容胥吏浮收錢糧民間苦之菲廉得其情聯同邑紳黃秉亨赴桂直陳省憲其弊由是滌除地方賴之子三長得標次奪標俱邑庠季錦標廣西甲種農業學校畢業得標強幹而明有應世才處事無偏黨不瞻徇亦善承父志鄉隣恒稱道不置

鍾濂先生事畧

鍾濂字雨峯高潔穎悟能應變咸豐己未陳金剛率匪衆圍虞村逾兩月不得逞欲去又恐被躡故爲來函索款繳械議和維時各村民避居虞村者受困日久牛絕草米珠薪桂咸思歸見函以爲和平立見欣慰異常而不知乃金人給宋之術危機較被困尤甚也先是濂及從兄杰與虞徵庸爲患難交匪至同避居村內杰隨徵庸任

籌款養練指揮防守濂則任文牘至是主稿箋答謂其焚村洗劫似非仁者所爲至耗去之款須賠則被困者所遭損失又問誰取償再則槍械爲衛身之器詎得輕易予人置生死於不顧似此種種何異復驅凋敝殘餘再以干戈相見和平之謂何幸垂察焉陳金剛得書謂此中有人遂復函請派代表面議不再進攻嗣由徵庸推鍾杰爲全權代表前去交涉卒得陳認許不須錢米不住村坊復市罷兵并將被擄人釋回昔人謂一紙書賢於十萬師濂書差近之

盧秀蘭先生事畧

盧秀蘭蕉冲洞心人爲人精明識大體孝友耿介出自性成少時遭亂流離轉徙無寧日咸豐丙辰秋客匪千餘衆突如其來繞村三匝恣意殘殺時內失守備外無救援廬舍被焚母及伯兄芳死於難蘭挺身赴鬥亦重傷垂危亂後四壁蕭然家貧如洗躬耕事父善意承歡旋勸兄秀菲向讀進取始復舊業居恒廉潔自持非有不取時隣族有華昌者年老無子薄田數畝恐身後無主夙重其爲人欲餽之田託以後

事力卻之且爲之計令囑其親族將所居屋歿後改家祠遺田即作祀產皆從之今華昌禋祀不斬卒賴其一言爲之助晚年課墾牛岩荒地栽松杉桐茶蒼翠青葱蔚然成林鄉人傲而行之者日益衆子清標煜標俱邑庠鈔標優廩生

鍾漢先生事畧

鍾漢字維天庠生含光之孫性孝友事生母庶母曲盡孝敬待諸弟尤友愛逾恒分爨後在石龍營商無市儉氣石龍市上舊無鬧各舖戶夜常被盜至是議建四鬧自衛素知漢廉幹群推爲董理時商民交易通用制錢迨建築工竣統計收支數短錢二千七百餘不符僉以爲非輸捐者所爲即支出錯誤勸無償不可謂無以示人卒如數填足其平生潔己奉公大率類是今鄉評猶交口稱之

董成林先生事畧

董成林字茂圃歲貢生性剛直嫉惡如仇設館十餘年門下士甚衆館罷辦理迴龍團務會光緒庚子秋羅定州人羅冠周竄入勾結宵小拜會地方騷然林默察原因

由於距離縣治過遠官兵捕治不易故小醜得以跳梁因稟請當道在迴龍團內別組織一從正團專辦捕匪事宜並呈准予以懲匪特權便宜從事旋派練捕獲首要尸諸大窋嶺匪蹟始由是稍斂越四年甲辰秋夜復有漏匪董春滿借報復爲名率黨百餘圍其家幸早有戒備而其族紳含香邦彥等亦率衆救援匪始踉蹌焚茅屋數間去嗣春滿及其黨次第破獲地方自是安靖民初匪風復熾南區幾無一片乾淨土尤以石龍鳳翔兩團爲甚含香邦彥等復結合同志屹然保全迴龍團一隅隣團善類亦託庇不少說者以爲林之餘蔭擬之蕭規曹守似非過言

鍾奇璋先生事畧

鍾奇璋字達卿邑武生剛直好施予民初土匪蠶起地方騷然慨然請兵防衛良民得以安枕民三米歉價騰貴倡捐平糶使饑易得食貧者尤德之歷任鳳翔團局長及南區自治局局董輿論翕然

鍾清漣先生事畧

鍾清漣字碧山剛毅果決歷辦鳳翔團務所有措施人皆欣服凡因轆轤投局得其一言勸解無不兩相退讓在局十餘年團族推爲長者無異言

董佩霖先生事畧

董佩霖字春田附貢生慷慨正直善排解咸豐四年匪亂挺身督練保衛地方時朱洪英破富城殺戮甚慘率練赴援有功大令嘉其能賞戴五品藍翎

董紹綱先生事畧

董紹綱字緯卿邑庠生家少有樂善好施歷年管理壘田渡渡田歉收租不足無以贍舟子常捐穀接濟之數十年如一日生平以禮自持與人無忤色無驕氣精究岐黃術每臨症必審慎周詳全活者衆一介不取諸人鄉里咸敬之

黃秉亨先生事畧

黃秉亨黃屋寨人清歲貢生兄弟二人分爨時析產惟兄是聽毫不較量尤愛護桑梓時胥吏征收田賦多欺民浮收自是每值太平市設局開征秉亨輒自備旅費往

太平察有浮收者即與之較算而未嘗一介取諸人鄉里稱道至今不衰

楊富先生事畧

楊富大田寨人慷慨務公益嘗置田十餘畝獨出資築一淹水新壩工金毫不取於人農田資其灌溉者不下數百畝里人今猶嘖嘖稱之

廖永亮先生事畧

廖永亮清廩生嗜學尤工吟咏有訓子聯云士之子爲士農之子爲農今何賢不肖之相去也中也養不中才也養不才誰非愛與勞之各盡哉詞意曠達其平生胸襟洒落概可想見

陳鴻猷先生事畧

陳鴻猷清廩生英家人品行端方尤敦倫紀其妻貌不揚爲家人不喜鴻猷多方調護卒回家人意秋闈屢薦不中人咸惜之子宗舜廩生次耀舜祖舜俱邑庠

丘麟書先生事畧

丘麟書英家人孝友能詩其父平昔嗜酒耄年毒發成疾旦夕侍湯藥數年如一日兄浚錦好揮霍糜去未分割之資財數千元無怨言作有英家八景詩八首書於英家渡字紙塔上今字蹟猶存

駱爲琮先生事畧

駱爲琮少孤貧壯年營商起家遇歲歉恒出穀平糶周濟貧乏尤樂爲公益常捐鉅資築英家觀音閣石路建燕塘四季橋又重修十二車大橋並捐置舖田作廟產今撥歸辦學經費其急公好義有如此者子四長本元次本彬俱邑庠四本深廣東強亞師範畢業

藍色彰先生事畧

藍色彰長塘村人清邑庠勤學好善年十五值洪揚之變携家人避難他鄉亂平歸家勤耕苦讀遊於庠屢應鄉試不售及年五十餘猶殷勤課讀常以孝弟之義勸人多有爲之感悟泣下者著有孝經句解惜未竟而終今遺稿猶存

韋永惠先生事畧

韋永惠楓木村人性正直家貧不慕榮利嘗爲鄉里排難解紛片言可決值洪楊事起盜賊如毛閭里騷然乃奮起率衆擒渠亂平保授六品功職晚年鬚眉皆白猶矍鑠康健壽臻耄耋

韋純昌先生事畧

韋純昌永惠子由楓木徙居橋埔少貧失學有膂力慷慨好義壯年營蘭蕙業常往來江漢間與中原豪俠遊以故精通拳藝尤擅長技擊能以數空罽橫陳案上中燃燈火以數丈長繩繫錘擊之一一從罽口出入火悉滅而罽不稍動里中壯者暇輒與較拳擊欲以窺其奧妙一舉手而較者仆無有能得其術者晚年重視文學曾慨捐百金命其孫乃民倡建清塘小學校舍勸勉學童努力青年多利賴之

王錫綸先生事畧

王錫綸字敬宸英家人拔貢生瀚之父也自幼勵志求學年十五值父故父本業商

因繼而經營之然念念于學不置乃求師夜課自是日商夜讀凡數載後以應童子試屢登草案不售報捐湖南補用巡檢性慈和善交游慷慨尙義儀表端雅遐邇搢紳恒輿馬造廬相訪光緒七年歲大荒於英家施粥數日以餉饑者有負債難償者置不問貧苦無告者每憐而周濟之歿年三十八聞者咸惋惜焉

陳錦元先生事畧

陳錦元英家人性正直樂善好施曾經商多年不染市儉氣有困苦者輒以錢米濟之遇人糾紛雖身不任團務亦必爲之排解鄉里欽其爲人故事無大小得其調處無不寢息嗣以商務虧折歇業家居猶時典衣以濟貧乏卒年八十四歲子芝章芝德皆以商起家人咸謂爲好施之報云

陳鳳廷先生事畧

陳鳳廷英家人性孝友勤儉與弟營商數十年頗獲贏利時鳳僅一子而弟獨多男及分爨析家產爲五鳳取其二而弟得其三人問其故則曰吾所以不均分者以予

弟食指繁吾僅一子也人咸稱其能讓云

羅國潞先生事畧

羅國潞溪波村人曾施獅子嶺之屬其所有者爲僑商義地勒有碑石在英家粵東會館年七十七歲卒

何鐸隆先生事畧

何鐸隆明田村人光緒二十七年賊匪嘯聚荷塘謀亂行旅裹足時鐸隆任團務挺身赴昭將狀面陳邑令何慶甫旋經大吏檄調粵軍安勇省軍防營協勤擒斬匪魁吳金龍鍾大牛等亂平獎給五品軍功

丘家旺先生事畧

丘家旺英家人性純孝清咸豐間由潮州奉母避亂初至桂林投向榮軍門部下擢賞五品軍功未幾退伍奉母至英立業年九十九歲卒

葉占春先生事畧

葉占春字梅林爲人機警有膽畧咸豐間捻匪破高明城挺身督練克復以功保授昭武都尉歷任德慶悅城封川等汛務卸職後挈眷至螺山街遂家焉課子耕讀旁及商業街隣有爭執輒爲排解人皆欽服

廖祖昌先生事畧

廖祖昌玉坡人值咸豐世變父被賊拉去親至賊巢以身替父被戕於榕津時年二十四詹學院表以孝烈可風

廖懷義先生事畧

廖懷義幼僕於廖居士家值赤馬龍陽賊亂主僕奔逃賊窮追勢迫義謂居士曰賊苦追爲汝也非易衣不可遂易衣而逸賊執義認爲居士卒因重傷斃命聞者哀之

黃英漢先生事畧

黃英漢黃嶺村人爲人沉毅慷慨有氣節清咸豐庚申夏被匪魁馬坤率衆陷村屠殺一百八十四命時英漢以智脫險避難在外者十年亂平與族弟天文赴桂鳴冤

維時局粗定當軸者注重安輯撫綏不予深究漢復典鬻產業擬進京叩闕出發甫抵武昌又因道途梗阻折回遂使奇冤莫伸後得恢復舊業每遇忌日輒痛哭流涕滴水不下咽終日如一日

陳世森先生事畧

陳世森榜冠村人清例貢爲人慈善樂施熱心公益凡興學築路建橋諸善舉莫不樂於提創子纘徽廩膳生

梁陞先生事畧

梁陞麥嶺人少貧弟梁堂染烟癖不事生產陞一身任耕作後家巨富兄弟仍未分居陞無子繼一螟蛉堂有四子皆成立及分產時堂欲二股均分陞不可曰姪猶子也以五股分之其愛弟之心可謂篤於恩義矣

何國燧先生事畧

何國燧東區石梯人誠懇好善咸豐時匪亂携資避居羊頭同行數人無資斧日用

皆仰惟供給尋至囊虛用罄傭苦工度日終不取償於人嗣後家居有族人國融者年已四十餘家貧不能娶復毅然傾囊相助尤爲鄉里推重然

岑啓位先生事畧

岑啓位新杏村人遭咸豐世變猥匪舉衆來撲村村人拒守三晝夜勢危迫位隻身出見匪曰寧殺我毋傷我族類若解圍吾家尙有錢百二十貫請以此送若何如匪領之解圍去厥後此錢不向村人索還如位者可謂毀家紓難者矣

岑啓彩先生事畧

岑啓彩新杏村人自幼與兄華榮習舉子業兄游於庠彩積學未售咸豐元年教讀於松木寨兩村距離不遠中有溪水間隔春潦漲時人多病涉時彩家僱有石匠乃盡舉一年所得修金興工建築橋旣成往來稱便後因淘洗錫砂泥塗壅滿至今橋已崩頽石料湮沒竟致前功盡廢殊爲可惜

鍾含光先生事畧

鍾含光南區源頭村人常捐囊修自石龍過羊頭之統嶺大路及源頭村前石街數里又架統嶺脚石橋二處並在距石龍里許低窪處架石橋七度名爲七步橋又架山口大路石橋三處其平生熱心公益概可想見

鍾章琳先生事畧

鍾章琳鍾城人偕其兄子積亮捐資修築城南自平政橋至馬驢橋一路石街數里行旅往來自是稱便

周樹栗先生事畧

周樹栗鍾城人道光時曾在城西十餘里之茶亭廠及城南十餘里之腊木脚兩處各建涼亭一所以便行人憩息並錄有勸善文刻石砌於亭壁往來過客恒流連瀏覽不置則其與人好善之心亦足以風世者

董錦江先生事畧

董榮字錦江羊頭木元村人爲人忠厚好施遇有無力婚喪常解囊相助歲若歉收

尤出資賑濟嘗聯合李生含英創建學舍於羊頭名曰榮英書舍延地方名宿教授青年今區立高小校舍即其舊址也子三長佩霖附貢次佩松邑庠三佩楠廩貢

鍾良孔先生事畧

鍾良孔南區鳳翔團人咸豐末年歲大荒地方多饑民蹙然與東林村友人合借銀一千元辦米賑濟全活者衆事後友人違約良孔變產清償卒無怨言

陶元輔先生事畧

陶元輔山仔脚人邑庠生民國元年匪首董焜蘭率衆劫村村人竭力抵禦被匪傷斃多命元輔母亦遇害哀憤擊賊遂以身殉

盧作舟先生事畧

盧作舟字濟川鯉魚寨人少有文名以府試冠軍列庠食餼尋膺歲薦民國二年被選爲鎮區自治會副議長利興弊除頗爲地方所倚重後因事到鳳尾遇匪被難

董其芬先生事畧

董其芬字清如幼聰穎弱冠游庠以歲試優等補增因赴鄉試不售自知數奇設帳授徒鄉中優秀之士多出門下性梗直地方甚倚重之昭平何令按臨石龍因屬員矇蔽將其芬扣留地方大動公憤爲之罷市何令覺悟乃將屬員鞭責省釋其芬其事始寢

鍾山縣志

卷之十五

文藝 文 詩 雜著

昔李英謂文多散行而尤喜駢體散行則昌明博大羣推韓柳歐蘇駢體則典雅端莊共羨王楊盧駱然賣蛙販鼠終未成家惟繡虎雕龍乃堪名士最愛丁鴻博物更欣亥豕刪譌廿八宿早已羅胸筆花璀璨五千卷爭誇柱腹墨瀋飛騰考鍾山之命名定必鍾靈毓秀狀元峯峙科第綿聯才著文壇聲蜚藝苑竊景懷乎先哲並屈指于時賢或仙吏留題或騷人分韻或英年未遇感懷而悲壯吟哦或者老眼猶明載筆而婆娑揮灑或勝地尙留碑記或雕欄賸有楹聯可知詞出吉人更是長生之錄文能壽世永垂不朽之名志文藝

文

建鍾山石城記

徐 淮明知府

平樂古昭州今爲廣右要郡屬邑富川有鎮曰鍾山距郡城東南幾百里當富賀湖湘諸郡邑之衝居民頗繁然山獠峒獍地殊密邇歲時毒矢長戟剽掠之害相尋近歲徙邊蓬巡司於其地輪士率以相兼守顧衆寡勢懸寇至亦無以抗以故民多擇巔崖險穴以苟棲止弗克奠厥居正德丁卯前兵憲丁公始議築土爲垣以衛民關二門以通出入吾民賴焉但土性易頽歲久傾圮正德乙亥今兵憲鉛山張公合溪膺簡命來蒞於昭公素負經濟而尤殫盡心力所以體國經野攘寇輯民之務皆次第舉行丁丑春大征荔浦諸叛夷獻馘後完心於斯民久遠之畧鎮民適有以建城事告公者公即慨然一身任之肩輿簡從朝至於鎮達觀于舊日營計徒庸會工費積餼糧疏畫一之規以達于巡撫獲允請始遴選屬之文武吏得正千戶王勳周鎬吏目王寬而命之曰惟是役事無鉅細汝其綜理之罔忽進鎮民鍾秉釜盧明珊周世昌鍾秉圮而諭之曰惟汝爲民之良於是役必倡率奔走分理於下罔弗勤焉於是衆惟命是從智獻謀巧獻力梓人坊人石工磚工畢伎罔懈子來之民雲集罔後

公復親爲指授者月餘廣袤綿亘凡二百九十丈高一丈二尺濶如之外用磚內鎮以巨石設三門門各有樓以爲捍禦鑿四圍濠溝以備敵衝修公廨立軍堡俱整飭可觀共銀五百餘兩皆出公經畫不費於官不勞於民始事於戊寅冬十月落成於己卯四月堅完壯麗見者改觀鎮之民皆歡呼鼓舞舉手如額曰我民得有今日皆公之賜也其何可忘庠生周眞生其地目覩其盛乃需予文勒之貞珉用昭永久予惟設險守國聖王之所不廢故重門擊柝以禦暴客見諸易而城郟城鄆城平陽諸役屢書於春秋皆所以爲民攘寇圖危於安意也宋之時种世衡城青澗范文正城大順民卒賴之今天下自大郡諸藩以及郡邑衛所皆有城郭金湯之固在在巍峩惟鄉鎮或寡然逼於強橫坐視塗炭亦仁人所不忍也以公之役求之古人雖功力有大小時勢有懸殊而一念衛民之心固無不同焉者至其規畫周詳區處有道民不勞而事就緒財不費而功落成且親爲經畧不憚勞瘁則又加於古人一等矣夫觀河洛而思禹功詠甘棠而思召伯鎮之民食公之賜其可忘耶豈惟於民雖身而

子子而孫當永永無斁也抑予聞公曩爲柱史立朝宁巡貴陽皆卓著聲稱其在廣右豐功偉績尤不可殫述今進爲吾臬總憲將來陟卿丞宰輔以弼天子維新之化勲業殆未艾此特其鼎中一鬻耳余不佞因其請故直言以歸之俾來者有所考云

鍾山鎮崇德報功碑

何廷相 萬曆丁未進士

夫計百世之安者不惜一日之勞杜非常之變者必設有常之備故曰民不可以慮始可以樂成又曰亡羊補牢未爲晚也倘因循於無事之日復偷安於有事之時禍亂相尋門庭皆寇雖民之好惰自貽伊戚毋亦守土者率作之疏乎安得如吾鍾鎮之城直指陳公主持於上門公會公贊襄於下而不日成之者哉按誌鍾山鎮古富水也我高皇帝撫有方夏舉割據郡邑悉改正之十有三年徙縣治富川城迨敬皇帝二年預章丁公隆巡視府江念鍾鎮生聚頗繁稅糧實過縣之半而寇賊出沒不可無城因壘土爲塹郭郭備具十有四年預章張公祐備兵於前城易以磚石廣輪二百九十丈高一丈二尺爲門四門各有樓外鑿濠塹內有公館軍堡屹然爲重鎮

焉承平日久漸以凌夷春流寇猖獗來如風雨時士民踉蹌莫支遭其蹂躪臺司詰爾守牧時幸直指陳公按部昭江親爲安撫弔死扶傷周詳地利與糧捕門公會公計之曰豺狼之慾無厭飽而去飢又復來格鬪旣難隄防易弛盍若倣舊城之遺址而增修之於是門公會公召諸生與父老子弟而問之曰遺貨財乎曰不可勝數也亡牲畜乎曰殆無噍類矣亡男婦老幼損廬舍乎皆痛哭流涕曰孤人子寡人妻露處宵啼尤不忍言也然則奉上臺之德意損尺寸之利圖千古之策世世無恙爾願之乎皆曰是水火而生全之也敢不惟命是聽隨議城費度三百三十有奇直指陳公首批富賀橋稅一百四十先爲興辦餘以紳衿里排佐之又不足府州縣之助鏹佐之三閱月而工告竣是役也本道謝公喜雉堞雄壯可以銷窺伺之奸捐助廉俸門公會公縣主黃公前後共襄數十金屹屹崇墉士歌於庠農歌於野商賈歌於市孰非陳公不朽之德意而門公敏以趨之曾公喜以成之者哉何之諸生父老子弟復相謀曰鍾之民幾不保朝夕矣幸賴上臺之仁諸大夫之義今而後進可以治退

可以固圉矣敢不泐之貞珉以昭列公於永世乃曾公復進不肖輩而論之曰爾以此可長恃無恐乎後之視今猶今之視昔此孰非丁公張公之共拮据而至於今欲勞而有備務修戈矛敦禮樂孝悌忠信之風常有禦侮敵愾之氣匪特寇賊聞風遁跡鍾鎮且爲樂土矣不然機利相駭奸智日生綢繆未備陰雨難防無事之儉安又丁公之所深慮也不肖始與衆人同其憂今與衆人同其樂聞曾公之言不禁惕然爲戒苟不感恩而思報誠木石之不若也凡屬帡幪欣欣崇祀生祠因以勒列公之功而表先烈於不朽雖不能文謹與諸生暨父老子弟詳其始末詔吾黨之生聚而居於是者直指陳公曷虞湖廣應城人戊辰進士府江道謝公崇福建人戊辰進士江防撫夷同知施公堯明雲南籍浙江歸安人選拔貢門公應召遼東籍蓬萊人署司理曾公美江西臨川人戊午舉人縣令黃公世耀廣東海豐人甲子科舉人工費捐助并諸任事者另載碑於石

重修鍾山城記

駱 驍 明知縣

富提封稱縣治自漢元鼎六年然矣距邑而西鎮曰鍾山龍平西界馮乘東阻爲三湘五羊之衝城郭巍煥人物駢臻固與邑治相唇齒而稱重鎮者哉兵火以後城垣傾圮長矛毒矢出沒其間居民無以爲衛穴處崖棲旣無重門禦暴克奠厥居之思又非慎固封守設險守國之策余壬寅冬荷命來涖斯土往履其地舊址依稀居人寥寥於是召營官命之曰方今聖代鼎新百廢具舉豈斯鎮而可置之荒烟斷草之間哉况民失保障賊得衝突顧瞻吾人其何恃而不恐乎余其捐俸修之鳩工計材唯汝是任乃令甫下而士民咸樂有此舉也慕義急功三閱月而厥功告成上之不負各上臺輯理撫綏之意下之得愜吾民爰居爰處之情揆諸穀梁所云城者完舊不時害義易云不勞民不傷財此情何如也城之始於明武廟預章丁公再完於兵憲張公謝公重修於直指陳公其按部安綏弔死扶傷更周且詳也若余也興復舊基第云不墮昔人之志而竊喜營官之不負吾志更樂士民之共成其志雖磚石其固有也木料灰瓦余樂輸也而區畫措置賚賞鼓勵營官之力居多今而後民其永

保無虞矣縣治其克有賴矣余亦樂與士民相遊於無事之城已耳若貌爾拮据載之石碑則余豈敢則余豈敢

擬平糶記

顧景璐 清鍾山通判

歲乙酉夏府江上游臨桂等縣猝遭蛟患平地行舟下游諸江又先後決億萬生靈蕩析離居歿於水者無數稽諸邑乘詢諸父老知爲我朝二百四十餘年未有之災聞者也變富水居其中雖災未流及而一向產穀無多僅堪自給豈能以一縣之有餘濟四鄰之不足經此災異外縣市米者接踵紛至蓋藏空虛洎明年四月墟市穀日益少價日益貴再越月市有有錢無米之歎弱者將待斃强者將不支矣余奮然曰在位者不恤民之患非事君也急設法購洋米在署平糶始於五月二十一日至七月初四日新穀上市始停民賴以濟境賴以安是舉也余雖獨任而計費無多特不過行其心之安耳豈欲以求福邀譽哉惟轉運此米臨桂副貢傅紹衡同城石千戎秉堅頗出力余得以成厥事焉爰叙其顛末以志兩君樂善之誠并備將來邑乘

之採咸知貴粟重農爲國家之急務備荒之策亦不外耕九餘三云

鍾山立縣序

盧秀芹 邑人

稽鍾山之軼事由漢代而肇基唐貞觀後多變更明洪武間遠遷徙鍾鎮地表延八十里仍屬富川防禦區即古二五都析歸昭邑道光時通判添設宣統初官職旋裁世有龔黃無地堪留邑宰名誇屈宋奚由吏覓衙官任渠盜起萑苻終亦兵無草木勉行保甲歲饑則猶憫鳩形強率團丁氣弱而空伸螂臂虎狼營穴添翼能飛燕雀處堂災身莫救乞手援於官府鞭無馬腹之長憐膽破之人家勢怯豬牙之制琴堂遠隔撫字何人鼓角悲涼倉皇無主鍾防禦三區集議思聯衆志以成城上中下各戶捐輸誓結同心而立縣怎奈機關變幻棋局紛更偏多抵觸之舟船難合方員於枘鑿情上陳於大令裘篋空與同謀計反間於內訌矛盾轉虞倒陷又復使星匿影效翕舌之南箕卿月無光枉昂頭於北斗嗟嗟世途險阻芒刺頻生人事乖張藩籬易撤灑半腔之熱血幾一旦以灰心所賴在邕二議員毅力堅持和衷共濟而在鍾

諸君子筆舌互用棘手無辭身備歷乎艱辛神不疲於旁午無端敗績於思仍棄甲復來竭力籌金隱語則呼庚即諾竟得否而復泰困而益升丙辰冬舊廨鼎新丁巳夏徐公履任此後槐廳宏敞柏署新奇懸鏡堂虛持衡庭廣同人襄贊貞珉之姓字彌香長吏循良嘉石則恩威並用夜息村耄之吠朝看桑雉之馴斯民其已鳩乎此邦當有豸矣因鼇怵而爲之歌曰鍾山無縣幾經年訟獄頻歌鼠雀穿况復驚心聽鶴露那堪眯目冒狼烟雷封百里無軍旅赴愬公門求捍禦連番呼籲總無聞坐視吾儕血流杵堅心分縣難翻案定把蜂衙全改換仙吏翩翩化鶴來萬家生佛香花燦讀罷離騷轉笑歡兒童雀躍看郎官安仁花滿河陽縣我亦頻揩老眼觀

建回生所序

前人

吾聞廣廈萬間顏歡寒士西江一斗命活波臣行方便于人間固爲盛德眄淒涼于客路彌覺恫心蹤類浮萍予則鐵鞋踏破肩無行李伶俜而銜釜炊殘因而易水朔風時寒范叔茂陵秋雨又病相如列子身癯韓郎脚軟瘡加君子空哦杜甫之詩

嗟及賢人將合鄭玄之讖然使棲身逢白社尙慰董京落魄處端城何傷沈約幸蘧廬之可庇或溝壑之不慎奈 異伯牛小住全無戶牖病同司馬僑居亦少郵亭主人下逐客之書朋輩著絕交之論或委之於壑或寘彼周行以氣息之奄奄受風寒之陣陣冤殊巷伯竟爲有北之投魂逐達摩旋作歸西之計算猶未促鬼籙催登命尙堪延魔場迫赴周伯仁由我死怨氣難消左伯桃爲友亡陰霾莫散嗟嗟父生母育依然掌上之珠兄友弟恭宛若懷中之玉夫妻愛切兒女情長當其分手出門心期竹報迨及喪身異域魂共蓬飄聞者愴懷言之墮淚欲手援而無自當前空悼勞人知臂助之非難到處可呼將伯請贈經營之費揮霍同誇即興築削之功登馮載詠地臨爽塏爲卜鳩居屋近囂塵悉憑烏止延壽碑而長生瓦孤露無虞慈悲室而通慧門飄風可避河魚疾抱捧腹者得託殘軀扁鵲醫來折肱者不空妙手倘得救人一命勝過浮圖總宜悟我三生預培陰隲人非精衛當思苦海難填世有媧皇惟望恨天可補凡此好生救死大家同具婆心若云作善降祥上界自存公道是爲序

收葬平山巖白骨小引

甚哉古今忍人之多也昔者宋國被圍析骸以爨西夷好殺懸骸如燈子章之髑髏乍提模糊有血莊周以髑髏作枕夢寐無情子輿氏所謂惻隱之心何在乎故考秋官之冊典重除髑披月令之篇事興掩骼唐太宗葬有隋戰卒秦穆公封函谷尸骸乃知不忍之心猶在斯人也邑屬平山岩於咸豐初年被匪熏斃千餘人或屬近村民或屬他鄉客或屬蒼頭之老或屬黃口之兒平時憂其有疾恐其不壽而寶之如金玉者盡付于祖龍之一炬嗚呼火炎赤壁千餘人竟作焦桐身入黃泉五百金誰求駿骨時耶命耶何無貴無賤而悉遭此浩劫耶噫白起坑趙兵像形宜毀楚莊暴晉骨京觀誰封鬼餒若敖而魂驚伯有良足悲矣迄今四十餘年白骨纍纍或爲野獸啣拖或被罡風剝蝕或泊浸于寒溜而苦海沉沉或墮溷于污泥而愁城幕幕死之時比受炮烙而更慘死之後比填溝壑而尤悲吾輩有不忍之心縱不能起白骨而肉之獨不能收白骨而瘞之耶歲在甲辰臨賀友人向予言曰平山岩白骨之淒

涼子近在咫尺曾聞之乎予曰聞之矣曰既聞之而顧悠忽置之則子平日所云行善者皆浪得名耳予謝過不遑因相與募化倡捐覓骸安厝袁簡齋所謂緹井底之珠而升之白晝之庭也其墓封之若防若堂若覆夏屋畧仿古人之制而又廬岩內之或爲軒軒或爲或髹髹爲龕龕龕龕埋沒于石岩沙礫中爲人生之餘恨者別于岩內築壇爲位俾魂魄得所憑依焉白骨有知庶幾稍慰南華所云髑髏以天地爲春秋南面王樂不過此其斯之謂乎是役也費金錢五百有奇始其事者黃君肇芬張君繼良拱宸之濬諸昆玉襄其事者董君正元黃君序功李君清鈞暨從子得標亦與有力焉然非家品元諸族人讓以墓地及諸君子助以朱堤何能使之從容就緒哉嗟乎塚中枯骨恐貽譏誚于孔融野外羸骸當讀春秋于呂氏人生幾何善宜勉作吾願世有不忍之心者皆于此有所觀感焉可耳是爲引

甘飲亭序

潘之蓮 邑人

曩壬申秋九月封君義翁八秩慶壽其哲嗣靜齋體齋欲博老人歡謀徵詩于客張

錦于堂翁聞之召謂之曰此無庸也噫余嚮自外莊歸路過龍旗嶺暑氣方盛熱欲憇渴欲飲皆不獲如願以償因思余不過徒行耳又衡宇在前且難遣如此况彼背而負肩而挑前途方遠者其何以堪誠於此處建亭備茶迎來送往以便行人勝祝壽虛文多矣兩哲嗣唯唯擇期興作至今落成置一烹茶蒼頭爲倉猝主人顏其亭曰甘飲屬蓮叙之蓮謂有一事而仁孝並見者此亭是矣亭名固取渴者甘飲之義然善承歡志飲水亦甘蓮誠樂乎名之適道其實也又恐執勺而飲者之或忘其源因不敢辭而爲之序

修大橋冲路碑記

廖象鵬 邑人

粵稽詩歌礪矢書紀蕩平是知道路之行未有不患險阻而樂康莊也如我本境大橋冲路邑聯昭賀省達西東雖屬荒蹊實爲要道特以前者草翳木叢道難旁達熙來穰往備歷難辛荷擔者苦無息肩之地徒步者愁無駐足之區跨馬乘車俱多色阻牽牛服買罔不心驚行路之難莫斯爲甚况日久年深陵遷谷變溪衝潦激石破

土崩險者倍見巉巖低者更形礮礫延塗凸凹滿路崎嶇此亦大窘行人之步盡消
過客之魂者矣苟非改而易之修而平之何以遠險阻之患而獲康莊之樂哉爰集
同人議爲高峻者革故鼎新旁開坦道低下者砌石培土增美前程然而欲通鳥道
必待鳩工路達羊腸集須狐腋倘非先甲而圖自必吳糧不繼如得神丁相助誰云
蜀道難通幸賴仁人君子疏財仗義樂意傾囊此倡彼和同心徙鼎出百十年積累
之金錢輸母子修千萬人往來之路道頌由庚問猶有行人蹇步者乎無有也鑿山
通路諸君樂助鈔而襄成鐫石垂勛予亦樂揮毫而爲序

雞母洲渡序

盧鈔標

富江長百四十里由富城而下皆平沙淺瀨不通舟楫江出古城水始深濶波流澎
湃勢若奔馬問津者殆不可摠衣而濟矣計自古城達西灣設渡凡十有二焉雞母
洲渡適居西灣上游一水盈盈往來間絕昔人設渡於此置田數畝供億渡夫殆即
夏官司險知川澤之阻而達其道路使行旅免褻裳之苦及濡軌之憂者與但年湮

代遠物換星移所置之渡田或因激浪奔濤陷于沙礫或因凶年飢歲棄于荒蕪而桂棹蘭槳亦飽受風雨之剝蝕等於枯槎之無用途至車阻迷津大川不能利涉舟橫野渡彼岸誰可先登鄉善士望洋而歎心焉憂之相與醵金數百再造慈航舟子既不虞絕糧行人亦咸歌利濟所謂莫爲於前雖美弗彰莫爲於後雖盛弗傳者此而已然人同此心心同此理甚願後之視今亦猶今之視昔使雞母洲渡與諸君子相與爲善之苦心皆歷千古而不朽此則鈔標之所深望抑亦後起者之當見義勇爲者也是爲序

中樓記

盧世標

予宰鄉邦兼長中校校右有園園中崖石嶙峋者鍾山也即其上爲樓虛窗四闢其北帶富水西枕仙山南面碧雲東則萌渚峙焉樓成與校友登臨憑眺覓邱壑之盪胸清漣之滌慮感諸外而動於中慨然名之曰中樓蓋校與山在縣城之中而樓又在山之中也夫桂林山水甲天下昔人之論審矣然徒供禪者之休憩耳曩予少時

求學桂垣選普陀月牙風洞諸勝胥僻在校外游輒終日暮色蒼然懷乎其不可留矣又安能如斯樓之置諸校中得與二三子優游而日涉耶噫鍾之士亦多矣惟質有慧魯性有進退過猶不及豈得謂之中歟將必教化普施納諸軌範而使轡乎中固予之所望也樓以中名有深意矣况學問之道譬如登高層出而累進焉是猶地之爲山山之爲樓也則中樓之記其被于後學者何如哉

鍾山設縣始末記

潘寶彊

鍾山舊隸富川明清以距城遼遠設通判治之清末土匪蠶起劫殺頻仍縣令以鞭長莫及莫如之何同時昭屬防樂兩區亦以離縣過遠受同一痛苦人烟輻輳之地幾成荆棘之區非得行政機關就近治理則匪禍當有不堪設想者如是三區父老始有鍾山設縣之主張焉民國元年夏疆與富川鍾山鎮區周邠黃尙中盧世標昭平防區廖鴻昌藍存孝諸君因事勾留平樂偶談及此事遂徵得平樂府長封高萬同意即擬具意見書聯請鍾山鎮區自治局分函鍾防樂三區父老集局開會討論

結果一致主張脫離富昭另設新縣以鍾山原具城池衙署且較適中即定爲設立縣治之地點焉鍾山設縣之動機蓋始於此嗣三區自治局具文聯請封府長轉呈省府核准封氏據呈後爲鄭重起見又分令富昭兩縣查覆核辦因而富昭民衆群起反對此案遂如石火電光一閃而滅設縣之舉爲之一阻民二疆與黃君尙中被舉爲廣西省議會議員於會期中復將此案提交大會審議希望通過後尅日實現詎富昭縣籍議員極端反對力爭不已幾至用武大會折衷辦理乃以建議案通過查建議案與議決案異省府無負必需執行之責案雖通過實不能發生效力此案已成僵局設縣之舉又爲之一阻民四夏廣西都督陸榮廷巡邊按臨鍾山三區父老又將此案提出聯懇陸氏核准奉面諭云此案我極端贊成但係民政範圍爾等須赴南甯張巡按使處遞稟我在旁贊助當能辦到等語如是三區父老立推王瀚黃尙中二君及疆赴邕辦理旋奉批鍾山有無設縣必要仰候桂林道尹查明呈覆再行核辦等批疆等尋即回桂具呈催辦然後返里是冬忽奉富川莊知事昭平林

知事轉奉桂林金道尹令定期來鍾會勘及期莊林二知事滿口贊成即由莊氏推定林氏主稿辦文呈覆然後分道回署彼時設縣空氣陡形濃厚民衆額手相慶不置民五元月接昭平林知事函并會呈公文一件囑即專送富川會印以便付郵云云三區父老登即推疆爲代表費文赴富時富人已立於反對地位包圍莊氏不准會印且日夜覓疆欲飽以老拳疆知大勢已去間道而回束手無策徒呼負負而已設縣之舉又爲之一阻物極則反窮極智生地方人士有以控告老莊勘而不覆爲言者一呼百諾爲是又推疆赴桂辦理訟事甫達桂城適值袁世凱帝制失敗廣西巡按使王祖同星夜潛逃陸榮廷以督軍兼攝省長省局徒變消息傳來我三區父老以陸氏爲曾經表示贊成設縣之一人本案有絕好機會因命盧昌文君赴桂促疆火速晉省便宜從事疆以身在中途責無旁貸乃整裝赴邕經營公事滿望於陸氏手達到目的旋奉仰候桂林道尹查覆核辦等批仍以官樣文章出之與前無異終歸失敗之列當事有把握之候一旦頓失所望其痛苦爲何如此消息回來地方

辦理設縣之熱烈漸形灰冷三區團體似亦無形中解散矣凡天下事成則錦上添花敗則霜中飛雪人情如此千古同悲本案受此打擊後空氣沉寂維持乏人旅邕半年資斧不繼且值省中出兵討龍所有在邕故交多隨大軍下粵無門稱貸一錢不名昌黎爲送窮之文逆旅下逐客之令彼時進不能取退不能行精神上所受痛苦殆不能以言語形容者此種痛苦實疆自有生以來爲破題兒第一遭亦可笑也當此日暮途窮之際忽遇故友張君鴻治寒暄後詢知疆來意據謂我現在政務廳辦事與廳長陳樹勳頗洽尊件俟我代爲先容覘其有挽回意然後由你再行稟見面述必需設縣理由無有不妥云云越數日張君來謂曰事妥矣請速往予當在旁打鼓邊也疆因即謁陳痛陳三區所受匪患痛苦及急需設縣理由侃侃千言陳氏確爲所動謂曰爾須速補一公呈來予當力稟省長核准也疆如法泡製果不數日奉批云呈及圖表均悉鍾山有無設縣必要仰候派員查勘明確再行核辦等批并聞內定張君鴻治爲本案調查委員疆奉批之下不勝舞蹈立電鍾山報告詎地方

人士以屢次失敗驚疑不信且疑反對者挪揄所致及疆電報委員張氏來鍾消息三區父老始歡聲雷動籌備歡迎時民五七月事也疆亦於此時奉委任省立第一師範校長下梧就職八月委員張氏返梧至一師晤疆暢談此案深爲滿意忽慨然曰本省此關可望打破但不知中央如何耳查變更區域設立縣治依普通手續應由省大吏咨由內務部轉呈大總統核准方爲有效如內務部認爲不合不爲轉呈或咨覆再議該事難免危險張氏此言不啻此案晨鐘警醒不少蓋當時內務部長爲孫洪伊氏孫與旅京富川某爲莫逆交如省府依普通手續將此案咨請該部辦理則孫必詢某某當然表示反對孫爲瞻徇情面起見非不呈即咨覆兩者居一終歸失敗爲山九仞恐又功虧一簣也因此復向張氏磋商設法補救結果仍以由張氏據情轉稟陳廳長特別注意爲較妥張去後旋來函云該案已逕呈黎大總統如黎核准後發交內務部當不會發生問題云云果於是年十月喜報傳來驚天動地連年辦理失敗之鍾山設縣案已奉黎大總統核准矣十二月省府委北流馮汝翼

來鍾籌備縣治民六五月報告成立六月省府始委湖南徐世鐸來任鍾山新縣知事花開滿縣琴鳴一堂至此我三區父老辦理此案始告竣事疆亦從此卸仔肩矣夫辦事固難有反對者尤難此案計由民元迄民五時歷五年中間失敗者四幸三區父老始終均具熱忱屢蹶屢起毫無餒氣卒達最後目的的一鼓成功則設縣之舉實有可記之價值焉爰錄始末以告邑人并勉來者

詩

碧雲巖

宋 蔣 燮

漢室真人已駕鴻空留洞府舊山中暮雲凝合元非鑠俗骨腥羶自不通東火杖藜深杳杳袖椎敲石喜鋒鋒若爲化作雙飛鳥得與郎官繼此風

元宵偕張參戎至鍾山

明 張 祐

村墟牢落負良宵寒月稜層破沈寥火樹星橋無處覓瘴烟蠻霧望中迢憲僚獨愧匡時策將領人驚振俗標得了公家今日事便應雲水老耕樵

再至鍾山

前人

夢回春篆幾通宵風攪長松撼碧寥春水繞溪南畝沃蜀鶻啼雨越山迢壁題錯落
慚俚句軍令分明憶舊標荏苒歲華成底事病軀猶未得歸樵

又

駐節荒城夜坐闌百年行役宦途寬短牆樹色當窗暝遠郭溪聲入座寒楸枿煨紅
然蠟炬茅茨浮白薦杯盤吟餘起向中庭望月放清輝照肺肝

白雲山

明張純知縣

白雲山上白雲遮原是清神道士家甲乙艾荒微有字丙丁薑老更無華藥泉細掬
晨蒸朮丹石空明夜走砂仙客不知何處去數聲啼鳥隔烟霞

官兵渡水擊獠賊被溺

明廖肅邑人

重發龍驤不逗遛整居烏合敢爲仇材官暗渡誠長策銳士先登亦壯猷但使投鞭
曾擊楫何堪破釜更沉舟可憐四十驍雄魄枉葬江魚赴急流

天然窟

清陳定國 昭平縣人

天然靈窟毓鴻濛
渾似雕裁粉飾工
置冊陳書遽俗吏
脫衣掛幘擬仙翁
坐來五月寒生骨
話到三山樂在衷
更愛石巢當戶結
不須蠟屐探旁通

觀音閣

袁啓翼 平樂縣人

荒郊孤閣瞰江洲
雙樹陰陰可住留
大士珠光南海現
上方鐘發北山幽
梵音曉亂鶯聲起
松影春歸茗色浮
莫謂貪禪淹坐久
却疑前世亦比丘

銅盆稻歌

清施敏政 白霞巡檢

牛背揮鞭鴉亂鳴
田疇處處盡深耕
潺湲水浸千畦綠
咿啞人歌萬畝平
紫燕預爲香稻賀
黃雲濃向鹿柴生
停輿隨地諮風土
兩桁青山不勝情

頂天春樹

前人

石勢參差十尺屏
朦朧樹色隱山靈
洞中鬱鬱無窮碧
堂背葱葱未了青
一縷炊烟紗縵薄
數聲鳥語絳雲停
尋常愛對松林坐
爲憶根頭有茯苓

題鍾姑烈女

明 陳起龍

鍾家有女閨中傑矢志堅貞傲冰雪一顆明珠未售人何物惡虺強欲斂明珠可沉
不可污碧潭寧殞千金膚夜深月出照潭水彷彿香魂伴素娥

出太平赴紅花路經銅盆坳

魏 篤知縣

行旌欲動赴紅花疊嶂層巒隔岸遮古木迎人通鳥道仙源有路雜獠家回頭景物
看能辨過眼雲山望更賒畫木宜留留不得來春還到課桑麻

出紅花弔古樓殉難諸義勇

前 名

古樓此去路非遙痛絕當年竄蠶苗七百良民成死鬼三千髮逆肆雄梟分甘義勇
如雲散一例忠魂待雪昭遍地血腥餘劫跡楓林空自對啼鴉

按咸豐戊午股匪竄入境古樓村民陳啓瑾等死拒之三日村陷男女死者七百餘人

清明登葫蘆山

潘之蓮

聳然突起石峻嶒一度清明一度登兩峽水隨雲氣落三峯勢戴雨烟騰花當險處

開偏好人到疲時興轉增回首群山皆見小始知身在最高層

登飛龍岩

前名

此間飛去有神龍開闢靈岩幻幾重四面玲瓏幽徑透萬家聯絡晚烟封臨高風送鐘聲遠入望山添翠色濃放豁襟懷空眼界飄然出世想雲從

夏日挈伴登飛龍岩避暑

潘斯濬

消夏來尋物外觀洞天高處共盤桓繁陰雜木迷樵徑如畫閒雲映佛壇谷口乍臨忘酷暑葛衣久坐覺微寒此間自有登龍路笑指懸崖仔細看

弔平山義祠

楊蔭春

紛紛伏莽逞戈旂安得桃源避亂離群向巖阿謀負固共聯桑梓力扶危方期黃鳥隅堪止豈料紅羊劫并罹皓首朱顏傷一炬平山空看峙崇祠

題碧雲巖

楊錫蘭

浮嵐飛翠接長天世界閑中總大千洞口曉看雲氣出峯頭夜見月輪懸鳥啼花徑

飄紅雨樵唱松林起綠烟絕好人間一仙境詠懷招隱意拳拳

步梁筠亭東江秋風泛舟韻

鍾賓鴻

江城聚首忽經秋携手良宵秉燭游坐久相依情繾綣更闌猶共話溫柔怕聞渡口
濤聲急喜見檣頭月色幽一樣清狂消永夜不愁風雨阻歸舟

課墾植

盧秀芹

遍山遍嶺種桐茶種得桐茶便起家椿竹杉松烏柏木樟棕棉苧白草麻栽兼瓜果
供頤養芟去蒿萊免蔽遮勗兒曹勤墾植此間樂利勝官衙

午日中樓小飲

潘寶疆

小樓高聳倚雲隈水色波光入座來好趁端陽開盛讌聊將勝境集群才數聲玉笛
花飛後一片江城錦奪回安得中山千日酒年年共醉碧荷杯

民國十五年奉使宣察政治遊百壽岩留題

盧世標

鴻爪勾留小洞天春衣葉葉帶輕烟摩娑壽字文偏古吟到靈岩句亦仙宣政敢云

爲木鐸觀風偶過駐絲鞭願將一勺丹砂水

岩前有丹砂井

滴向楊枝洒大千

白菊

潘斯濬

掃盡鉛華本色存陶家品格自然尊瘦肌偏耐秋霜節素面常承曉露恩虛室賞來清不俗疏籬開處淡無言何人携送先生酒相對花前泛玉樽

題碧雲岩

鍾賓鴻

古洞幽深忽見門居然郭外有桃源濃煙漠漠山前廟斜日霏霏江上村列岫閒雲時往復小溪流水自潺湲我來恰值秋風起煮到菹羹憶故園

東江月夜泛舟

梁用松

廿年不作夜吟秋今夕開懷放棹游幾處蓼疏漁火淡這番風靜櫓聲柔樓臺例映工難畫水月交融景倍幽泛罷餘音猶未了滿腔詩思載歸舟

三台山

楊靖

欲倩山梁雉隨其意自如功名身外物山水樂有餘况復遊雲洞花鳥獻圖書於時

發吟嘯清風來徐徐

前題

楊啓瑞

三山碧峭又尖圓透出玲瓏一洞天到此紅塵渾不染清風明月證前緣

平山義塚

盧秀芹

岩中殃及一千人四十餘年不見春今日埋髀歸爽塏好憑香火證前因

題梅

楊振時

老圃寒梅放一枝獨占春蕭疎三數點清白不沾塵

清明遊飛龍岩

清進 曾思睿 平樂人

龍岩佳景小蓬瀛川媚山輝色象呈偶一登臨心萬緒况逢今日是清明

東江秋夜泛舟

梁用松

風清月白滿江秋我亦豪情學泛舟顧影自憐還自笑無端身世感沉浮

碧雲岩小飲

廖國維

盈盈一水界鍾城不染塵囂竟體清文讌未終天欲雨更添啼鳥兩三聲

歸家

馮東方

瑟瑟臘鼓動鄉愁遊子樽前嘆白頭題罷客窗無一語漫天風雨別昭州

課子

盧得標

燈前課子學塗鴉酒未醒時眼已花筆落幾番無着處誤將人字寫成叉

題甘泉亭

潘之蓮

石檻松扉結構成行人到此喜相迎亭邊莫種青青柳折取愁聞贈別情
天涯有客屢經過踏破芒鞋意若何翻笑錯將荆棘剗路無荆棘別離多

題甘飲泉

潘斯濬

先生高臥興方融北牖襟期與世同檻外手栽松柏樹行人到處被仁風
經年作客走天涯履屨擔囊路正遐小住此間凭檻望白雲深處是誰家

登萌渚嶺

盧鈔標

天南崛起勢嵯峨雲出雲歸氣象多最多置身高處立群山一望盡平坡
峯迴蠟屐更先登夜宿山家靜似僧耳畔猿聲催早起開眸林外日初升

黃花節弔七十二烈士

盧世標

黃花岡上飄紅雨舊名紅花岡黃花岡下堆黃土岡上黃花岡下人人與黃花俱千古救國
興中誓倒清當年革命結同盟三月廿九羊城裏叱咤一聲天地驚轟槍擲彈揮刀
七可憐血濺珠江水頭顱七二縱犧牲義聲已喚斯民起烈士英名史乘光同胞記
取莫相忘今朝集會鍾山畔聊把黃花吊國殤

飛機行

盧世標

公輸木鳶長已矣四千年後飛機起飛機來去太空中能使人憎使人喜喜他巧製
奪天工萬里雲羅聯息通憎他一入強鄰手不爲交通爲戰攻去年我從白將軍旁
午軍書日夕聞男兒許身救黨國那怕飛機佈戰雲飛機本是無情漢咄咄逼人拋
炸彈軋軋胡來天際聲多少市民奔駭汗中原鹿死大夢回陰霾散盡蒼冥開聞道

航空供民用滿城歡動如春雷驚魂甫定快感生飛機無情復有情昔時飛機何遷次揮之不去日暮至今日飛機何徘徊望穿秋水遲遲來飛機飛機君萬惡毀室傾城血肉搏飛機飛機君萬能滄海可超天可升願與君結莫逆友不許人有只我有勸君普渡衆生靈莫再人間作福星

雜著

管見芻言

編者識

英家清塘燕塘爲鍾屬西區繁盛墟市隸貽時爲防字區境內所有插花地實令人指不勝屈者如燕塘附近之小水盤龍塘尾下洞蕎塘英家附近之橫山大桂矮山桐油坪公思山清塘附近之大嶺寨古縣塘高寨寺岩白竹水井頭清水朱武梁家黃家及在桔芬附近之大塘坪竹圍上寨長田木山頭廖家銅鼓附近之大村沙洲路底馬鹿冲等村落皆爲平樂人民居留地犬牙相錯逼處乎此人口幾占三四千之多匪惟地方行政及社會教育之實施各有此疆彼界之岐視即平日樂利之企

圖災患之捍禦亦難望同一軌道而馳此則政治區域之亟宜劃一者也

由燕塘跨山口以達沙江爲縣屬極西之地此處土地權及賦稅權均爲鍾山所固有惟以人民歸平籍之故行政職責又爲平樂所操持雖成例因循暫安無事然鍾有土地平有人民人民既等於僑居土地亦適同租借權利義務兩失其平終亦非計之得也

桔芬古名韋峒清初設埠置汛始名七分民國初改稱桔芬境內有古猺六猺百貊古蜥之名在昔爲猺蠻所據向稱難治明季東蘭土司韋鏡奉調戍守此地隨時勦撫歷久始平今桔芬對岸之大營村即當年駐軍舊址更有頭哨二哨三哨四哨皆在桔芬附近五哨則在平屬之古營墟雖歷時既久而其名尙存觀此則前代用兵之遺蹟尙可按名而索也

銅鼓義安之地隸昭時爲見龍里萬曆二十六年時因黎天龍爲亂乃設土龍司并松柏騎龍頂高鳴公高粱五營分布堵禦今各營雖皆夷爲村落然其名稱仍依然

存在撫今思昔可想見當年締造之艱難也

憶亂雜錄

潘之蓮

道光二十三年癸卯七月天西角有白氣一道方長如玉尺是冬平樂李世德偕楚人雷再浩在平樂倡亂翌年爲清兵撲滅咸豐四年甲寅慧星見于西角洪秀全復在永安起義時清兵屢戰失利洪軍遂越湖南破武昌直趨江蘇據南京清廷注力洪軍不暇計及地方小醜吾鄉遂有廣肇堂之事所謂廣肇堂者廣州肇慶兩屬合稱之謂也事緣大橋市肇慶人索嘉應獵客博債欲以其綢褲作抵被毆傷訴之廣肇會館集衆捕獵又被擊敗肇人遂潛回粵召無賴三千餘人藉報復爲名沿途索餉時鯉魚寨不與焚其廬舍至英家復被獵客擊敗潰走自是獵人之無賴者遂接踵而起蹂躪地方良善無虛日於是富賀昭又起土客相鬥之禍在富則土強客弱賀則土弱客強昭惟黃姚一帶被害特甚我兩里從不招獵客故無間可入亦云幸矣當燈首劉洪貴之赴援英家也率衆數百假道石龍午炊未熟懼爲里人所乘未

餐而走記曰獍客固好亂而廣肇人實作俑焉廣肇人自英家敗後凡僑寓三縣者皆棄資走去所留者僅少數執藝人而已歹人釀禍波及良民不幸者非獨土人也咸豐五六年間土匪橫行官府不能制里有鍾生者固虎而冠者也聚諸無賴爲爪牙掠村捉人毫無顧忌衆怒聯團誅之羣小無所逞遂結盟拜會一呼百應以驅脅良善而團練之令不行當團者迫于時勢因亦聯盟歃血誓衆初立聚義堂繼立天安天佑二堂皆假頭目爲團總共謀抵禦有董生者欲自樹黨聚衆數百人別其堂號曰天寶堂其子弟恃其勢橫行鄉里丙辰七月糾衆攻源頭村幾爲所破幸聚義堂丁壯百餘人先至協同守禦旋天安天佑二堂丁壯亦踵至圍始解適昭平葉令下鄉辦團匪衆退守巢穴葉親至其家諭縛其子弟自贖生泣辭不能葉於是飭團練擊之所獲悉誅弗赦相持月餘其弟突圍逸而黨羽亦漸亡去所存者僅二十餘匪旋被團衆毀垣入悉數殲之而尸生于平塘嶺人心大快

咸豐八年戊午粵人陳金剛乘洪軍起義據賀縣清軍蔣益澧統兵禦之適因事回

省委潘道員統其衆潘不能軍卒爲所敗槍械俱失自是陳勢愈張翌年三月二十六日遂由木古冲入我境未到之前紛傳陳軍沿途殺戮而尤以賀縣受禍爲最于是里中人人自厄多逃匿山中或築山寨自保惟虞村屯聚以守陳軍初至未知虛實慎土人乘虛誘之遽焚十餘村宵遁潘姓人始悔棄村非策事後集議築墻設塹固守六田鍾姓人不敢守分紫木魚老虎兩山新田七姓紮於我村旁之穿石島十月二十八日賊復至凡村墟不守者皆爲所據我族約虞村夾擊之次日村人與紫山各姓留半居守以千餘人擊之黎明啓行聘有搖師謂其術能掩礮紅帛束首執雄雞以從初撲六田新田各寨賊驚起趨出巷戰礮聲如雷人無一傷數寨之賊皆潰走追斬百餘生獲十四惜虞村人阻於河不能如約來助戰又鄉壯無紀律競入各村覓取所遺財物寨之人亦各歸家圖閉戶與拒不復追捕賊敗走嶺上顧後無追者復全隊回門我方敗績各寨復陷翌日復戰則礮莫能掩人多被傷自後惟劃河而守以牛岩爲市賊亦不敢逾河侵擾惟注全力攻虞村斬松樹並拆空屋桁條

環爲柵以圍之復自柵外掘地道三處度其村垣實火藥於棺欲轟破其垣冒烟衝入幸守者先覺別築內垣以待及火發外垣崩倒賊擁進村人自內擊之斃數百乃退退後復圍老虎山山孤立薪水不繼又無外援十二月初四日遂爲攻破人被殺殆盡先是上團三叉山亦破于賊殺人尤多故鳳翔一帶皆與講和供其需索任其驅使致賊得專與中下兩團爲難尋陳金剛親來盡將所獲我人釋歸講和不須錢米不駐村坊復市石龍至是其禍始息

賊之至也里人禦諸草魚壩進而復却者三奈有先走者衆隨之而潰於是遂爲所乘我族人志緒與數十人斷後人挽賊械賊格人矛志緒身被十餘槍力戰而死同死者十餘人皆饒勇之士從前賊所至無有敢與抗至是一挫其鋒故雖敗我而不敢窮追又不敢入村堡人得以從容避去皆此一戰之力也有司聞于上准立鄉勇祠

老虎山即南石山又名貓兒頭咸豐八年春鍾姓六田大爆兩村徙居其上以避賊

時賊至一宿而去不及攻十一月仍條來條退不以爲意十二月朔大舉圍之三晝夜水洩不通初四薄暮其同族之紫木魚山者代告急于各村各村急於自守不能救吾約所募壯丁四十名欲夜襲其營使賊陣一亂山中人可乘間逃出亦無人敢從是夜遂爲所破被害死者三百餘人掠去婦孺百餘匿石岩得免者數人而已棄村居山誠爲失計距村遠則無外援老虎山是也距村近則賊據村中扼之不得下且山上無水又所積之薪米無幾是不待圍攻坐視之亦當自斃當時何無一人見及此亦劫數使然乎前此洞中山柵我族之大蟲島被火延燒董姓之黃山肚爲水漂沒乃歸築堡以拒守皆得無恙塞翁禍福固事後方知耳董綸總者田心爆人男婦十餘口招敢死士二十餘名聚諸一室而守之賊至圍其室死拒不走隣舍皆爲賊據被圍半月斃賊數十後以孤立無援卒爲所破門無噍類人哀其愚余謂彼誠愚然使一村皆守其室賊何由獨逼一家使兩里皆守其村賊無帳幕無米糧安能露處枵腹以困我此即堅壁清野之意惜乎人不盡綸總也

關調鼓

太平園有調鼓嶺蓋村民每隔二年六月初旬卽請巫道設壇鼓樂于其地斬牛調戲男女混雜歌謠大傷風化邑人蒙恩湛因作文關之村民感悟其風始絕

蓋聞用夏變夷謂之君子變于夷者卽屬異端彼鳥雖蠢物猶知出谷遷喬人具靈心豈可棄明投暗如境內調鼓之舉大有可異者焉想其創自前人不知歷幾年所然訛以傳訛相沿成風村夫愚婦識見謏陋迷信神權混雜歌謠恬不爲怪亦固其所而讀書識禮之士亦從而附和之抑獨何哉夫調鼓之事卽盤弧後裔調其祖宗者也昔高辛氏有犬戎之寇乃訪募國中有能得犬戎之將吳將軍首者賜黃金千鎰邑萬家妻以少女時帝有畜犬名曰盤弧于下令之後遂舍人頭造闕下羣臣怪而驗之乃吳將軍首也帝大喜而計盤弧不可妻之以女又無封賞之道女以爲帝王下令不可違信固請行盤弧得女負走入南山止石窟中經三十年生子十二人六男六女於是登山越嶺日掠野獸以爲食一日趕一山羊忽掛樹叉而死羊亦尋

斃厥後子女尋見剝羊皮製爲腰鼓長頸大頭以手搗之宛成伸冤之音乃相率吹笙擊筑跣足狂跳以爲父冤獲伸云且聖王之制祭祀也德施于民則祀之以勞定國則祀之能禦大災則祀之能捍大患則祀之今調鼓之神果有以上之功德乎尤可悲者三伏炎日將牛短繫坪中隔除水草時復牽頭扯尾鞭撻奔馳甚至紙錢燒背火日交煎雖窮奇檣杙不應加此極刑况牛乃太牢耕田養人有功無罪除祀天地山川社稷聖廟外餘不輕用今一旦儼然用之于淫昏之鬼抑何忍之甚也夫諸君皆黃帝子孫本非獠種亦無祖冤可伸何以日仿其事誠令人有所不解如指之爲獠則必怫然怒謂爲狗裔未有不持刀相向者矣奈何陽惡其名而隱蹈其實昔西門豹禁河伯娶婦未見爲殃今諸君禁調鼓宰牛而憂降禍如果有禍則刀鋸斧鉞予一人任之決不與諸君之事諸君亦可釋然無疑矣

鍾山縣志

卷之十六

雜記

災祥

獠獍

寇變

靖難

軼事

雜記云者即西陽雜俎雲仙雜記之類也凡天時之變幻人事之離奇牛鬼蛇神蠱妖蝗害推及仙姑巫覡祆廟淫祠皆學殷浩書空咄咄稱怪亦笑定伯賣鬼渺渺難憑也鍾山革故鼎新轉禍爲福官樓高矗梁間白茁萌芽盜戶羞稱路上忽消荆棘居息常歌燕燕虐兔陽侯蘊隆不咏蟲蟲災祛旱魃更喜太平俗美盡滌調鼓之污佇看奉政風行徐聽鳴琴之治此地方之幸福亦人力所轉移也志雜記

災祥

清道光二十三年癸卯秋七月天西角有白氣一道長如玉尺

咸豐四年甲寅彗星見于西方

光緒七年辛巳饑

光緒九年癸未夏四月大雨

光緒十一年乙酉大旱

光緒十四年戊子夏四月陰雨徹夜雷鳴鳳翔石龍一帶土嶺出泉葫蘆山崩濁水

江暴漲沿江兩岸皆成澤國龍岩村民房浸塌過半

光緒二十八年壬寅夏瘟疫流行死亡枕藉

光緒三十二年丙午夏六月有颶風自石龍之東南起直向西北去所過處屋瓦皆飛大木斯拔黃泥障適當其衝被損特甚颶之初起也有雲氣自空下垂蜿蜒如虬龍飛舞見者皆驚絕

光緒三十三年丁未夏四月潦發英家螺山中陡出噴泉數時始竭螺山街水深三尺附近數里一望汪洋村市廬舍皆有倒塌

宣統三年辛亥夏羊頭對河之獨田腦村池水自竭村民居廬無火自焚旬餘始息
民國二年癸丑大饑斤米百錢

民國三年甲寅夏大雨富江水漲丈餘羊頭商店多浸塌

民國四年乙卯清明日上午日暖風和午後狂風驟發移時雨雹大如碗歷二時乃止

民國五年丙辰春鳳翔之同古壩及老村一帶同時地震

民國六年丁巳春縣公署告成夏四月前座第三梁萌生新芽大如指長四寸許

民國七年戊午冬時疫流行

民國八年己未夏大水入城

民國九年庚申禾大熟

民國十年辛酉六月十六夜有火球如碗大落于英家之東秋八月十二日鍾明階率匪黨撲攻英家不得逞旋向桔芬退去

民國十三年甲午饑

民國十七年戊辰秋大旱晚稻歉收

民國十八年冬腊月大雪旬餘至來春冰凍始解

獠 獞

縣西北之花山及西南之桔芬南區之義安皆層巒疊嶂林箐幽阻當元明時向爲獠獞所依據叛變無常梗化難治明季各設兵戍守剿撫兼施更置巡檢司于白霞居中控御至清道光十四年移平樂理苗通判于鍾山專司治理黠者懾之以威馴者示之以惠涵濡既久知所畏懷嚮日之冥頑不靈始次第滌除其舊染之污而漸趨于同化然其特異之習俗尙未能一致改革如客至其家不問熟識與否概由婦女招待敬以油茶客能多飲則主人喜謙會大都分肉而食每逢廢曆新年恒男女混雜相與歌唱以爲樂居室湫隘俗信師巫更別具一種語言詰屈聱牙人難辨解如飲食坐起水火酒飯獞人則飲曰咽食曰哽坐曰論起曰卑水曰品火曰燬酒曰萎飯曰唉獠人則飲曰吟食曰哽坐曰隨起曰鳴水曰稅火曰燻酒曰走飯曰泛諸如此類不堪枚舉平日不輕出城市怕見官長故常有寧食粥稀莫見官司之諺婦

女好蓄蠱相依爲命若遇散放蠱毒人受其傳染腹輒暴痛莫可解救異客至其鏡恒有戒心焉

保安團橫嶺村後有風潭廟每值秋風起則村人必入廟致祭名爲閉風自入廟祭祀午餐以至出廟均不許一言據云不如是則狂風驟起田禾必殃

廖當毅曰獠獠語言習俗與民迥殊但知耕種不諳貿遷每遇社日男女聚歌游戲婚不論同姓迎娶不用肩輿習向師巫婦多蓄蠱輕生易亂而土著無賴復竄入寄籍鼓煽規利近雖不敢爲非幸承平無事耳否則鷹眼難化鷗音難易復隍衣衾非過計也

寇變

自咸豐亂後匪患弭平地方安謐垂五十年耕食鑿飲人民樂業迄德宗之末世有廣馬潛踪入境暗地勾結無賴拜會植黨路劫行旅當事諱言盜賊不加芟刈尋至稂莠漸長蔓草難圖泊乎宣統三年時萑苻徧地幫口林立深山僻壤盡爲盜藪民

元以還匪焰愈熾明火劫舍拉生勒贖幾至日有數起恣意殘殺人命草菅而叛勇逃兵又從而附和之其勢益張厥禍尤烈匪案纍纍罄竹難書變亂相尋日久浸淫于是遂釀成鍾明階寇鍾之禍

清光緒二十三年戊戌秋九月二十八日湘匪雷公三黨羽數百由江華河口竄入富屬之白沙白沙汎把總羅鳳祥聞風先遁至匪焚毀汎營隨竄下望高立頭一帶希圖大舉時承平日久人心異常驚恐扶老携幼逃避山谷尋聞因約期錯誤退入姑婆山散逸

清宣統三年辛亥冬謝老三股匪乘鍾城守陴空虛洗劫富室財物滿載而去居民莫敢追擊

民國五年春錢新有匪幫攻掠羊頭殘殺商民男女十一命搜括團槍局董李得霖被虜不知所終

民國十年叛軍李鳳奇陳四友黨羽千餘嘯聚姑婆山四出搶劫秋九月鑛局總辦

萬黃裳遇險陷于匪窠喪失贖金二萬元

民國十年夏鍾明階乘省局變動挾沈鴻英軍械退匿花山招集魂類僞稱護桂軍
秋八月十二日出攻英家勢不得逞退據桔芬

是年十月粵軍移防賴代知事離任十一日鍾明階乘間入據縣城越七日贛軍營
長李雲亭由富川奉調來援賊勢不支始倉皇敗走石龍旋退同古

十一年春鍾明階困玉坡掘發廖姓祖墓二月大舉燒紅花盧氣雄陳裕仁盧紹昌
盧昌壽莫奎謀莫勝位莫福光盡力拒戰卒中流彈死至四月十七日賊復分道寇
羊頭擄去婦孺三十餘人商店及附近村落多被焚毀財貨損失無數

鍾賊自寇羊頭後即狡焉思逞西竄平樂入桂林高瞻遠矚爲所欲爲尋因權利衝
突爲梁華堂軍擊敗是年七月十七日復退下鍾山盤踞縣城市鎮鄉村盡遭蹂躪
苛捐雜稅供不給求九月二十九日始由羊頭石龍民團發難協力驅逐出境寇氛
始平

按鍾逆初匿花山時止有步槍數十枝旱機關槍二挺當八月十二之役機關槍已被擊壞一挺設地方人能守正不阿聯絡團體併力捍禦縱不能將匪一一撲滅鍾山當無彼等立足餘地乃不作釜底抽薪之圖而出揚湯止沸之計愚魯者爲爪牙狡黠者充其走狗遂使鍾山新縣遍遭其害且流毒至于平桂各屬是鍾逆之禍鍾山非鍾逆之能禍實鍾山之喪心病狂者有以促成之也

附殉難

咸豐六年賊匪擾羊頭地方殉難人名

蔣忠林	盧紀伯	陳春儒	周自璣	周自環	毛富	余士德	盧安富
盧啓廷	蔣贊	李玉有	蔣啓榮	李春富	李春貴	楊林偉	李慶新
甘宗柳	黃伯文	黃榮清	李水生	李高生	李上寬	李上林	李上盛
葉啓泰	甘有恒	黃宗發	黃紀清	黃明和	黃賢青	黃鳳兒	黎國信
黃意枝	盧祥德	黎國全	黎正蒞	黃叙康	周苟三	潘揚禧	畢先祖

覃統宗 周常鼎 鄧財明 鄧萬聰 鄧春寶 盤富樂 黃鳳孫 周克果
何文茂 何福珽 蔣華按 蔣華仲 陳錫康 何其志 何懋興 蔣廷俊
何發榮 周英賜 周常式 林述祖 楊俊林

咸豐八年陳金剛攻破羊頭等村殉難人名

盧敬信 盧上耀 盧啓連 黃燦煥 黃上才 黃全昌 黃安昌 黃仁昌
羅萬慶 黎英青 梁進陞 陳廣高 黎正富 盧明舉 馮維緒 周廷模
周廷枋

咸豐九年陳金剛石達開攻破奉政團保安團紅花墟等村殉難人名

梁長壽 歐陽德賢 歐陽有賢 歐陽汝英 歐陽長慶 董福田 董春壽
董苟壹 董明樂 董裕通 周移生 余士超 周正玉 周自泰 李長生
盧有琬 盧積奇 盧秀顯 盧祥仲 盧瑤珍 楊苟孫 趙信善 趙文禎
趙成貴 黃樂政 趙加祥 趙加仁 歐榮祥 歐應生 鄧陳銘 鄧芳普

鍾周貴	鍾天德	鍾天成	鍾倫慶	鍾龍富	鍾喜鳳	鍾念慶	鍾龍顯
鍾新鳳	鍾宇聲	鍾周美	鍾周富	鍾恩聲	鍾周祿	鍾苟二	鍾苟連
鍾唐聲	鍾有聲	鍾傳聲	鍾能聲	鍾桂聲	鍾賢慶	鍾苟照	鍾晚賜
董苟連	董大祿	盧光佩	盧書成	鍾蘇慶	鍾槐慶	鍾清桂	鍾柳慶
董德昌	董苟玃	董秉科	董玃生	董德勝	董喜鳳	董秉文	董秉秀
盧上芬	盧光春	盧苟二	盧苟福	盧苟應	盧大乾	盧大坤	董秉良
盧榮朝	盧榮廷	盧榮國	盧榮家	盧光禮	盧上茲	盧連嬌	盧光現
陳苟壽	陳嘉連	陳春旺	陳辰喜	陳德喜	陳文理	陳啓德	盧啓春
陳啓成	陳苟明	陳啓盛	陳苟壹	陳啓祥	陳苟二	陳秋喜	陳苟三
陳春沛	陳春洪	陳啓珩	陳苟轉	陳苟聖	陳春雨	陳國泰	陳苟英
盧舉昌	李奇福	侯老四	蘇筆貴	盧活懋	陳春雲	陳苟四	陳春注
陳光勝	鄧玉安	鄧章才	鄧苟晚	李朝通	盧美興	歐加修	盧勝秋

鍾祥慶	鍾清禮	鍾通慶	鍾樂慶	盧成亮	盧美昌	盧茂昌	盧陳昌
盧儲昌	盧衛昌	盧光秋	盧光福	鍾明聲	鍾常顯	鍾苟龍	羅承文
羅辰鳳	羅錫章	羅承華	鍾燦祥	鍾清芬	盧宇文	盧苟連	鍾錦芳
鍾昌音	鍾奇音	盧宇珏	盧大科	盧苟二	鍾周聲	盧上瑞	盧上環
盧春賜	盧煥奎	盧金保	盧苟晚	盧蘭芳	盧苟西	盧蘭秀	盧繼華
盧苟鳳	盧苟喜	盧繼芝	盧繼全	盧繼著	盧苟四	盧可華	盧光儀
盧光倬	盧宇英	羅翠聲	鍾禮聲	鍾振顯	鍾述習	鍾承運	鍾翠念
羅月章	鍾提慶	鍾通聲	鍾壽聲	鍾會聲	鍾苟晚	鍾書慶	鍾合慶
鍾清日	鍾清月	楊勝周	鍾作聖	鍾禮慶	鍾建慶	鍾聖喜	鍾修周
梁萬球	梁慶芝	梁苟挽	梁慶蘭	梁五連	鍾韻聲	鍾錫聲	鍾日新
鍾佛佑	鍾順林	鍾寅生	鍾福喜	鍾振茂	鍾紹音	鍾有音	鍾翠林
羅安章	羅顯章	羅桃章	羅新章	羅明章	羅念美	鍾林慶	鍾神聖

鍾存慶	鍾華聲	鍾苟三	鍾運賜	鍾榮聲	鍾苟長	鍾苟妹	李勝蘭
李春榮	李春富	李苟未	鍾會慶	鍾燦仍	鍾燦熬	鍾安慶	鍾宦慶
鍾凡慶	鍾寘慶	鍾苟保	鍾記聲	鍾德聲	鍾行聲	鍾恩慶	鍾習慶
鍾耀慶	鍾習揚	羅祥美	羅大信	盧新鳳	盧大意	盧二旺	鍾清還
鍾球慶	鍾坤聲	鍾苟成	盧大榮	盧大顯	盧書堯	盧書連	盧長壹
盧大訓	盧書松	盧書柏	盧書祥	盧書錦	盧書學	盧大申	盧上保
盧書周	盧上璽	盧榮昌	鍾魁聲	鍾當芝	鍾當華	鍾當著	羅翠庭
羅旺喜	羅周章	羅長未	羅聖章	羅苟土	鍾清彥	鍾清榮	鍾軻聲
盧大稅	盧桂華	盧大配	盧大職	盧書俊	盧書泰	盧桂祥	盧書拳
盧書春	盧書福	盧賜申	盧苟賤	盧卯連	盧已連	盧辰生	盧西長
盧書亮	盧五賜	鍾全慶	鍾家聲	鍾橋應	鍾順仁	何交春	李開盛
陳國龍	莫建明	莫若榮	李以修	莫瑞宗	張士堯	張大焯	汪元基

范光彩 宋卯賜 宋文蘭 蘇萬春 蘇貴春 蘇榮春 蘇榮枝 蘇球祖
蘇鳳書 莫輕貴 莫念玉 莫舉伍 莫英吉 莫書宗 莫新宗 莫明宗
蘇學傑 蘇學禮 蘇相德 蘇輝旺 莫苟七 莫苟壹 莫苟三 莫五連
莫秀用 盧照意 梁燦倫 張秉相 張苟連 張合機 張合奇 羅任舉
羅春禮 羅萬禎 羅萬海 盧明蘭 張秉坤 張秉華

咸豐九年陳金剛石達開擾羊頭保安忠勇安樂各團殉難婦女

歐陽汝芝妻梁氏 歐陽長六妻羅氏 黃連生妻歐陽氏 董錦芳妻黃氏

歐陽達賢媳甘氏姪婦白氏 董佩霖妻程氏 黎英才母盧氏

董邦成嫂潘氏姪媳黎氏孫女妹嬌 董定昌 左氏 以上羊頭團人

盧成秀妻陳氏 黃歐章妻鄧氏 趙信善女一口 黃恒遠女公姑

趙承善女 歐燦富母潘氏 羅承文妻鍾氏女苟妹

陳啓珩妻莫氏女二口 陳啓瑾母羅氏妻鍾氏女一口

鍾麟趾母羅氏妻張氏叔母莫氏弟婦鄒氏盧氏女一口姪女二口

陳春雨嫂羅氏妻鄒氏女二口 陳啓珏妻黎氏孫女一口

陳啓成叔母蘇氏 陳啓盛妻鍾氏女一口

陳啓祥妻鍾氏媳盧氏 陳文理妻譚氏

盧光禮妻任氏媳鍾氏 盧光現妻王氏媳莫氏女苟妹

盧呈瑞妻鍾氏女二口弟媳楊氏姪女一口

盧上球妻鍾氏女二口媳張氏姪女一口

盧光春妻羅氏嫂鍾氏媳何氏鍾氏 盧大乾妻莫氏媳鍾氏張氏

董秉文妻盧氏 鍾大福媳陶氏虞氏

董德勝妻盧氏 董大祿妾鍾氏

鍾清桂母盧氏妻盧氏妾容氏 鍾恩聲媳梁氏

鍾蘇慶妻陳氏妾盧氏女春妹連妹四妹

鍾賢慶妻羅氏媵盧氏姪媳蘇氏姪女荷蘭祥花

鍾宇聲妻莫氏女苟恩姪媳陳氏蘇氏
鍾綸慶媳李氏孫媳莫氏

鍾念慶妻梁氏媳羅氏姪媳楊氏廖氏孫女鳳妹金妹苟妹轉花

羅錫章嫂盧氏
鍾周貴叔母徐氏

鍾慶祥妻梁氏姪女一口
鍾清禮妻羅氏嫂韋氏

鍾樂慶伯母莫氏
鍾通慶媳盧氏孫女一口

盧陳昌母鍾氏弟媳羅氏謝氏
盧光秋媳鍾氏

鍾明聲媳徐氏
鍾燦祿妻陶氏

盧玉珏妻李氏
盧宇文伯母鍾氏妻鍾氏

鍾燦祥媳莫氏孫媳蘇氏梁氏曾孫女連妹孝元

鍾錦芳妻蘇氏女二口姪媳莫氏梁氏姪女一口

盧上瑞妻莫氏女孝妹
盧上還妻楊氏

盧可華妻鍾氏

盧可明妻熊氏

盧蘭秀妻鍾氏媳鍾氏孫女連花苟孝運引

盧繼之母莫氏妻楊氏

鍾禮聲妻梁氏媳莫氏

盧光倅妻陶氏媳鍾氏陳氏

盧光儀妻鍾氏

羅翠聲妻周氏女二口

鍾書聲妻楊氏妾楊氏

鍾作聖妻周氏妹春鳳春蘭

鍾達慶妻王氏

鍾萬球妻莫氏

梁慶蘭母歐氏

鍾韻聲嫂莫氏女一口

鍾錫聲伯母陶氏女二口

羅新章母盧氏

鍾振茂妻蘇氏妾莫氏

羅顯章弟婦莫氏

羅念美母盧氏

鍾存慶妻盧氏媳楊氏

鍾祀聲母黎氏妹長花

鍾恩慶弟婦譚氏盧氏女一口

鍾耀慶妻李氏

鍾長美母周氏女一口

盧大信妻鍾氏女一口

盧大意妻楊氏

鍾順林母李氏妻李氏妹苟妹

鍾求慶妻莫氏媳蘇氏

鍾拔慶女一口

羅翠林妻梁氏孫女苟妹姪女二口女一口

鍾枝慶母蘇氏弟婦莫氏姪女苟右苟蘭

鍾燦仍妻黃氏媳楊氏盧氏羅氏周氏孫女一

羅習揚妻廖氏姪媳張氏

盧大榮伯母羅氏妻廖氏

盧大顯妻廖氏女一口孫女一口

盧書祥妻廖氏弟婦蘇氏

盧大訓媳廖氏鍾氏

鍾仙慶妻莫氏

盧書學妻鍾氏女三口

鍾隆聲母盧氏妻周氏

羅翠庭妻盧氏

羅周章妻莫氏

鍾清榮妻王氏

盧大稅妻莫氏

鍾全慶弟婦楊氏

盧大配妻楊氏

盧大職妻鍾氏媳羅氏莫氏妹三口

盧上保母鍾氏妻鍾氏弟婦陳氏

鍾清彥母廖氏妻羅氏女應蘭

盧書泰妻莫氏女苟蘭

盧書奉妻莫氏女四妹

盧書亮妻鍾氏

盧書春母鍾氏

莫正勉母楊氏

莫止謙母楊氏

歐胡成母盧氏

盧秉良伯母楊氏

梁興彩妻盧氏

周上書妻梁氏

蘇信科母羅氏

蘇龍春母鍾氏

楊莫秀女一口

楊美清女一口

盧紹意媳王氏

張秉相妻盧氏

鍾全慶妻黎氏媳盧氏孫女二口

鍾全慶弟媳莫氏周氏

黃秉臣妻盧氏

羅應得女月連媳蘇氏孫女英花

鍾韻聲妻羅氏

盧群英祖母宋氏

蘇烏春祖母梁氏

以上忠勇團人

周開有母潘氏

林楊福母蔡氏

盤京祥母李氏

李慶連母朱氏

李茂峯母林氏

黎上定叔母李氏

李光瑾母羅氏

奉意卿母羅氏

徐添岑妻楊氏

李日進母彭氏

李發積母黎氏

林聚念母羅氏

于先運妻陳氏

李園求母羅氏

林喜給母蔡氏

陳學魁妻蔡氏

盧于賓妻廖氏

莫昌剛祖母盧氏

黎華能母陳氏

陳忠勝母鄧氏

邱書學妻黃氏

盤樂慶母盤氏

盤成章妻盤氏

李發祿妻呂氏

盤懷清母盤氏

黎英疆妻李氏

梁標喜妻徐氏女一口

以上安樂團人

楊炳禮妻李氏

石玉林母陳氏

陳桂芳女一口

陳純信妻廖氏

陳任芳伯母莫氏

陳正念母韋氏

周經秀母蔡氏妻韋氏女一口

覃福清母陳氏

陳正達妹一口

以上板觀村人

毛毓鯤妻何氏女二口

蒙家斌嫂莫氏

潘先玉媳覃氏

覃潛福妻周氏

以上平埠村人

韋學昌母鍾氏

韋貴昌女二口

韋錦昌女一口

韋錦志女一口

畢世惠母蒙氏

畢詩玉母譚氏

畢照剛妻陳氏女一口

畢佛瑞母石氏

畢祖喜姪女二口

以上毛段村人

覃莫明妻陳氏

覃奠隆母楊氏

覃鳳瑞妻黃氏

覃家亮母韋氏

廖廷芬弟婦蔡氏

以上四里村人

廖照喜女二口

覃相文女一口

韋木先祖母陳氏

周文政母陳氏

以上周家村人

梁增楊妻陳氏

覃福橋妹一口女一口

周增珍母李氏

周先顯女一口

陸先全媳覃氏

以上中洞村人

黎啓龍妻岑氏

鍾照琳妻周氏

鍾富琳妻董氏

以上鍾山城人

按咸豐之亂人民死于難者以紅花之古樓村（舊屬忠勇團）爲最多次則石龍之老虎山鳳翔之三叉山羊頭之平山岩人民因避亂居山谷卒冒賊鋒而死亦皆以數百計至因客匪肇亂荼毒地方而被其禍者就中尤以蕉冲洞心與牛舞龍二村爲至慘篇中所列殉難人名僅據富川舊志記之而老虎山三叉山平山岩及蕉冲洞心牛舞龍各殉難人數均以文獻無徵闕而不記閱者諒之

咸豐八年陳金剛擾石龍團等村出力禦賊殉難人名

虞相華	鍾奇昌	潘堯祥	虞佑文	虞宥秀	虞智寬	潘富乾	黎富安
虞會仕	虞德純	駱祥貴	鍾光蘭	李清	潘效寬	陶增連	陶華壹
鍾潤連	鍾幹德	潘乾態	梁苟酉	潘富明	虞英祥	鍾聖祥	潘志緒
程禎祥	蔣金序	虞子安	虞相祖	潘重章	莫進書	鍾永揚	鍾志合
虞政	鍾文國	虞念寬	虞神佑	鍾增賜	謝祥貴	潘文和	陶維利
黎積珠	虞廷仁	張學士	鍾祿賜	陶舜榮	鍾盛經	潘廷璠	潘道林
黎秀松	潘純敏	鍾秋養	潘賜秀				

按上五十二名人祀忠義祠祠在石龍墟文武廟右

咸豐八年陳金剛攻破羊頭殉難人名

盧啓義	蔣啓學	蔣啓後	盧秀章	周文記	盧有英	盧孔松	黃應枝
楊運生	黃春孫	盧書明	盧子珍	羅成彩	蔣啓忠	陀上晚	徐應安
黃明寬	潘亞陽	黃文春	張顯秀	鄒孝祥	盧文孫	蔣啓富	蔣忠求

黃綱青	盧積英	盧啓孫	黃憲和	白宗含	盧西晚	徐應亮	徐顯華
楊時興	盧繼相	胡永祥	楊時潛	盧啓德	陳春亮	盧明錫	車成孫
陸佳	黃伯文	盧明清	徐應芳	黃安昌	盧啓賢	徐春先	蔣啓繼
羅萬應	譚光孫	黃鴻義	盧啓賤	周文勝	鍾朝仁	毛勝求	楊時吉
盧長七	鄒家瑞	陳啓從	盧紀秀	陀吉祥	李慶新	盧傳福	李玉生
黃柳色	聶苟辰	宋苟未	何國蕃	盧安福	楊時洋	梁慶求	徐應宜
盧積棋	黃苟金	甘有恒	左盛林	蔣啓遠	甘苟福	聶晚賜	鄒應容
徐學棋	周積啓	蔣萬佐	盧京信	甘正通	盧啓運	何土祥	聶松明
侯亞啓	馮六	馬良秀	盧積學	李賤枝	盧積善	徐顯章	盧義昌
盧敬昌	陳忠怡	陳宗法	何定元	鄒應青	譚苟二	盧善昌	蔣世祐
楊苟春	陳啓俊	楊紹祺	盧書昌	譚全亮	陳春雨	盧上耀	何國誦
黃記青	盧兆亮	左維倫	盧賤孫	何罩養	莫非爲	黃明福	鄒家仁

鄒家秀 盧秀楷

上列殉人名難入祀羊頭忠義祠

岑發泉 新杏洲人民國五年十一月十七夜匪劫秀元山聞警赴援歸途中流彈死
鍾見龍 荷塘村人 鍾賜吉 水寨人

以上二人於民國七年三月二十六日匪劫塘貝水寨江塘等村牛隻並拉
去婦女三十餘口鄰村集丁追擊見龍賜吉奮勇向前斃匪二奪回耕牛婦
女仍努力尾追爲匪彈所傷先後斃命

董有富 木元寨人民國十年冬匪劫板壩聞報往援追擊至下馬頭地方中匪
彈殞命

盧氣雄 盧紹昌 盧昌壽 莫奎謀 莫勝位 莫福光 陳裕仁

以上七名北區紅花人民國十一年二月鍾明階寇紅花併力拒賊殉難

吳富昌 潘光德 以上二名於民國十一年二月鍾明階入境劫掠力禦殉難
龍亞桂 甘家美 甘家富 甘德順 甘德綱

以上五名羊頭團人民國十二年四月十七日鍾明階分道寇羊頭力禦殉難

盧大賤 黃國樑 以上二名羊頭團人民國十一年九月二十九日併力驅逐

鍾賊殉難

潘鳳貴 潘安柏 潘廣生 潘培坤 鍾修德

以上五名南區人民國十一年九月二十五日併力驅逐鍾明階殉難入石

龍忠義祠

靖難

鍾秉釜 鍾城人明嘉靖元年西鄉賊馮道任作亂不時出沒釜與鄉賢周眞率民

兵平之遠近士民賴以安居明末勅封義勇將軍

鍾時鎔 鍾城人助釜平賊明廷念其勳勅爲忠勇將軍

韋祚 西區清塘人明嘉靖間勦平白馬槽土匪並築營鎮守至清咸豐四年始

改爲古營墟

韋鏡 西區清塘人明天啓間由東蘭土司奉調勦平七分韋崗一帶土匪將土

司所駐營寨增築營壘鎮守當時設有汛兵六名至清嘉慶時始裁撤

楊霄虎 下岩塘人明時撫猺有功封爲義勇將軍

楊才清 楊家昌 二人于清咸豐四年匪亂協同率團抵禦保衛地方亂平富川

馬縣令詳請才清給六品軍職家昌給八品軍職

楊瑄林 楊立柏 上二名下岩塘人咸豐時平匪有功瑄林給五品頂戴立柏給

八品軍職

民國二年冬土匪許厚水等由白帽山路上劫栗頭村轉劫小垵村三江團總陳纘

徽蔡兆豐等集練深入三叉白面田等處截擊殲匪十餘名生擒陶正記父子二

名從匪一名奪回牛三十三隻女生一口

民國四年二月二十八日鍾鎮藩攻無匪之大庄村紅花團總梁用松梁紹鴻等集

紅花三江兩團民衆援救擊斃亂軍排長一名始解圍去

當清之末世南區以團防不力士匪蠶起始而拜會繼而焚劫終而殺人拉生幾無一片乾淨土至民國八年易知事認真剿辦各團體亦復固結地方始陸續肅清得以安枕而臥

姑婆山一帶自民元後盡爲土匪叛兵所嘯聚四出搶劫十三年夏始由沈鴻英調集附近民團四面包圍匪缺糧食窮蹙不支向沈投誠到八步編隊沈將匪悉數誅戮匪患悉平計此役圍捕一月誅匪八百餘人心大快

軼事

張道陵字輔漢漢留侯八世孫生會稽天目山善以符水治病隱于富之白霞修煉至桓帝永壽元年往雲臺峯白日飛昇人即其地祠之曰丹霞觀丹竈藥臼至今存焉宋范純仁謫賀州東坡與書云丹霞觀張道陵遺跡果有良藥異事乎蓋自昔傳之矣

莫公失其名後周時人別號爽朗道人七歲辭其親入穿石巖跏趺靜坐學導引之

術年二十自謂能明寂滅居人相率伺之一夕不見蓋冲舉云

安樂縣君神道碑在白馬村兩石相合如掌內刻銀青光祿大夫工部侍郎許國公蘇頲欽奉勅大唐之元禩王春三月哉生魄日戶部尙書金紫光祿大夫書令越國公鍾紹京章玉陳疏展爲祖母安樂縣君當隋時開皇虞子茂寇南向而能忠烈戒子正名義檄書飛五花之綾錫命動九真之俗內降綴珠碧羅芙蓉冠蹙金線紋履五章瑟瑟走霞裙水晶如意赤玉鑑臺珊瑚楞伽枕琥珀唾壺天語優舉祔諸國中大業三載終於臨慶郡四年正月元日遷祔於富川松安里元號水西里因縣君葬此敕改焉取其正直安樂之義也我太宗文武大聖皇帝眷切先臣優降明詔發皇華之命出府庫之錢三千緡充助兵之費適下孝治之期敢貸銘旌之號庶繹龍綸永刑翠琰皇帝曰俞詔工部侍郎許國公臣蘇頲詢事考能直筆勒石謙抑弗下聊挾鄙思未能述懿鑠萬分之一也縣君臨賀蔣氏之艾性淑德美談論巧書札咳唾青紅赤綠桃花箋寫曹大家賦學衛夫人筆法及筭適

穎川鍾氏諱騫字宗閔則魏太尉二十八代孫由零陵沅湘人南封賀城太守生二子長士雄拜開府儀同三司伏波將軍持節廣南酋帥次士略銀青光祿大夫領縣國公食邑里五百戶武德四年李衛公巡撫嶺徼授賀州史每臨母之私忌則命浮屠輩於家廟宿齋講上生經百法論畢則望寢園之隧道漣涕如雨焉噫鍾氏甲族其來尙矣周隋以前軒冕奕世至於霸越綏護漢疆氣雄而膽豪智豐而畫高固一時之傑也贊曰古人耻當年而功不立疾沒世而名不聞蔣氏訓子有方視死如歸喻禍福於文華而自守忠義功旣立矣名旣聞矣封安樂縣君不亦宜乎帝曰欽哉

蔣女碑唐先天中蘇許公撰也其載蔣氏能以忠烈戒子使不應文華之召詳已經五代兵火之亂湮沒已久余爲富川之二年始購得坂本于郡之廳事因市石募工并與魏鄭公所撰隋書列女傳刻之於鍾山寺仁智縣堂而又訪尋蔣氏邱墓所在使禁護樵採且以勸夫爲人母者教子忠孝事上之意非特爲好事者口

實而已余乃至塚則見寺觀儼然西有合掌石備刻蔣氏傳曰鍾伏波母者臨賀蔣氏女也夫諱騫字宗閔由零陵湘沅入南封賀城太守素持釋行隋開皇二年奉敕號迦葉公卒葬于觀東古城岡面南山二子長士雄次士略雄仕陳爲伏波將軍陳主以士雄嶺南酋帥慮其反覆每質蔣氏於都下及晉王平江南以雄在嶺表欲以恩義致之遣蔣氏歸臨賀未幾虞子茂作亂舉兵掠城遣同寇鍾文華召士雄士雄將應之蔣氏謂士雄曰我在揚都備嘗辛苦今逢聖化母子聚集身不能上報焉得爲逆哉汝若禽獸爲心背德忘義吾當死于汝前子不聞上祖太尉繇公輔魏王勳及于今日猶傳廟享子盍盡忠繼之士雄奉戒儆止蔣氏復爲書與子茂喻以禍福子茂不從卒爲官軍所敗上聞蔣氏甚異之封爲安樂縣君勅賜長生觀延壽寺其寺觀碑銘因五代亂壞迄皇祐四載儂寇群侵前令劉珣諧此求安果遂時再刻于合掌石熙寧元年奉勅賜壽聖寺余雖刻鍾山且未悉其靈毓乃重寫寺觀塚銘仍刻合掌石上贊忠賢之懿行永化皇仁揚聖道之神

功固增帝德元符三年中秋月知富川縣王端禮編

石龍市西有馬璋舊傳明勅封勇士潘文案當征上四屯賊時爲惡黨所害歸其喪而留其馬馬逸奔回時文案喪至石龍馬亦奔至警睹喪柩長嘶數聲滾地死鄉人重其義因瘞諸路側世名其塚爲馬璋


葫蘆山上舊有飛來銅佛六尊鄉人歲祭之祈禱立應後忽不見好事者易以石刻祀之仍有靈驗云

縣城南門巷有打更鬼不知姓字及何許人每值夏秋間雨晦宵深聲輒聞音如擊節歷歷可數胆壯者遙尾之影若隱若現直追之則音影寂滅相傳咸豐時有匪徒屢欲縋城入皆被打更者發覺計不得逞銜之因乘間將其刺斃今之音殆其當年遺響云

按更夫微職也擊柝賤役也以職微役賤之人亦知盡其天職愛護人民置死生於不顧以視世之平日攘奪權利及一旦有警則委民以資冠者爲何如宜其軀

壳雖亡而精誠固結衛民之靈魂尤至今而不能化也其事雖異其志可嘉詎得以其蹟近離奇而不爲之表揚也

黃高一西區五將團虎頭寨人有異術能以灰麪作小鼠數枚覆置碗下越宿變爲銀洋數與鼠等足供數人食用惟食必盡用必罄無能留否則不應擅長華陀神水專醫跌打損傷凡遇患者先以淨水畫符念念有詞呵水噴之血止痛失次以藥敷治無不立效尤精解剖術每遇槍碼毀傷肋骨用利刃剖割任意剔取毫無痛苦雖骨碎肋斷亦能補接計時痊愈秘其術不傳卒于清季末年人深惜之



11411

訂修年十二國民華中
印付年二十二國民華中

芹秀盧 (任主志修前)
標世盧 疆寶潘 (修 纂)
標鈔盧 (輯 編 總)
白鎮董 彭祖岑 瀚 王 鴻賓鍾 (輯 編)
(訪 採 區)
榮可廖 香含董 謙寶潘 彭祖岑 榮世徐 蔡含董
仁憲陳 昌榮廖 民乃韋
(訪 採 團)
洋斯潘 貞永羅 標錦盧 泚沛楊 高志程 亮信鍾
梧廷鄒 忠效何 亭茂楊 鴻宗梁 鈔先鍾 春得盧
登榜黃 翰國鍾 良毓鍾 元培鍾 陞定何 彰克馮
良明蔡 昌初陳 標克楊 義憲陳 方東馮 樓五曾
文憲莫
仁憲陳 珍席楊 (對 校)
仁憲陳 (人作著圖縣)
珍席楊 (人訂校圖縣)